

Almanach pour l'an M. D. LXXXVII... par M. Himbert de Billy...

112 f.

Edition de Lyon : par Benoist Rigaud ; A Paris : chez Jean Caelat, [1587]. 11 cm

Almanach pour l'an 1587

Notice nfi : FRBNF37285296

ALMANACH

POUR L'AN

M. D. LXXXVII.

Avec ses amples predictions du changement
& mutation de l'air, selon le cours & influence
des Astres sur les Lunaisons des douze
mois de l'An tres-exactement calculees, sui-
vant la reformation **GRÉGORIENNE**,
sur le midy du vray cœur du Côté de Bour-
goigne, par **M. HUMBERT DE BILLY**,
natif de Charlieu en Lionnois, excellent &
renommé supputateur des Ephemerides ce-
lestes bourgeois & habitant de s. Amand
au dit Comté de Bourgogne.

*Dedie & consacré à Monseigneur le Reverendissime
Archevesque de Besançon Prince de
l'Empire Romain, &c.*

Et tous les Almanachs voicy le plus certain,
Par par de Billy, qui te fera voir l'année
selon qu'elle promet bien ou mal fortune,
Et selon que l'air doit estre obscur ou serain.

A L Y O N,

Par benoist Rigaud.

ET

A P A R I S,

Chez Jean Cauclat, à la Salamandre, du
consentement dudit Rigaud.


Avec Privilege du Roy.



A MONSEIGNEUR
le Reverendissime Arche-
vesque de Besançon,
Prince de l'Empire
Romain, &c.

Ce mien petit present, le meilleur
de mon offre
Est à vo^r dédié, Prelat, ie le vous
coffre.
Et l'ouvrier, & l'outil, pour (s'il
vous vient à gré)
Vous estre entierement desormais
consacré.

H. de Billy.
Contrefacteur de Mostreadamus



AV LECTEUR.



LE me puis vâter, Lecteur mō
am. que j'ay tant fait par mes
reuerrees remonstrances d'a-
voir resgè toute la troupe
des Astrologasties, Progno-
stiqueurs empruntez, des dis-
ciples suppolez, & de tous
ceux qui en despit des Mathematiques, & cō-
tre toutes les reigles & apotelesmes d'icelles,
aïoient par cy devant des Almanachs & pre-
dictions tres-mal calculees, en faveur d'aucuns
Libraires & Imprimeurs, de ceux mesmement
qui ne se soucient de ce qu'ils mettent souz la
presse, moyennant qu'il y ait largement à ga-
gner. J'ay, di ie, taicené qu'ils ont recon-
neu la faute qu'ils faisoient d'avancer, ou de
retarder le renouvellement de la Lune, & de ses
quartiers, le plus souvent de douze heures, &
par fois plus n'y auoit, par leur pure ignora-
nce: & qu'à la fin ils ont esté cōtraints de cōfesser
son dire tres-veritable, & se sont aduisez de
seulx faire (comme ie m'ē suis prins garde en
leurs diaires de l'ã precedēt) & se sont accordez
avec ceux qui font leurs supputatiōs tresjuste-

ment selon les tables Ptolémiques & Berges-
ses, voire selon les observations Coperniques,
& Stadiennes : de sorte que maintenant on
pourra bien iustement sçauoir quand la Lune
sera nouvelle & quand elle sera pleine : pour-
ueu toutefois que les prelagés se maintien-
nent au bon chemin, ou ils se sont mis (dont
toutefois ie m'en doute) à fin qu'on ne soit
plus abusé : & par ce moyen ils pourront assez
assezement prédire le changement de l'air,
& tout ce que concerne & appartient à la Mé-
decine au profit du labourage : & a la naviga-
tion : puis qu'il a pleu (comme on ma fait en-
tendre, sans que i'en suis assuré) à nostre saint
pere le pape sixte cinquiesme de ce nom, pré-
senteemēt gouvernāt la nacelle de saint Pierre
comme souverain pontife & chef de la tres-
sainte Eglise Catholique Romsine, de defendre
toutes autres predictions les tenant vaines,
trompeuses, accompagnées de diuination &
controuuées par la ruse des hommes mal-
chans & fraudes des Demons, lesquels estans
innocens declarent frauduleusement & men-
songerement les choses futures pour destour-
ner les pauures humains de la droicte voye de
salut, & les empicter par des folles bourdes, re-
neries & preuoyances au piege de damnation
Quant a moy, Lecteur debonnaire, d'autant
que ceste defence me peut toucher, ie r'ose

bien declarer, & dire haut & clair, la teste lo-
uee, qu'en tous mes presages que i'ay fait &
mis au iour iusques à present ie ne me suis ay-
dé d'aucuns demon, ny esprit familier, pour
estre embouché de ce qui deuoit aduenir, tant
en la mutation & disposition des temps à la
pluie, serenité, froideur & chaleur, qu'aux ma-
ladies, & autres occurrées & euenemens de
la paix, de la guerre, abondance de biens ter-
riens, chertez, & mortalitez, que ie t'ay pre-
dict annuellement: mais ayant premierement
inuocqué le nom de Dieu tout puissant avec
vne tremblante supplication, le priant me
vouloit octroyer vn entendement pur & net
& purger mon ame de toute souilleure, afin
de pouuoir fidelemēt expliquer les significa-
tions, & presages des reuolutions des années
i'ay suiuy certaines reigles que nos deuanciers,
tant Arabes, grecs que Latins nous ont laissé
par escrit, avec des observations miennes par-
ticulieres, par le moyen desquelles ie t'ay fait
entendre bien familieremēt ce que i'ay trou-
ué necessaire t'estre descouuert pour ton pro-
fit & utilité. Soubmettant randaís le tout à la
censure Ecclesiastique, comme ie n'en fais dif-
ficulté encor maintenant, pource que ie ne
pretés en maniere que ce soit te piper, n'y t'en-
uelopèr par aucunes diuinations, ny sorcele-
ries, lesquelles i'abhorre, & deteste, les ayant


en de tout temps en mespris, & reietté bien loing, ainsi que ceux qui me sont intimez amys, & me cognoissent de pres, le pourront telmoigner. Au reste, comme ie suis asseuré que ce mien noble disciple, natif de Dijon, malgarny de doctrine, ne veut pas faillir de continuer les asneries, & te faire veoir de rechef quelque Almanach & Prediction empruntee, selon la bonne coustume: ou que quelque folastre seruiteur d'Imprimeur, ou tireur de presse, publiera des faulces ephemerides en mon nom, ie t'ay voulu certifier encores par ceste, Lecteur beneuole, que ie n'ay fait autre prognosticq pour l'an 1587 que cestuy cy, où tu verras mon teing manuel soumis, tenant tous les autres falsifiez, & faicts par autres que par moy. Desauouant pareillement mondict faux disciple surnommé, & ses ceures desrobées, si par aduerture, aucunes il en a mis en auant. Fait au Comté de Saint Amour, ce iour de Saint Martin, onzième du mois de Nouembre, 1586.

 Debilly

IN D. I M B E R T I
Billy Gronognosim C. I.
Morelli Vallefini Te-
traftichen ad
Inuidos.

*Livida turbatace, superavit Billis omnes
Invidia stimulos numine plenus homo.
Numine plenus homo nobis cœlestia pandit
Munera, queis nemo, ni malus inuideat.*


Oculus vitæ sapientiæ



OBSERVATION

sur la presente Annee

1587.

 Cette presente annee aura 365. iours
5. heures 51. minutes 26. secondes, &
36. tierces.

Elle sera la troisieme apres le der-
nier bissextile & le cinquiesme apres la refor-
mation Gregorienne.

Et depuis la creation du monde suiuant la
vraye & parfaite supputation des Cronogra-
phes l'an 5049.

Et du Deluge general 3891.

Depuis la Circoncision 3502.

Depuis la premiere celebration de Pasques
& Pentecoste 3096.

Depuis la premiere construction de Rome
par Romulus iusqu'à ce temps, comptant de-
puis le cōmencement du monde iusqu'à maia-
ter ant 2359.

Depuis la mort d'Alexandre le grand 1912.

Depuis la premiere fondation de Lion 1661.

**Et de la natiuité de nostre Seigneur & Sau-
ueur Iesus Iesus Chritt 1587.**

Et de la Resurrection d'iceluy 1553.

**Et depuis la predication de saint Paul 1544
Et du cōmencemēt de l'Empire Romain. 1532**

**Depuis la premiere destruction de Ierusalē
par Vespasian & Tite, iusqu'à la reparation
faite par l'Empereur Adrian 47.**

**Depuis la reparation de Ierusalem par l'Em-
pereur Adrian iusqu'à maintenant 1388.**

**Depuis l'institution de la Carefme par le Pa-
pe Telephore 388.**

**Depuis le commencement des ieunes des
Quatre temps & des Cemitieres ordōnez par
le pape Calixte 1368.**

**Depuis la donation de Rome par l'Empe-
reur Constantin le grād au pape Siluestre 1177.**

**Depuis le commencement de la loy Salique
faite par le Roy Pharamond 1167.**

**Depuis l'institution de l'ordre de S. benoist
1071.**

**Depuis la prise & bruslement de Rome par
les Goths. 041.**

**Depuis la premiere monarchie des François
commencee par le Roy Pharamond iusques à
la deuxiesme commencee par le Roy Pepin fils
de Martel 331.**

**Depuis la deuxiesme Monarchie cōmencee
par le Roy pepin iusques à la troisieme com-**

mēce par Hue Capet, fils de Hue le grād.	21
Depuis la troisieme Monarchie de Hue Ca pet, dont sont descendus les tres-chrestien Rois de France, iusques à maintenant.	55
Depuis le commencement de l'ancienne & re nommee maison de Ray, au Comté de Bom gongne iusques à maintenant, comme toute par des anciens titres.	85
Depuis la m iudite heresse de Mahōmez.	99
Depuis la subiectiō de la Gasconne par le Francois.	91
Depuis l'instruction de la Musique, & des Oi gues des Eglises.	91
Depuis le commencement du Royaume de Castille.	87
Depuis l'institution du Parlement en France par Pepin.	83
Depuis le Parlement, Senat & ordinaire à Pa ris.	271
Depuis l'institutio de l'Vniuersité de Paris.	811
Depuis le cōmēcemēt de l'ordre de Ciuny.	787
Depuis l'instit. de l'Vniuersité de Louvain.	660
Depuis le commencement du royaume de Po logne, iusques à l'electiō de Henry troisiel me Roy de France & de Pologne. 619. & ius ques à ceste annee.	638
Depuis la premiere institution des sept elee cteurs de l'Empire Romain.	59
Depuis le commencement du royaume d'Ar	

raison.	590
Depuis la diuision du royaume de Bourgogne en Duché & franche-Comté.	156
Depuis l'establissement du royaume de Portugal par Henry de Bologne ou de Lorraine (comme aucuns mettent en auant) iusques à la succession du grand Philippe d'Autriche, Roy des Espagnes, qui fut l'an 1580.	493
Depuis l'institutiō de l'ordre des Carmes.	449
Depuis le commencement des ordres des Cordeliers & Dominicains.	406
Depuis l'institution de l'ordre des Bons hommes.	360
Depuis l'Érection du collège de Sorbōne.	260
Depuis le commencement de la tres-illustre maison d'AVSTRICHE.	316
Depuis l'institutiō de l'ordre des Celestins.	316
Depuis les vespres Siciliennes des François, iusques aux matines Parisiennes.	301
Depuis Ottomani 1. Empereur des Turcs.	301
Depuis l'ordonnance du son de la cloche de tous les iours sur le soir pour dire le salut à la Vierge Marie.	271
Depuis l'acquisition de Dauphiné au premier né de la Couronne de France.	259
Depuis l'inuention des bombardes & harquebuses.	223
Depuis l'inuention de l'Imprimerie.	164
Depuis l'institution des filles repenties.	103

Depuis le commencement de l'ordre des suites 52.

Depuis la possession prise du pais d'amban de Flandres & de la Bourgongne, par l'inuincible Philippe d'Autriche 38.

Depuis la remise du Royaume de Naples par l'Empereur Charles le Quint à son fils Philippe 34.

Depuis la succession au Royaume d'Espagne & de Sicile 11.

Depuis la mort de l'empereur d'eternelle memoire Charles le Quint 29.

L'an du pontificat N.S.P. le pape Xixte cinquiesme de ce nom 3.

L'an de l'empire de Rodolphe vnziesme 11.

L'an du regne de Henry III. Tres-Christien Roy de France 13.

Nous tiendrons pour nombre d'or 11.

Circle du Soleil 18.

Epacte 21.

Indiction Romaine 15.

Lettre Dominicale D.

L'interualle, c'est le Charnal, à scauoir les iours qu'on mange de la chair entre Noel & le iour des Cendres sera de six sepmaines trois iours.

Les Fêtes mobiles selon l'Eglise Catholique Romaine.

La Septuagesime	le 25. Janvier
Le Dimanche gras	le 8. Feurier
Les Cendres	le. 11. Feburier
Les Brandons ou bordes	le 15. de Feburier
Pâques le	29. Mars
Les Rogations	le 3. May
L'Ascension.	le 7 May
La Pentecoste	le 17. May
La Trinité	le 24. May
La Feste Dieu	le 28. May
L'Advent	le 29 de Novembre

Les quatre temps de jeusne & abstinence.

le	{	18. 20. & 21. iours de Feburier
	{	20. 22. & 23. iours de May
	{	16. 18 & 19 iours de Septembre
	{	16. 18. & 19. iours de Decembre.

Les temps des espouailles

Selon les statuts & ordonnances du saint Concile de Trente, dernièrement tenu est ordroyé & permis, de pouoir impartir la be-

**Benediction Nuptiale à toutes personnes capa-
bles tous les iours de l'année, excepté depuis le
premier iour des Aduents de nostre Sauueur
Iesus-Christ iusques au iour des Roys, & de-
puis les Cendres, iusques à l'octaue de Pasques
inclusiuent.**

Les marques des Lunes nouvelles,
pleines, & quartiers de l'année.

Nouvelle lune en tel signe	○
Premier quartier en tel signe	◐
Pleine lune en tel signe	◑
Dernier quartier	
Heures deuant midy	h. d.
Heures apres midy	h. a.

Les Caractères des douze signes
de l'année.

Aries ♈ Taurus ♉ Gemini ♊ Cancer ♋
♌ Leo ♍ Virgo ♎ Libra ♏ Scorpius ♐
Sagittarius ♑ Capricornus ♒ Aquarius ♓
Pisces ♔.

Les caractères des sept Planètes.


Saturne ♄ Iupiter ♃ Mars ♂ Soleil ☉
Venus ♀ Mercure ☿ Lune ☾
Tête du Dragon ♀ Queue du Dragon ♂

DE L'EQUINOXE.

Equinoxe vaut autant à dire comme nuit égale, pour ce que deux fois l'année les nuits sont égales à leurs iours en duree, c'est . sçauoir, premierement environ la Saint Ienoist. Secondement environ la saint Maurice. Le premier doncques sera le vingt-vniésme de Mars : & l'autre le vingt troisiésme de septembre.

DE SOLSTICE.

Nous auons deux Solstices, ou retours du Soleil, l'un au vingt-deuxiésme de Iuing : & l'autre au 22. de Decembre. Le premier monst le plus long iour, & la plus courte nuit : l'autre au contraire fait apparouïre le plus court iour & la plus grande nuit de toute l'année.





DE DEUX ECLIPSES.



EN ceste année 1587. il y
aura deux Eclipses, vne
de la Lune, & l'autre du So-
leil. Celle de la Lune qui la
premiere se trouuera empes-
chee en la partie inferieure
du costé de la bize: se fera va
Mercredi 16. iour du mois de Septembre à 8. h.
54. min. du soir. Alors elle se pourra mener au
23. des poissons, apres de la ombre du grand
Roulin Pegase, estoille fixe de la deuxiesme
grandeur de la nature de Mars & du Dragon,
en l'oziesme maison du ciel, maison (dis- e)
des amis, compagnies, espoirs, confiance, fa-
veurs, ayde & secours. Son corps sera obscurcy
de neuf pointes ou doigts ecliptiques, & de
45. minutes. Ceux qui la regarderont bien at-
tentivement, la remarqueront estre de couleur
noire, meslee du passe, tirant sur le cendré:
le commencement de l'Eclipse, cest a dire
l'instant auquel la lune entrera en premieres
tenebres, & ombre de la terre, sera a sept heu.
& vn quart du soir: le milieu: qu'est le plus

grand empeschement, qu'elle aura) aduëndra
en uiron les neuf heures. Et demeurera en ce-
ste obscurité iusqu'à dix heures & demie: apres
petit à petit sortant de tenebres, elle recou-
urera sa clarté, splendeur & lumiere accoustu-
mee. Sa totale duration du commencement
iusqu'à la fin, sera de trois heures & demie, peu
plus ou moins. Elle produira ses effets depuis
le 18. iour du mois de Decembre en ceste mes-
me annee, lesquelz cesseront le 19. de Mars en
l'an 1588. Durant ce temps le ciel se contristera
bien souuent, & se fâchera par fois, tellement
que les larmes luy sortiront des yeux, & pleu-
rera tref-piteusement, & tout son beau benoist
saoul: preuoyant, peut-estre, la continuation
des malheurs qui nous doiuent assaillir d'une
part & d'autre. C'est vn cas estrange des faintes
& simulecs amitez, & des trahisons machines
souz ombre de beau semblant se descouuirôt:
avec la rupture d'un certain Intérim par auant
par necessité accordé. Helas! que les nobles &
les riches, voire les pauures se trouueront en
tref-mauuais poinct, comme feront les gens de
religion, qui seront bien tant tourmentez, que
pluieurs d'entr'eux mourront de dueil & de
tristesse: outre ce qu'attendent plus grand mal
en l'annee suyuant 1588. s'ils ne s'en donnent
de garde. Les dissentions seront capitales entre
freres, beaux-freres, parés & allicz, qui se pour-

ont une les armes fortes & puissantes.
 Quelque cruel Martial descendra, qui cause de
 grands troubles: maintes villes seront par luy
 affligees, les habitans d'icelles serrez en prison,
 & mis à mort par son commandement. Au de-
 meurant *dubitandum est nequid piam mirabile ac-
 cidat, & periculose quadam mutationes subsequan-
 tur, ob perfidiam seruorum inimicitias vicinorum &
 conspirationes nonnullarum ciuitatum.* Je ne passe
 pas plus outre (*ne mihi noceat esse locutus*) mais
 je remettray le tout à Dieu, qui pouruoua à
 tout.



L'AUTRE Éclipse;
 qui est du soleil,
 se fera vn Vendredy,
 2. iour du mois d'O-
 ctobre, à cinq heures,
 17. minutes du matin,
 & à cest instant il se
 trouuera au 8. degré
 de la Balance, en la
 premiere maison du
 Ciel, non gueres estoigné de la teste du Dra-
 gon. Le defaut de sa lumière, & son obscuri-
 té ne sera pas apperceue en ces contrées, d'au-
 tant qu'il aduendra deuant son leuer, in-
 continent apres l'aube du iour, quand il se-
 rura encoires moyen de nous monstrer sa fa-
 ce triste & deuoilee. Mais les Orientaux du

septiesme climat, comme ceux d'Austriche,
Hongrie, & en la terre des Mores le verront
presque entierement, & obserueront que le
corps dudit Soleil sera obscurcy tant seule-
ment de quatre poincts. Combien que ceux
de Pologne, Massouie, Prusse & autres du 9.
climat, recognoistront ledit obscurcissement
iufques à sept doigts ou enuiron, que sera peu
de cas: aussi ces significations seront de peu
d'importance en les quartiers: mais aux regions
suldistes elle ne seront pas à negligier, d'autant
que Venus gouuernante de ceste eclipse logee
en la douzieme maison, & regardee du mau-
uais œil de Mars le malin menace par delà plu-
sieurs Gentilshōmes & autres suiuan la Cour,
de terribles euenemēs, inimitiez, captiuitez &
surprises: voire qu'vne Dame de grad' maison
sera serree en prison par indignation de quel-
que grand grand, ou bien que par des menes
des ennemis secrets sera empoisonnee. *Sub ami-
cis & blandis verbis inescationes ac frustrationes
impendebunt. Nonnulli in captiuitatem redigentur
propter religionem: ex qua magnus pecuniis se redi-
mere cogentur. Oraciones & ciuitates tertio qua-
drangulo subiecte, item signo Virginis, vobis pluri-
ma incommoda portendi videntur. O reges principi-
potissimum sub prima parte libra, arietis, canceri, vel
capricorni nati, pre nimio estis sudabilis. A vobis
enim domine rerum trāsferuntur grauesque turbat*

Et rebellione à subditis experiemini. Je parleray le surplus entre mes dents, afin de n'outrépasser les deffences limitees: & prieray Dieu vouloir mettre ordre aux desordres qui se preparent en diuers endroits du monde. Au reste, comme les effets de la grande cōjonction des hauts planettes Saturne & Iupiter faite en l'an 1583. durent & dureront encor seize ans (s'il faut croire au grand Misocor) & ceux de l'eclipse du Soleil de l'an 1585. qui ne finiront pas iusques au vingtiesme iour du mois de Septembre en l'an 1588. il me sera permis de dire que le grand pirate Mahumetian aura derechef des terribles besongnes à desmesler avec son aduersaire l'invincible Sophi, qui luy donnera de tresfurieux combats & assauts, tellement que tout nagera en sang: de mesme feront les Princes Chrestiens, s'il se hazarde d'employer ses forces pour enjamber sur eux, & principalement sur les Metanastes, les pauoniens superieurs & inferieurs. Car le temps de sa decadence s'approche, mesmement de son siege imperial de Bisantins, ayant opinion sans l'asseurer, que ceste annee & la suivante il se recule bien d'autant & plus, que pour le passé c'est aduancé: voire qu'il sera contraint par quelques sieges qui seront mis en ses tenes, d'abandonner le tout, non sans grande hon-

te & vergongne. Dieu le vueille ainsi. En
Oltre ie ne vous puis cacher la crainte que
i'ay que les infirmitéz contagieuses ne tiennēt
Place en diuers lieux, & presque par tout, &
qu'elles ne surprēnent à l'improuiste ceux &
celles, qui moins s'en doubterōt. Diray ie que
bonnement ne se trouuera ville ny village qui
ne soit contaminé, pour ce que l'air sera tant
infect & corrompu, que la contagion pene-
trant de lieu en autre, comme vn soudain
embrasement, suffoquera & esteindra la plus
part de ce qu'il rencontrera. Finalement i'ad-
iousteray cecy d'abondant, que durant ceste
reuelution à grand' peine le sanguinaire pose-
ra les armes, se voyant authorisé plus que ja-
mais, mais brauera estrangement vers les Oc-
cidentaux, où il fera cause que plusieurs stra-
tagemes de guerres seront executez. Il encour-
ragera le plus grand couronné de l'Europe de
faire executee vne grandissime expedition du
costé d'Albion, pour se venger des iniures à
luy inferées, & mettre vn ordre au faict & dif-
ference des Religions. Et pour cest effect vne
grande partie de la mer Oceane sera pleine
des naues, des hulques & fragates, & d'autres
vaisseaux de guerre, qui feront belle peur à
tous ceux qui en cest endroit seront sur les ri-
uages marins, mais qu'est ce qu'en succedera
de ceste haute entrepriise? le seul Dieu le

ſçait, lequel nous prierons deuotieufement qu'il vueille mitiguer ſon ire, & retirer ſa main puiſſante, executant ſes iuſtes iugemens contre nos pechez: & qu'il luy plaiſe nous regarder de ſon œil tout pitoyable & miſericordieux, nous mōſtrer ſon affection paternelle, & nous chaſtier tant ſeulement pour noſtre amādemement aduenir, à fin que repentāt de tout noſtre cœur, nous nous cōuertiffions à luy, & par ce moyen nous ſoyons preſeruez & deliurez de tous tumultes belliqueux, de peſtes & famines, qui nous travaillent preſentement. Ainſi ſoit il. Amen.

ADVERTISSEMENT.

On trouvera ſur chacun iour les elections neceſſaires, tant pour ſeigner, medeciner, ſemer & planter, que pour toutes autres choſes concernantes l'vtilité & commodité des humains: voire les iours heureux & mal-heureux. D'auantage on y verra les feſtes celebrees extraordinairement au Comté de Bourgogne, & au diocēſe de Beſançon marquez d'vne croix rouge de S. André comme les vigiles des apoſtres non obſeruees audit diocēſe d'vn triangle rouge.

Signes des Elections.

Les iours heureux en tel signe

Les iours malheureux en tel signe

Bon seigner

Bon prendre medecine

Bon semer & planter

Bon coupr les cheueux

Bon couper les ongles

Bon aller a chasser

Bon prendre pilules

Bon abbatre & couper le bois pour bastir
& edifier maisons, depuis le 22. & 23. de Iuin
iufqu'au 23. de Decembre mettant vos ges
en besongne, si faire se peut, depuis chaque
pleine lune, iufqu'au dernier quartier de
celle.

Mauuais nauiger & se mettre sur la mer, &
sur grandes riuieres, voire sur quelque es
que ce soit, en tel signe

*
M.
S.P.
P.P.

JANVIER.

*Les Grâds vêts du Ponât, Et ceux du Pole Arctique
Garderont de mourir l'oline pacifique
Dont Et tresnes & paix & armes mises bas
Couureront feu, fer, sang, querelles & combats.*

j	a	Circoncision.	♌	3	Maligne cōi.
ii	b	s. Clair	♌	17	Ca 1. h. 20 m.
iii	c	s. Geneviefu	♍	1	d. brouil. nei.
iiii	d	s. Tite Euesq.	♍	16	ou pizi. M. ♀
v	e	s. Simeon	♎	0	♂ ✂ ♂ *
vi	ff	Les Roys.	♎	14	♂ M. ♂
vii	g	s. Lucian	♎	8	♂
viii	a	s. Seuerin	♏	11	O à 11. h. 7. m.
ix	b	s. Guillaume	♏	25	téps tri de fr.
x	c	s. Paul hermit.	♏	7	neig. ♀ *
xi	e	s. Ignin mart.	♏	20	♂
xii	f	s. Satyr	♐	3	♂ M. ✂ PP.
xiii	D	s. Hilaire eue.	♐	15	♂ M ✂ *
xiiii	g	Les morts	♐	17	♀ ♂
xv	a	s. Maur: bbé	♐	10	♀
xvi	b	s. Marceau	♐	22	♂ a 7. h. 3. q.
xvii	c	s. Antoine	♑	4	du soir mena
xviii	d	s. Price vier.	♑	16	ces de neiges
xix	e	s. Omer	♑	28	ou plu. ♂
xx	ff	s. Fab. & Seba.	♒	11	bize noire
xxi	g	Solen	♒	23	couvert! hu-
xxii	a	s. Vincent.	♒	6	mide catho-

xxiii	b s. Emerane	☉	19	→ M. *
xxiiii	c s. Innocence	♁	1	☉ à 1. h 26. min.
xxv	D La Cō s Paul.	♁	16	☉ temps serain
xxvi	c r. Policarpe	♃	10	☉ ☽
xxvii	fs. Jean Chryf.	♃	14	☉ ☽
xxviii	g s. Charlem.	♃	19	→ M. ♄
xxix	a s. Valere	♁	13	☉ ☽
xxxi	b s. Balside	♁	28	☉ à 3. h 42. min.
xxxii	c s. Merrá mart.	♃	28	☉ ☽

JANVIER.

- 1
- 2
- 3
- 4
- 6
- 7
- 8
- 9
- 10
- 11
- 12

FEVRIER.

*Des plus loctrez dessus les faictz celestes
Seront par le grand Pontife reprovuez
Puis d'ediect chaffez comme celestes
Et empoignez la ou seront trouvez.*

Alteré de Nostreolamius xv. 15.

j	D Sevageant	M 27	pluies vents, froi-
ii	e Paific. a. d.	→ 11	dures ♂
iii	f s. Blaise	→ 24	♂
iiii	g s. veronique	→ 8	Le rouge vestu
v	a s. Agathe	→ 2	carrelé par tout.
vi	b s. Dorothee	→ 4	→
vii	c s. Moyse	→ 16	⊗ a. h. 36. m. a.
viii	D Ouyquage	→ 29	bize noire tēpe
ix	e s. Apoline v.	X 11	stuc. → M. ✂
x	f Mardy gras	X 23	M → ✂ pp.
xi	g Les Cendres	Y 5	Gaillardé pliant.
xii	a s. Eulalie	Y 17	→ M ♀
xiii	b s. Damas pa.	Y 29	S.
xiiii	c s. Valentin	II 11	✂
xv		II 23	D 4. h. 23. mi. a.
xvi	e s. Faustin	III 6	vens froid durs
xvii	f s. Juliane	III 18	& inconstant.
xviii	g Quatre tes	III 14	→ uailles
xj	a s. sabine	III 14	Les gouteux m-
xx	b Solen	III 28	demanderon se-
xxi	c s. Audébert	III 11	cours ♂
xxii	D v. d. P. s.	III 15	♂

xxiii e Vigile	III	a. i. h. & demied
xxiiii f. Mathias.	III 22	obscur & froi
xxv g. Alexis	III 9	
xxvi a. Alexandre	III 23	Martiale emoti
xxvii b. Nicéphore	III 8	M. 4
xxviii c. Romain	III 23	M

FÉVRIER.

1

2

3

4

5

6

7

8

10

11

12

RECEIVED

19

- 13
- 14
- 15
- 16
- 17
- 18
- 19
- 20
- 21
- 22
- 23
- 24
- 25
- 26
- 27
- 28
- 29
- 30

M A R S.

Des flots efmeuz des courantes riuieres,
 Ceoifront plus haut qu'ils n'ont accoustumé,
 Terres aufi à l'esbranlee legeres
 Rendront soudain en chacun estonné.

i	D. S. Denis	☞	7	C. à 4. h. 53. m. a
ii	e s. Simplicie	☞	21	Constitution belle
iii	f s. Faustine	☞	5	Fraicheur aquil.
iiii	g s. Adrian	☞	18	Bize froide
v	a s. Paulin	☞	1	Foatures de re-
vi	b s. Alexandrin	☞	13	* queste
vii	c s. Tho d'Aq.	☞	26	P. PP.
viii	d s. Lactare	☞	8	pp.
ix	e s. Ded. s. Ag.	☞	20	O à 5. h. 19. m. d.
x	f s. Henry	☞	2	menaces de plus
xi	g Les 4. cheu.	☞	14	& vent.
xii	a s. Gregoire	☞	26	p. S.
xiii	b s. Euphrase	☞	7	✂
xiiii	c s. Gerrade	☞	19	✂
xv	D. S. Denis	☞	1	ennemis en ca-
xvi	e s. Denis	☞	14	pagne ☞
xvii	f s. Anselme	☞	16	☞ à 10. h. 54. m.
xviii	g s. Patrice	☞	9	pluie fascheuse.
xix	a s. Ioseph	☞	22	☞ *
xx	b s. Denis	☞	6	Eau des border.
xxi	c s. Benoist	☞	20	♂ ☞
xxii	D. S. Denis	☞	4	Avancez de sadu.

xxiii c	l'intermèps.	☉ 18
xxiiii f	l'Equinoxe.	☉ 21. h. & demie
xxv g	l'Anunc.n.D.	☉ 18 Æoluliamè
xxvi a s.	Mercur	☿ 3 l'œil
xxvii b	l'edredy Saint	☿ 18 ☽
xxviii c s.	l'ixte	☿ 2 ☿ M. ♂ ☽
xxix d	l'Pasques	☿ 7 Douceur agrea-
xxx e s.	Eustache	☿ 1 ble S.
xxxi f s.	Alard	☿ 14 ☽ à 2. h. 34. m. d

M A R S.

- 1
- 2
- 3
- 4
- 5
- 6
- 7
- 8
- 9
- 10
- 11
- 12

3
4
15
16
17
18
19
20
21
22
23
24
25
26
27
28
29
30

C

13
14
15
16
17
18
19
20
21
22
23
24
25
26
27
28
29
30

*Les Antonins troublez pour la confusion
des basanez qui se feront cognoistre,
On bruirá en mainte region
Des habitans qui renieront leur maistre.*

i	b	X	2	Y PP.
ii	c c. Athanase	X	25	Y M. ✂ *
iii		X	27	♂ M. Y PP.
iiii	c	Y	9	♂ ♀
v	f D.e.s. Icã Eu.	Y	20	Y Y
vi	g	♁	2	♁
vii	a	♁	14	● à 4. h 35. m. a
viii	b App. s. michel	♁	25	gaillard trop fra
ix	c s. Nicolas	II	7	♁ *
x	s. Gordian	II	19	souspir & larm.
xi	e s. Gangulh.	♁	1	S.
xii	f s. Pancrace	♁	13	II ♁
xiii	g s. Geruais	♁	26	♁ M. Y
xiiii	a s. Boniface	Ω	9	*
xv	b s. Sophe	Ω	23	○ a 1. 25. mi. a. m.
xvi	c s. Honoré	III	7	♁ Fraicheur
xvii		III	21	extreme.
xviii	e s. Felix euesq.	Ω	5	Téps obsc. pluie
xix	f s. Yues prestr.	Ω	20	Y ♁
xx	g	III	5	ficures contagi.
xxi	a s. Emilie mar.	III	10	Les plus fins pr.
xxii	b	♁	5	○ à 4. h. 30. m. d.

*Qui dans Zelande habitera ce mois,
 Se trouuera en merueilleux esmois,
 Car de ruine elle est menassée
 Par Mars cruel qui en a Pallas chassée.*

j	e s. Iustin	Υ	17	♃ ♂
ii	f s. Marcellin	Υ	29	♃ ♂
iii	g s. Clotte	♃	11	P. ∞ laposte.
iiii	a s. Dominique	♃	23	medecins courāt.
v	b s. Boniface	♃	5	seculū in mōra
vi	c	♃	16	à 7. h. 50 m. d.
vii	s. Paul euesq.	♃	28	tēps remuāt chā-
viii	e s. Medart	♃	11	geant. ∞ S.
ix	f s. Piin	♃	23	Couuert, chaud;
x	g s. Landry	♃	6	pefant. ♂
xi	a	♃	19	♃
xii	b s. Basilide	♃	2	M. ✂
xiii	c s. Anthoine	♃	16	à 9. h. ap. midy
xiiii	s. Basile	♃	10	entollin gallard.
xv	e s. Germain	♃	15	✂ ∞
xvi	f s. c. Iul. *	♃	29	♃ M. ♃ ♂
xvii	g s. Aty abbe	♃	14	∞
xviii	a s. Marcellin	♃	24	
xix	b s. Geruans	♃	14	M. ✂ ♂
xx	c s. Florence	♃	28	O d. 11. 36 m. d.
xxi			12	deu. Jean, 100
xxii	e	♃	26	∞

iii	f Vigile	☉	10	bruit en l'air.
xxiiii	g	☉	21	M.
xxv	as. Eloy	☾	6	M. ♃ pp. ☉
xxvi	bs. Ieā & Paul.	☾	18	♃ ✂ pp.
xxvii	c Vigile	☾	1	☾ à 7. h. 44. m. a
xxviii	s. Irené	☾	13	triste iusques
xxix	e	☾	25	☾ aux larmes.
xxx	fcōm. s. Paul.	♃	7	☉

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

I V I L L E T.

*Adoison sera troublée par la pluye & la guerre
Vers le froid Occident & l'Océan mutin
Sera couuert de voiles, desquels vn brigantin
Surpris descouvrira le tout à l'Angleterre.*

j	g s. Leonard	♄	20	P.	✂
ii	a Visit. no. dame	♄	2		☉
iii	b Visit. no. dame	♄	14		☉
iiii	c trans. s. martin.	♄	26		
v	d s. Dominique	♄	8	Q à 9. h. 14. m.	
vi	e s. iose. s. Tho.	♄	20	pluie non plu,	
vii	f s. bonaventure	♄	3		♂
viii	g s. Thibault	♄	16		♂
ix	a 7. freres	♄	29		♂
x	b Les 7. freres	♄	13	s.	✂
xi	c trans. s. Beno.	♄	27	M	✂
xii	d s. prin martin	♄	11	Q à 3. 50. m. d.	
xiii	e selon	♄	25	plui. douce ag.	
xiiii	f s. beatrix	♄	9	♀ M, ♄	
xv	g s. Vast	♄	24		♂
xvi	a s. Augustin	♄	9		♂
xvii	b s. Alexis	♄	23	S.	
xviii	c sclerc	♄	7	G à 8. h. 3. q. ap.	
xix	d s. Radegonde.	♄	21	le ciel trou. tri.	
xx	e s. marguerite	♄	5	Ventolin gail-	
xxi	f s. Victor	♄	18.	lard.	
xxii	g s. Marg. salem	♄	1	♄ M. ♄	

xxiii	a	sol en Escu	X	14	pp. *
xxiiii	b	Vigile	X	26	M. ✂ † *
xxv	c	l'ascq	Y	8	→ † ✂
xxvi	d	s. André	Y	20	≡ *
xxvii	e	s. Desiré	8	3	C à 3. q. d'h. ap
xxviii	f	l'Ascq	8	15	remuant, vain
xxix	g	s. Marthe	8	27	maufade p. ✂
xxx	a	s. Abdō & Sē.	II	9	Menaces de ple
xxxi	b	s. Ymitiere	II	22	A Eolus en cap.

2

3

4

5

6

7

8

9

10

11

12

AUGUST.

*A Dieu que de malheurs, à Dieu que de miseres
Nous aurons à souffrir par armes estrangeres,
Et par terre & par mer iamaïs en tel soucy
N'en fut le Basan & le chren aussi.*

j	e s. Pier. és liens.	☉	4	Y M.
xi	D. s. Estien. Pape	☉	17	Grand cōfiã.
xiii	e inuent. s. estie.	☉	29	☉
xiiii	f s. iustin	☉	12	O à 9. h. 6. m. d.
v	g s. Domi.	☉	26	chaud & guil.
vi	a s. sauueur	☉	9	Touffât pesã
vii	b s. Barbe	☉	23	M. s.
viii	c s. susane vier.	☉	7	Y M. ☉
ix	D. s. Claire vier.	☉	21	Y ☉ ennemi
x	e s. Laurent	☉	6	emoti. de nou.
xi	f s. Tiburce	☉	21	à 7. h. du m.
xii	g s. Eusebe	☉	5	ombt. remuã
xiii	a s. Ypolyte	☉	19	☉ M. chã
xiiii	b Vigile	☉	3	☉
xv	c s. Anthon. vier.	☉	17	cemã
xvi	D. s. Roch	☉	17	feu du ciel en.
vxii	e s. Bernard	☉	1	vertinac. relig.
xviii	f s. Anastase	☉	14	O à 7. h. 9. m. d.
xix	g s. Symphoriã	☉	27	Appar. de plu.
xx	a s. Helene	☉	9	☉ pp. ☉
xxi	b s. Anastase	☉	21	☉
xxii	c Vigile	☉	4	Y ☉

xxiii	d	sol en	Y	21	σ
xxiiii	e	Barthelemy.	Y	28	Merueilleuse
xxv	f	s. Loys Roy	Y	11	nouvel. P.
xxvi	g	s Helene	Y	23	C à 6 h. 13. m.
xxvii	a	s. Ruffin mart.	II	5	Tēps gracieux
xxviii	b	s. August.	II	17	& doux.
xxix	c	Deco. s. Jean	III	29	s Y σ
xxx	d	s. Fiacre	σ	21	* σ σ
xxxi	e	s. Felix.	σ	25	tract. de paix.

A O U S T.

1

1

4

5

6

7

9

11

10

11

12

13
14
15
16
17
18
19
20
21
22
23
24
25
26
27
28
29
30
31

Par les contrees du grand fleuve Bethique
 Loing d'Ibere au royaume de Grenade
 Croix repoussees par gent Mahometique;
 Un de Cordube trahira la contrade.

Nostradamus 111.20.

i	f s. Gilles	♁	21	♁♂
ii	g s. Anthoine	♁♂	5	● à 7. h. 34. m.
iii	a s. Loup euef.	♁♂	19	Froidure noire
iv	b s. Marcellin	♁♂	3	M. ♂♂♂
v	c s. Victor	♁♂	17	♂ M.
vi	d s. Urbain	♁♂	2	Encor tumuls
vii	e s. Arnould	♁♂	17	bel
viii	f s. ...	♁♂	1	♂ M. ♂
ix	g s. Adrian	♁♂	1	♂ à 3. mi. ap. mi.
x	a s. Nic. de tol.	♁♂	0	Neiges froides
xi	b s. Iacente	♁♂	14	s. *
xii	c s. Cir, s. In.	♁♂	28	S. p.
xiii	d s. Prothin	♁♂	11	Nouu. occide-
xiiii	e Exal. s. Croix	♁♂	24	talos
xv	f s. Valerien	♁♂	6	pp.
xvi	g 4. Temps.	♁♂	19	♂ à 8. h. 34. mi.
xvii	a s. Geruais	♁♂	1	ap. menace de p.
xviii	b s. Lambert	♁♂	13	♂ M. ♀
xix	c Vigile.	♁♂	25	♂♂♂
xx	d s. Iannier Eu.	♁♂	7	Tempetes.
xxi	e ...	♁♂	18	
xxii	f s. Maurice	♁♂	1	

D

OCTOBRE.

Vendange fore tardive Et verte ensemblément,
 Le laboureur se triste que la saison n'est belle,
 Pour pr-ster par vsure à la ridee Cibelle,
 Et que le temps trop froid ne se change autrement.

j	a s. Remy	mp	27	frayeur basant.
ii	b s. Leger	Ω	12	☉ à 5.h. 17. mid
iiij	c s. Aure vierge	Ω	27	venteux tēpest
liij	D. s. ...	mp	12	pluyes menues
v	e s. Apolinaire	mp	26	→ N.
vi	f s. Foy vierge	→	11	♂ ♀
vii	g s. Marc Pape.	→	26	✂ ♂ *
viiij	a s. Simeon	♁	10	☉ à 8.h. du soir
ix	b s. ...	♁	24	Frās obfc. cou
x	c s. Fredegant	Ω	28	♄
xi	s. Venant	♁	21	pp.
xii	e s. Eustache	X	3	→ M p. ✂ ♄
xiii	f s. Girard	X	16	hxx. frayeur
xiiii	g s. Calixte pa.	X	28	ne. pp. ♁ *
xv	a s. Lienard	Y	20	♁ ♁
xvi	b s. Michel du.	Y	21	☉ à vne demie.
xvii	c s. Florent	♁	4	appug. à lucis
xviii	D. s. ...	♁	15	p. calige
xix	e s. Sauinien	♁	1	p. S ✂ ♄
xx	f s. Capraise	II	61	Larmes aux
xxi	g xi. mil vierge	II	2	yeux. tristesse,
xxii	a s. Salomé	Ω	3	chagria lou M.

xiii	b	Sol en Scor.	♄	15	♃ S. scor
xiiii	c	s. Magloire	♄	28	♄ à 4.h. 27.m.a.
xv		s. Creip. s. cre.	♄	11	* pert. en l'air.
xvi	e	s. Rustique	♄	24	♂
xvii	f	Vigile	♄	8	S. par.
xviii	g	s. Simō s Ph.	♄	21	Exiguitas liber.
xix	a	Trans. Yves	♄	9	♄ M. ♃ ♃
xx	b	s. Lucian	♄	21	♃ ♃
xxi	c	Vigile.	♄	5	♄ à 3.h. 2.m.a.

OCTOBRE.

1
2
3
4
5
6
7
8
9
10
11
12

D iij

13
14
15
16
17
18
19
20
21
22
23
24
25
26
27
28
29
30

LE MOYEN DE VIVRE EN MER

Dedans Dofle les gibets auront preffe.
 Et maint larron qui la ne s'en vira:
 Vers Occident mourra grande noblesse
 Mais malheureux qui s'en esouira

i	D Touffinois	mp	2	apertio des por.
ii	c Les Trepattoz	→	5	→ M. ✂
iii	f s. Hubert	→	20	♂ ✂
iiii	g s. Hubert	b	5	~ M. ✂
v	a s. Zacharie	b	19	S.
vi	b s. Leonnard	~	3	~
vii	c s. Lubin	~	17	à 6 h. 54. m. d.
viii	D Les 4. temps	X	1	neue. couu. plu.
ix	e s. Mathurin	X	13	✂ ♀ PP.
x	f s. Martin	Ω	25	PP.
xj	g s. Martin	Ω	6	douceur aggr.
xii	a s. René	Y	19	♂
xiii	b s. Brice	Y	1	Exit non erit.
xiiii	c s. Eugene	Ω	13	P.
xv	D s. Marcon	Ω	25	O à 9. h. vn q d.
xvi	e s. Omer	Ω	6	Beau & laid.
xvij	f s. Aignen	II	18	~
xviii	g s. Romain m.	II	29	~ M. S. ♀
xix	a s. Elizabeth	II	12	S. P.
xx	b s. Anselme	Ω	24	→ M. S. ♀
xxj	c Presen. no. da.	Ω	6	♂
xxii	D s. Cecile vier.	Ω	1	~

D iij

xxiii	e	Solen	♄	2	C. à 7. h. 53 mi
xxiiii	f	s. Grisogone	♄	16	le froid maistai
xxv	g	s. Carherin	♁	0	M. ♄
xxvi	a	s. Lin Pape	♁	14	♁
xxvii	b	s. Agricol.	♁	29	♁ M S. ♄
xxviii	c	Vigile.	♁	4	♁
xxix	d	L'Adont	♄	29	♁ à 27. m. ap.
xxx	e	s. André	♁	14	doux temps.

1

2

3

4

5

6

7

8

9

10

11

12

D E C E M B R E.

*La grand famine que ie sens approcher,
Souuent tourner pms estre vniuerselle,
Si grande et longue qu'on viendra arracher
Du bois racine, & l'enfant de la mammelle.*

Nostre sol amus I. 67.

j	f s. Eloy	→	29	♂
ii	g s. Viuian	♁	13	s. ☿
iii	a s. Longin	♁	28	s. ♀
iiii	b s. Barbe	☿	12	☿
v	c s. Amy	☿	15	♃ pp.
vi	d s. Nicolas	♃	6	☉ à 9. h. 36. m. d
vii	e s. Ambroise	♃	21	couuert obscu
viii	f Concep. no. d.	♃	4	→ s. ♃ ♂
ix	g s. Ioachin	♃	19	→ ♃ ♂
x	a s. melchisedec	♃	18	Neiges froide
xi	b s. Damace	♃	1	p. ☿
xii	c s. Valere	♃	22	✂ ☿
xiii	d s. Luce vierge.	♃	4	Gard. l'heur qu
xiiii	e s. Nicaise	♃	15	terrible change
xv	f s. Isidore	♃	27	☉ à 1. h. 43. m.
xvi	g s. Florens.	♃	9	☉ pluie ou ne
xvii	a s. Lazare	♃	21	☿ ☉
xviii	b s. Grisogon	♃	3	☿
xix	c Vigile	♃	16	♂
xx	s. Lazare	♃	29	♃ ♂
xxi	ets. Thomas	♃	11	s. ☉
xxii	f sol en captie.	♃	25	☉ à 8. h. 5. m. ap

iiii	g	plus cour iour	Ω	9	conuert, fr. ven-
v	a	...	Ω	23	teux, pluieux.
vi	b	NOEL	mp	8	Festes malplai-
vii	c	s. Estienne	mp	25	ψ santes
viii	D	s. Jean euang.	→	8	♂
ix	e	s. Innocens	→	23	♂♂*
x	f	s. Thomas	♂	7	O à 11. h. 54. m. d.
xi	g	s. Colombe	♂	22	gelees deg. re.
xii	a	s. siluestre	♂	6	A. Dieu à l'an.

DECEMBRE.

13
14
15
16
17
18
19
20
21
22
23
24
25
26
27
28
29
30
31

ALTERIVS NON SIT
QVI SVVS ESSE POTEST.

¶ trahat aternū quem vincit blāda voluptas,
Herous virtutū liber vique valet.
e meus esse, quecumq; vitiorū vincula frango,
Libera sic virtus me mihi restituit.

¶ non gaudēbam solennitatis ferre superbia,
Vincula seruitū iam meos exsecutio.

FIN. 8

PERMISSION.

NOus n'empeschons, ains
consentons que le present
Almanach soit imprimé & mis
en lumiere, ny trouuant chose
qui soit contre les saincts De-
crets de nostre S. Mere Eglise
Catholique, Apostolique, &
Romaine, ny excedant l'Astro-
logie licite. Faict le 2. de Jan-
uier, 1587.

CHALON.

Vicaire general substitut.

PRIVILEGE

Tant veu la certification faite par M. Chalon, Vicaire general & substitut de l'Archeuesque de Lyon qu'au present Almanach & preuoyance, n'y a trouue chose cõtraire à la religion Catholique, Apostolique Romaine. Il est permis à Benoist Rigaut de l'imprimer ou faire imprimer. Et deffences à tous autres de ne l'imprimer ou faire imprimer, sans le veu & consentement dudict Rigaut, sur peine d'amende arbitraire & confiscati on desdicts Almanachs. Fait le troisieme iour de Ianuier, 1587. CHASTILLON.

PREDICTIONS AM

PLES DV CHANGEMENT ET
*mutation de l'Air, selon le cours &
influence des Astres sur les Lunaisons
des douze mois de l'an M.D. LXXXVIIJ.*

Tres exactemēt calculees, suiuant la
reformatiō GREGORIENNE,
sur le Meridien du vray cœur de
la Frâche. Comté de Bourgōgne,
par M. HIMBERT DE BILLY,
natif de Charlieu en Lyonnois,
excellent & renōmé supputateur
des Ephemerides cœlestes, Bour-
geois & habitant de S. Amour,
en ladite Franche-Côté de Bour-
go ngne.



DEDIE ET CONSACRE A
Monseigneur & Reuerendissime
Archeuesque de Besançon,
Prince de l'Empire
Romain, &c.



A REVERENDISSI-

ME CATHOLIQUE PRE-
lat & Seigneur, M^oseigneur Fer-
nande de Rye, Archeuesque de
Besançon, Prince de l'Empire
Romain, &c. S.

LE s diuerses afflictions, M O N-
SEIGNEUR, qui ont esté ces
ans passez respandues presque
vniuersellement sur toute la face de la ter-
re, ont esté si tres-aspres & rigoureuses,
que ie m'asseure ne se trouuera personne (si
n'est parauanture quelque Athee Epicu-
rien) qui n'en soit estonné, & incité quant
& quant d'esleuer ses pensees en haut,
pour rechercher, recognoistre & sçauoir
la cause, la source, l'origine de tant de
maux. Ie sçay fort bien que plusieurs di-
ront qu'ils procedent de l'ire de Dieu vi-

uant, lequel est griefuement irrité contre
vous, à cause d'une infinie multitude des
execrables pechez que nous auõs commis
& commettons iournellement contre sa
diuine maiesté, ce que sans doubte est tres
ueritable. Ce nonobstant (à bonne suppor-
tation soit-il dit) telle maniere de parler
me semble estre peu Philosophique, pource
qu'en termes de vraye Philosophie, vostre
R E V E R E N D I S S I M E S. sçait trop
mieux qu'il ne suffit pas d'assigner la cau-
se remote & vniuerselle, ains besoin de
mōstrer à l'œil, & quasi toucher au doigt
la cause particuliere & immediate d'un
chacun euenement. Ceux qui sont ennemis
iurez & ignorans tout ensemble de la di-
scipline celeste ne se peuuent tenir de se
mocquer de ceux qui attribuent beaucoup
à ce qu'ils ont remarqué deuoir aduenir
par influence des Astres. Mais ceux qui
cōme vous, M O N S E I G N E V R, entē-
dent plus solidement, & iugēt plus candi-
dement des choses, ne peuuent, ny veulent

inficier, que cōme les Roys & Princes sou-
uerains se seruēt des officiers & magistrats
subalternes, pour la conduite & admini-
stration des affaires temporels : que sem-
blablement le bō Dieu souverain facteur
& recteur de toute la nature se sert com-
munément de choses à luy inferieures
(celles que sont les Astres, les Planettes,
& autres creatures) comme d'officiers sub-
alternes pour le gouvernement & condui-
te ordinaire des choses naturelles. I'ay dit
conduite ordinaire, par ce que quand il
luy plaist vser de sa Toute-puissance ex-
traordinaire, nulle personne qui soit illu-
minee de nostre Foy & pieté Catholique
n'osera doubter, sans rougir dans sa con-
science, que luy, qui de rien a fait le Ciel,
la terre, & tout le contenu en icelle, ne
puisse aussi, quād il luy plaist absolument
renuerser le commū ordre que luy-mesme
y a estably: ne puisse dis ie arrester le So-
leil, voire le faire tourner en arriere à la
requeste d'vn Iosué: ne puisse rendre sans

ardeur la fournaise ardente d'un Nabuchodonozor: ne puisse pareillement sans difficulté faire que les constellations celestes, qui menacent encor nos chefs de foudre, de tempeste, de guerre, peste, famine, & d'une infinité d'autres calamitez tant vniuerselles que particulieres, facent leurs cours & passages sans nous offenser aucunement. Or toutes ces choses ainsi concatenatees par ensemble, & presques liees cōme par la chaine d'or Homerique, est aus par ordre separémēt examinees, & l'une apres l'autre contemplees & espluchees par lement, ne peuent faillir de produire en nous vn fruit plus suau que le miel, plus riche & precieux que l'or, ny que la superbe priere Orientale. Car puis que nous autres Chrestiens scauons assurément que Dieu versant sur ceste terre la corne d'Amathee, vse principalement de telle grace à la faueur, & au soulagement des bons, c'est à dire de ceux qui iournellement se repentent de leurs mesfaits, & se retournent
à luy

à luy par vne penitence à l'exemple des
Niniites, & autres dont les livres sacrez
sont tous pleins. Qui sera celuy aujour-
d'uy, pour tant cōfit en malice, & enuieil-
ly en la fange, & habitude de ses pechez
qu'il soit, lequel examinant toutes ces cho-
ses à part, comme dit est, ne se retire de ses
vices, n'esleue son cœur en haut, & ne taf-
che doresnauant de se faire inscrire au
cathalogue des esleuz, & de ceux qui luy
sont agreables, quitāt tous desbordements
& meschancetez detestables, & repurgeāt
ce vieil leuain par vn amendement de vie
& par vne sainte & non feinte reuolu-
tion de mieux faire à l'aduenir. Tout le
fruiēt de ce discours, Mōseigneur, ne tend
à autre fin, que pour descrire la vertu, la-
quelle communément s'engendre en noz
ames par la meditation & l'execution des
choses susdites, cōme aussi elle est nourrie,
substantee & entretenue en son estre par
l'excellent fruiēt de l'honneur qui s'en
ensuit. Car combien que l'hōneur procede

de vertu, il est neantmoins semblable au bon
enfant, lequel nourrit & alimente sa pau-
vre mere du gaing & fruit de son labour
& industrie: & tout ainsi que la lampe
ne peut gueres esclaire ny luire sans estre
remplie de l'huile qui foment & entre-
tient sa clarté: pareillement la Vertu ne
peut long temps subsister ny perdurer en sa
force, vigueur, & splendeur, si elle n'est tou-
jours accompagnée & assistée de l'honneur.
Je dis de l'Honneur qui consiste en la verité
des choses louables, & non pas de celui qui
est fondé sur le vent, & la frivole reputa-
tion des hommes variables & inconstans.
C'est de celui, dis-je, duquel vous M^osei-
gneur, à l'imitation & la suite de vos pre-
decesseurs estes & avez toujours esté le
vray cōseruateur: & qu'ainsi soit, ne sçait
on pas assez en quelle estime & recom-
mandation cest Honneur de tout temps a esté
à la maison de Rie: voire à ceste tant ho-
norable & antique maison de Neuf Cha-
stel, laquelle est vne des quatre principales
de ce

de ce pays & Conté de Bourgongne? Que les autres donc, selon le commun dire de nos deuanciers s'attribuent la prouesse, la noblesse, ou la richesse: quant à la maison de Neuf-chastel, elle mesprise facilement toutes les grandeurs de ceste terre basse, pour voler par dessus les astres, & en la magnifique, haute & sublime contēplation de ce vray & solide Hōneur mettre & colloquer tout l'esperoir de leur souuerain bien. Plutarque discourant fort grauelement à son accoustumè sur la fortune & vertu d' Alexandre le grād, maintiēt que ce prince auoit vne ame de vray Philoso- phe, aussi bien que de capitaine vaillāt, tel qu'il estoit, pource, dit-il, que parmy le bruiēt des alarmes, au milieu du son des trompettes & clairōs il meditoit tousiours quelque chose de graue, tendāt à l'inquisi- tion, recherche & cognoissance de la ve- rité, sans que la viue poinēte de son enten- dement fuisse aucunement reboutee par la presence & obiet des choses tāt contrai-

res

res. Et que pourrois ie moins dire de vo⁹,
Monseigneur, sinon que par mesme raison
lon recognoist V. R. S. estre vrayment
pourueue d'une ame du tout encline à l'hō
neur, veu que parmy tant de vices contrai
res à vos vertus qui regnent presentement
sur la terre: & parmy les brouillats de tāt
d'actes infames, meschans & malheureux
qui offusquent l'Vnivers, vostre genereuse
& naturelle vertu se demōstre si claire &
luyfante, qu'elle sert comme de phare &
flambeau lumineux pour guider droicte
ment parmy tant de tenebres ceux qui as
pirent à ce vray point d'honneur, Mais
afin qu'on n'aye opinion que ie die tout
cecy par flaterie, quelle preue de mō dire
plus certaine pourroit on desirer que la
segnalee attestation d'un des plus grands
Princes de la terre, voire de ce grand &
inuincible Roy des Espagnes, &c. lequel
s'estāt veritablement informé des merites
de ceux de vostre illustre maison, ne les a
pas voulu celer, ny mettre en oubly, mais
par

par son Ambassadeur ordinaire en a fait
faire vn ample recit à sa sainteté, lequel
le iustement & à bon droit esmeue par vn
si authentique tesmoignage, de pleine au-
thorité Apostolique & mesmement contre
l'expectation de V. R. S. vous a puis n'a-
guerres meritoirement conferé la dignité
Archiepiscopale de Besançon, en laquelle
par la grace de Dieu vous estes à present
cōstitué. Et comme ie suis certain que tous
ceux qui sont affectionnez à vostre seruice
se mettront en deuoir de vous congratuler,
de ma part ie n'ay voulu estre des derniers
à cest office, mais promptement ie me suis
resolu de m'aduancer avec ce petit paquet
de mes presages, & en signe d'hūble cōgra-
tulation le consacrer & dedier aux pieds
de V. R. S. masqué toutesfois que ie suis
d'vn voile, sous lequel vous me recognoi-
strez à iamais pour vn de vos plus hūbles
& obeissans seruiteurs, tant en cōtinuatiō
des seruices que i'ay vouez à tous ceux de
vostre illustre maison, que pour la particu-
liere

de vertu, il est neantmoins semblable au bon
enfant, lequel nourrit & alimente sa pau-
vre mere du gain & fruit de son labour
& industrie: & tout ainsi que la lampe
ne peut gueres esclairer ny luire sans estre
remplie de l'huile qui foment & entre-
tient sa clarté: pareillement la Vertu ne
peut long temps subsister ny perdurer en sa
force, vigueur, & splendeur, si elle n'est tou-
jours accompagnee & assistee de l'honneur.
Je dis de l'Honneur qui consiste en la verité
des choses louables, & non pas de celui qui
est fondé sur le vent, & la friuole reputa-
tion des hommes variables & inconstans.
C'est de celui, dis-je, duquel vous M^{se}si-
gneur, à l'imitation & la suite de vos pre-
decesseurs estes & avez toujours esté le
vray cōseruateur: & qu'ainsi soit, ne sçait
on pas assez en quelle estime & recommanda-
tion cest Honneur de tout temps a esté
à la maison de Rie: voire à ceste tant ho-
norable & antique maison de Neuf Cha-
stel, laquelle est vne des quatre principales
de ce

de ce pays & Conté de Bourgongne? Que les autres donc, selon le commun dire de nos deuanciers s'attribuent la prouesse, la noblesse, ou la richesse: quant à la maison de Neuf-chastel, elle mesprise facilement toutes les grandeurs de ceste terre basse, pour voler par dessus les astres, & en la magnifique, haute & sublime contēplation de ce vray & solide Hōneur mettre & colloquer tout l'esperoir de leur souuerain bien. Plutarque discourant fort grauelement à son accoustumè sur la fortune & vertu d'Alexandre le grād, maintiēt que ce prince auoit vne ame de vray Philosophe, aussi bien que de capitaine vaillāt, tel qu'il estoit, pource, dit-il, que parmy le bruiēt des alarmes, au milieu du son des trompettes & clairōs il meditoit tousiours quelque chose de graue, tendāt à l'inquisition, recherche & cognoissance de la verité, sans que la viue poinēte de son entendement fuisse aucunement reboutee par la presence & obieēt des choses tāt contrai-

res

res. Et que pourrois ie moins dire de vo⁹,
Monseigneur, sinon que par mesme raison
lon recognoist V. R. S. estre vrayment
pourueue d'une ame du tout encline à l'hō
neur, veu que parmi tant de vices contrai
res à vos vertus qui regnent presentement
sur la terre: & parmi les brouillats de tāt
d'actes infames, meschans & malheureux
qui offusquent l'Uniuers, vostre genereuse
& naturelle vertu se demōstre si claire &
luyfante, qu'elle sert comme de phare &
flambeau lumineux pour guider droicte
ment parmi tant de tenebres ceux qui as
pirent à ce vray point d'honneur, Mais
afin qu'on n'aye opinion que ie die tout
cecy par flaterie, quelle preuue de mō dire
plus certaine pourroit on desirer que la
segnalee attestation d'un des plus grands
Princes de la terre, voire de ce grand &
inuincible Roy des Espagnes, &c. lequel
s'estāt veritablement informé des merites
de ceux de vostre illustre maison, ne les a
pas voulu celer, ny mettre en oubly, mais
par


par son Ambassadeur ordinaire en a fait
faire vn ample recit à sa sainteté, lequel
le iustement & à bon droit esmeue par vn
si authentique tesmoignage, de pleine au-
thorité Apostolique & mesmement contre
l'expectation de V. R. S. vous a puis n'a-
gueres meritoirement conseré la dignité
Archiepiscopale de Besançon, en laquelle
par la grace de Dieu vous estes à present
cōstitué. Et comme ie suis certain que tous
ceux qui sont affectionnez à vostre service
se mettront en deuoir de vous congratuler,
de ma part ie n'ay voulu estre des derniers
à cest office, mais promptement ie me suis
resolu de m'aduancer avec ce petit paquet
de mes presages, & en signe d'hūble cōgra-
tulation le consacrer & dedier aux pieds
de V. R. S. masqué toutesfois que ie suis
d'vn voile, sous lequel vous me recognoi-
strez à iamais pour vn de vos plus hūbles
& obeissans seruiteurs, tant en cōtinuatiō
des services que i'ay vouez à tous ceux de
vostre illustre maison, que pour la particu-
liere

liere obligation que i' ay à vostre endroit,
de laquelle aussi tost que quelque meilleur
moyẽ se presentera, ie m'efforceray de m'ẽ
acquiter. Attendant l'opportunitẽ de quoy
il vous plaira recevoir tandis ceste petite
offrande avec celle naifue, & à vous here
ditaire benignitẽ, dont vous estes consti-
mier d'accepter les hommes vertueux, &
tout ce que vient d'eux, d'ausi bon cœeur,
que s'il estoit vn plus grãd present, mieux
fait, & avec plus de curiositẽ élaborẽ, &
de ce ie vous supplie, vous baisant les
mains tres-humblement, en priant le
Tout puissant,

MONSEIGNEUR, Vous donner
tres-longue, tres-heureuse & tres-contẽte
vie, avec accroissement de telle prosperitẽ
& bon heur que vous desire.

Vostre tres-humble, & tres-fidele
& tres-obligẽ seruiteur,

HIMBERT DE BILLY.



PREDICTIONS

AMPLES DV CHANGEMENT

& mutation de l'air selon le cours & influence des Astres, sur les Lunaisons des douze mois de l'an 1587.

ET PREMIEREMENT DE

JANVIER.

LE dernier quartier de la lune dernière de l'an 1586. sera le Vendredy, lendemain de la Circoncisiō, deuxiesme iour de ce premier mois de Iāuier, à vne heure, 20. min^{es}, du matin: Iupiter occidētal se reculant du Soleil pour le mauuais regard qu'il aura eu de luy, tout fasché & contristé sera cause que nous aurons vn temps fascheux par orages Aquiloniēs, bize noire, bruines, nielles, & brouillats espais, qui enfanterōt des pluyes ou neiges depuis le troisiēsme, quatriēsme, ou cinquiēsme, le Samedy, le Dimanche, ou le Lundy. Le me doute fort que durant ce quadrat nous ne soyons peu fauorifcz

I A N V I E R.

favorisez de douceur & plaisante temperature de l'air, si par aduventure ce bien ne nous aduient le mesme iour de l'Epiphanie, pour auoir moyen de conduire le Roy de la febue à l'Eglise en intétion de le couronner & sacrer, selon la vieille & louable coustume de nos predecesseurs. En aucuns endroits le pied gauche de l'Orion menacera de quelque gelee, qui sēble deuoir estre de peu ou de point de duree, car suruenant prōptemēt vn degel, le ciel demeurera couuert, obscur, nebuleux, avec inconstance, & varieté grande, mesmement sur la fin du quartier de ceste vieille Lune, & aux approches de la nouvelle suyuant, ce que rendra plusieurs bien melancholiques, & accroupis au coing de leur cheminee, où ils entretiendront leurs menues pensees & ferōt de beaux chasteaux sur le sable: ceux voirement qui delibereront d'empoigner leur espee à deux pieds, pour la peur & apprehension qu'ils auront de voir les infirmittez contagieuses reprendre place en diuers lieux par la negligence des magistrats, des politiques, & commis au gouuernement des villes, de sorte qu'elles surprendront ceux & celles qui s'en doubteront moins, & sans cōsideration communiquerōt de trop pres avec les infects secrets, ou
autres

autres qui meneront vendre des bleds & meubles farcis d'infection. Qu'vn chacun donques se tienne sur ses gardes, car en cest endroit vn aduertiy en vaudra deux, comme on cognoistra par experience: outre les maladies susdites, les rheumes & catharres ne laisserōt pas d'auoir la vogue, avec douleurs extremes de la teste, la migraine, mal de cœur & des reins dont serōt trauallees, entre les autres, maintes femmes mesnageres, desquelles ayant pitié, ie leur souhaite vne disposition meilleure du corps, & vne teste mieux faite, afin que nous ayons du bon vinaigre pour manger des saugreeces en la Carême prochaine. Au reste le degré de l'ascendant de ceste dicothomie signifie que se feront icy beaucoup des aliâces nouvelles par mariages, & que la plus part de ceux & celles qui auront perdu leur cōpagnie masculine, ou feminine par le rauissement pestilétial chercherōt nouvelle conionction & accouplement pour repeupler le mōde defaillāt en plusieurs endroits. Dieu y soit & y vueille donner sa benediction.

La nouvelle lune : & la premiere de ceste annee 1587. sera le Ieudy 8. iour de ce mois à onze heur. sept minutes du soir, Mercure ayāt prins logis nagueres au verser d'eau: maison du triste Saturne: cōtre-
fera

I A N V I E R.

fera le melancolique contre son naturel: & fera bien tant sombre, que les compagnōs les cheualiers errans en seront estonnez, & pour ceste occasion deliberez de seretirer, laissant le ciel tellement troublé, que bien tost apres, comme ie vous puis presque assureur, on le verra ietter des larmes (cas estrange) toutes froides, nonobstant que le bon Iuppin, & la dame Cypris estans de bon accord, essayeront de resiouyr Hermes le desolé, & luy ferōt vne tapissierie toute blanche comme de neige, ce que certainement fera moult bon voir: toutes fois nō pour cela il demeurera courroucé & refroidné grandement: ce que sera cause que Boreas sortira en campagne enuiron le 10. ou 11. le Samedy, ou le Dimanche, qui soufflera bien froidement entour les oreilles, & mettra toute la campagne Ærienne en desordre, de sorte que sur le 12. ou 13. le lundy, ou le Mardy le ciel s'en fâchera plus que iamais, & ne se pourra bonnemēt cōtenir qu'il n'en pleure bien amerement. Cependant i'ay opinion que sur le 14. ou 15. il se resoudra de tous les ennuis qu'on luy aura donné par cydeuant, & nous monstrera son beau viaire, avec intention qu'il aura de nous continuer ceste faueur, si d'ailleurs on ne luy donne empeschement.

Il y a

F A I N V I E R.

Il y a long temps qu'en plusieurs regions, villes & citez y a surceâce aux mandemēs de *Capiatis* pour les Medecins & Apoticairez, voire pour les Chirurgiēs, nō pour faute de malades qui n'ont esté qu'en trop grand nombre, mais pour la cōtagion extreme qui s'y est mise, de maniere qu'ilz ont esté contrains de remettre leurs executions en vne autre saison plus cōmode, & plus seure pour cet effect. Aucuns hazardeux toutesfois, addōnez à leur auarice desbordee, n'ont pas laissé de māger de loing (souuerain remede cōtre l'infection, & ont couru d'vne part & d'autre, sans craite de gagner *tumores aureos & argēteos in crumenis eorum, naturales quidem, & non pestilentes*, & courent encor maintenant pour faire valoir le mestier, & soulager les febricitans, catherreux & rheumatiques, qui crieront alarme apres eux, mais garde les approches en maints endroits, car *latebit anguis in herba*. Mais en la 12. maison fera merueilleusemēt le doux, & le gracieux en la plus part des pays du Belier, de l'Escreuice & de la Balāce, & du Sagitaire, de façon qu'on ne tiēdra pas grād propos de guerres, querelles & mutineries, ainsi que plusieurs croirōt fermement qu'ils soient à la fin de tous tumultes belliques, mais si

F les

I A N V I E R .

Les grands n'y prénent garde aucunes secrettes entreprinſes couueront par fainte ſimulation, qui ſur le printemps ſortiront plus effrenement que parauant, Dieu ſur tout qui les empeſchera.

Le quinzième iour de ce mois par tout le pays de Lyonois, Dauphiné, haute & baſſe Bourgogne, Maconnois, Sauoye & Breſſe, l'aube du iour ſera à ſix heures vn quart. Le Soleil ſe leuera à ſept heures & demie : & ſe couchera à quatre heures & demie. La nuit cloſe ſera à cinq heures, trois quarts. Le iour aura neuf heures, & la nuit quinze heures.

Le premier quartier de la Lune ſera la veille de ſainct Anthoine le Védredy, ſeizième iour de ce mois, à ſept heures, trois quarts du ſoir: qui ſera ſemblât de ſe troubler à bon eſciant, & de nous vouloir donner tãtoſt de la neige, tantøſt de la pluye, avec des nielles tresfroïdes, eſpaïſſes & obſcures en diuers lieux : toutesſois il pourra bien eſtre qu'il ſe r'auifera pour le lendemain ou pour le Dimanche au plus tard, & qu'il ſe mōſtrera plus clair, lucide, plaiſant, & gaillard, mais ie me doute que ce ne ſoit de bien peu de duree, & par aduenture de tout rien, d'autât que i'apperçois l'Asne Boreal, qui ſe leue du ſoir,
quand

quãd il se deuroit coucher cõme les autres bestes , qui ne veut pas faillir de no⁹ amener vne bize noire, avec vne froidure tres-apre , accõpagnée d'vn tẽps couuert, humide, & triste à merueilles, meismement le vingtiesme & vingtyniesme le iour de S. Sebastien, & le suiuant, ce q̄ fera retirer les moins fourrez & habillez plus viste que le pas , avec deliberatiõ de se mettre de la compagnie de Mõ seigneur l'illustrissime (ie ne le puis nommer autrement) vestu de rouge , qui certainement pieça ne fut tãt honoré & respecté qu'il sera durant ceste saison. Le m'assure qu'il n'y aura grand ny petit, qui ne le desirera d'auoir en sa maison: & qui plus est les Dames aussi, & des bien grãdes le caresseront grandemẽt, lui ferõt vne infinité de petites reuerēces, & le trouueront tant à leur gré, qu'elles le voudroiẽt presque tousiours tenir aupres de leurs personnes. Saturne cõioinct avec la Lune, seigneur de la fixième maison, & Mercure logé en icelle, augmenteront les maladies hyemales ou hyuernales (à fin q̄ ie parle meilleur François) qui serõt lōgues, fascheuses & difficiles à guerir. *Catharri quã plurimi fient doloris capitis, colli & detũ: tussis inquietates ex frigida distillatione, paralysis, & apoplexia.* Les catharres & rheumes

continueront, & les goutteux ne pourrōt abandonner le bois. Les fiebres quartes, les opillations de ratelle & les iauniffes tiendront pied. Les petits enfans depuis deux ans iufques à fept feront auffi grandement malades, & en grand nombre. Vrayement i'ay grand pitié d'eux, car par le mauuais traitement qu'ils auront, & le peu de foing qu'on en aura plusieurs deflogeront, & prendront le chemin *ad patres nostros*, au grand regret des peres & meres. Aucuns icy se trouueront bien trompez & deceuz en amitié, fe voyās ennemys au befoin de ceux defquēlz ils fe cuidoyent intimes amis: & non feulemēt enuers les hommes, mais pareillemēt enuers leurs femmes. Ce traiftre traict affeurement est vne chofe la plus dangereufe du monde, comme troptoft efprouueront ceux qui mefpriſeront ce mien aduertiffement, & n'aurōt leu & retenu le dictō du Sage, que *plus valet hoſtis apertus, quām amicus latens.*

La Lune ſera pleine la veille de la cōuerſion de ſainct Paul, le Samedy vingtquatriefme iour de ce mois, à vne heu. 26. minutes apres midy. Iupiter en ſon exaltatiō logé dedās l'horoscope, cōbien qu'il n'aille pas ſon droit chemin prēdra toute peine de'abbattre la malice du temps, & ſolli-

citera

I A N V I E R.

citera le bō Phoebus de nous estre vn peu plus courtois & doux qu'il n'a esté par cy deuant. Je ne suis pas certain du tout s'il aura ce credit pour les deux premiers iours au moins, car quāt aux autres, selon que ie puis preuoir, il y aura peu d'ordre; pource que le ciel subitement se rēdra couuert, obscur & noir, mesmement le vingtsixiesme ou vingtseptiesme, la veille ou le iour de S. Iean bouche d'or, & fera le tēps froid & humide non sans augmentation des bruines qui menasseront de la pluye ou de la neige, selon les lieux hauts ou bas, Septentrionaux aux Meridionaux, à quoy s'aidera Mercure l'esceruelé, qui lors apprēdra de marcher à reculō à la mode des cordiers, & fera mille esgarades pour troubler le tout tādīs Æolus se mettra aux chāps sur le 28. ou 29. le Mecedy, ou le leudy, avec intētīon de desloger ce seigneur de peu d'arrest, & pour ce faire criera & se fāschera grandemēt. Ceux la qui vogueront sur les ondes sālees & non sālees se remarqueront ainī, cōme feront les Allobroges & autres qui seront sur les montaignes de Sauoye & de Dauphiné, qui recognostrōt trop mieux que ne voudroient, cōme il se tourmētera, & pour ne pouuoir venir bonnement au but de ses

I A N V I E R.

pretentiōs, par despit les larmes luy sortiront des yeux, & couleront tout au long de ses ioues, & de sa barbe folatre. Les deleguez qui courront la poste vers le grand Velamen de leur part en sçaurōt dire des nouvelles bien amples. Les maladies precedentes diminuerōt en aucuns endroits, & en des autres elles s'augmenteront, tellement qu'on aura toujours bon besoin de contregarder, & referrer bien estroitement. Ce que ie conseille principalement aux femmes enceintes, & entre les autres à celles qui seront damoiselles, lesquelles pour le plus seur se masqueront & prendrōt leurs cachelais, quād elles voudrōt aller par le pays, à fin que les vêts froidureux ne gastēt leur beau traict, & portent dōmage à elles & à leur fruit, & soient cause d'extremes douleurs & angoisses à leur accouchement. Au reste, sil m'estoit permis, ie dirois icy (voyant le frere de la Belone ennemy du vieux Saturne, qui tient le gouuernemēt de la maison royale) que quelqu'un par conuoitise & secrette ambition estant authorisé, & constitué au plus haut trosne de la posterité de fortune, & soy promettant que nul ne luy sçauroit nuire, entreprendra quelque haut fait à l'encontre de droict, equité, & iustice,

I A N V I E R.

justice, ce qu'à la fin redōdera à son grand deshōneur, & īfamic. dieu le vueille ainsi.

Le vingtneufiesme iour de ce mois, par le pays de Lyonnois l'aube du iour sera à six heures iustement. Le Soleil se leuera à 7. heures, vn quart: & se couchera à quatre & trois quarts. La nuit close sera à six heures iustement. Le iour aura neuf heures & demie: & la nuit quatorze heures & demie.

Le dernier quartier de la Lune sera le Samedy, dernier iour de ce mois, à huit heures quarante minut. deuant midy. Pour la presence de Venus en l'horoscope, il semble aduis que le temps du commencement deuroit estre doux, remis & bien atrempé, voire d'une cōstitution biē louable: mais comme Saturne & la queue du Dragon se trouuent au mesme lieu, ie me doute fort, que deuant q̄ d'estre fauorisez d'une telle courtoisie de l'air, les pluyes, vēts, froidures humides, & peut estre des neiges du costé de la mōtaine, & ailleurs ne se monstrēt. Si est-ce toutesfois qu'il y a apparence qu'au iour de la Chādeleur & son suiuant le ciel se mōstrera beau, clair, serain & par gelee matutinale, aquiloniē, froid & sec, q̄ sera cause q̄ l'ours se retirera en la taniere pour 6. semaines encor, no⁹

I A N V I E R.

aduertissant d'en faire autant, & croire le conseil d'Horace en ses Odes: *Dissolue frigus, lingua super foco large reponens, atque benignius deprome quadrimum Sabina, ô Taliarche merum dyota.* Les bruines s'aduanceront par fois tres-espeffes & froides, qui se leueront tantost és lieux sublimes, tantost aux valles, par fois avec gresils & frimats, & par fois avec douces humiditez. Cependant bien-heureux seront, qui de bonne heure auront fait bõne prouision de bois & de charbõ, pour ce que l'Hyuer se trouuera q̄ trop long, froid, vêteux, nebuleux, avec pluyes & neiges empeschables. Les neiges voiremēt serõt aux hautes montaignes bien copieuses, & de grãde hauteur, lesquelles assaillies & eschauffees par les rayons du soleil, ne faudrõt de fondre par tout le mois de Mars prochain, & causer de grands accroissemēts des eaux au plat pays. Sur le commencement du mois de Feurier en quelque endroit on entēdra vn tōnerre inaccoustument, lequel presagera qu'aucuns constituez en autorité & puissance subitemēt serõt mis du tout au bas. La fortune mōstrera cõme elle se ioue rāt avec les grands qu'avec les petits: tant avec les superbes & arrogans, qu'avec les hūbles & simples: & q̄ d'autāt qu'ils serõt

plus

I A N V I E R.

haut esleuez, plus d'autât plus serōt ils en danger de se rompre le col, si vne fois elle tourne sa rouë inconstante, les faisant cullebuter aux plus infimes degrez. Et en la terre de l'Escreuice, & de la Balance sont menacez plusieurs grands Princes & seigneurs, & entre les autres les Prelats d'Eglise, cōme Cardinaux, Euesques, & Chanoines de grandes & estranges maladies, qui les assaudront par douleurs de cœur, d'estomach, cardiaque passiō, & syncopie, ce qui aduiēdra par le mauuais regard que Mars fait à Iupiter, lequel ne faudra pas de dresser vne menee & trame merueilleuse cōtre les mieux aduisez, & plus grāds de l'Europe, *qui noctes plurimas curatum ergo insomnes ducēt.* Vn grād Prince transmontain sera aduertiy de rien immuer, ny innouer sans vrgēte necessité, affin qu'il ne soit cause de troubles en public & en priué. Je ne passe pas pl⁹ auāt, en retirāt ma plume.

*Harpocratem fingo monitus ratione magistra,
Dicere plura nefas, nosse futura nocet.*

F E V R I E R.

LA Lune sera nouvelle le Samedy, veille du dimāche gras, septiesme iour de
ce

FEVRIER.

ce mois, à vne heure 56. minutes apres midy. Mars commēçant à reculer, chāceler, & deuiet de son chemin ordinaire, qu'il tient en la maison de la Dame Venus : & s'approchant vers le lieu où coustumiere-ment sort Arcturus le criant, sera tōut esbahy du bruit qu'on luy fera, & des brauades que le seigneur du Nort vsera en son endroit, par les soufflets qu'il menacera de luy bailler: mais tenāt bon cōtre cest esuēté, il cognoistra sur le 9. ou 10. le Lundy ou le Mardy bien euidément qu'il passera sa cholere, & sera pl^o doux & courtois, cōbien qu'il sera vn peu sombre, & ne voudra pas promptemēt par tout mōstrer vn visage ouuert: toutes fois i'ay opinion que le iour des Cēdres, ou le lendemain il sera gaillard tout outre, & plus gracieux que lors on ne sçauroit demāder. Cependāt quād il aura fait assez de beau sēblāt, se faschera à la fin, & retournera faire vne triste mine, & refroignera bien tant, que peu s'en faudra qu'il n'en pleure peu ou prou, au moins les larmes luy viēdrōt aux yeux, comme on pourra remarquer le 14. iour le Samedy des Bordes, quād le Roy des coqs fera ses preparatiues, poui faire le lendemain ses mōstres generales en la Cité de Couliege au Cōté de Bourgōgne

FEVRIER.

gne principalement. Quāt aux maladies, les gēs d'Eglise en premier lieu, & puis du cōmun peuple plusieurs s'en plaindront, se trouuās attains de fieures continues, & pestilētes, voire de catharres & defluxiōs qui leur tomberōt sur la poitrine & l'estomach, dont aucūs mourrōt subitemēt, qui donneront de la peur & de la fascherie beaucoup à leurs hostes, & autres qui les auront frequenté trop pres. Les habitans d'Auignō, d'Ast, les Espagnols & les Hōgrois sentiront les effects du Ciel en cas des infirmitēz susdites plus que les autres nations, dont ils se prendront garde. Icy inimitēz & mescontentemens ne defauront pas pour les partialitez & difference de religions, lesquelles s'augmenterōt tellement, que deuiendront du tout irreconciliables. Quelques seditions en la terre de nees de petits commécemēs, pour n'auoir esté promptemēt esteintes, croistrōt grandemēt, & n'infec̄teront pas seulement les maisōs, bourgs & villes: mais aussi les prouinces entieres. Pourquoi les Princes aduiseront les assoupir à l'instant mesmes, & en retrancher les causes avec p̄uoyance & prudence politique. Dieu le vueille par sa sainte grace & misericorde.

Le neuuēme iour de ce mois par le pays de Dauphiné, l'aube du iour sera à s. heu-

F E V R I E R.

res trois quarts. Le Soleil se leuera à 7. heures iustement : & se couchera à 5. heures iustement. La nuit close sera à 6. heures vn quart. Le iour aura dix heures : & la nuit 14. heures.

Le premier quartier de la Lune sera le Dimanche des Brandons, le quinziésme iour de ce mois, à 4. heures 23. minutes apres midy. *Venus retrograda coelum in ipsius limine turbabit, inuoluens umbra magna terramque polúmque dabit auram ventosam & humidã, deinde gratã serenitatem cum inconstãtia, que paritura est pluuias, niues, aut densam caliginem.* Venus estant faschee de prendre le mesme chemin que Mars son mignon marche tout à reculon, sera cause que le ciel se rēdra obscur, couuert & chargé, avec enuie qu'il aura de nous cōtinuer des humiditez, vêts froidureux, pluuieux, ou neigeux, nous menaçant de se descharger plustost aux montaignes, qu'aux lieux bas, combien q̄ par tout on en doit auoir quelque part, s'il faut croire au verfeur d'eau, qui de sa main droiēte du milieu du ciel nous en fait belle peur. Toutesfois selon l'ascendant de ceste dichotomie il y a apparence q̄ sur le 18. ou le 19. le Mercredy des Quatre temps, ou le lendemain l'air se monstrera plus doux & moderé, avec vne
tempera-

~~SECRET~~

temperature assez gaillarde dont nous pourrons en partie sçauoir gré à Mercure, qui lors reprendra la droicte voye qu'il auoit laissée parauant pour se ioindre au Soleil, & estât dispos vouldra employer son credit, afin de nous faire traicter courtoisement, mais ie suis bien fort en doubte que ceste courtoisie ne nous durera gueres, & que promptemēt pour l'entree que le grand Luminaire fera aux Poissons, enuiron le 20. le Vēdredy, il n'y aye du changement en bruines, temps couuert, pluye menue, & peut estre neige fondante accompagnée d'autre variation & alteration de l'air qui toutesfois à mō aduis ne continuera pas tāt que le Samedy nous n'ayōs vne matinee plaisante: mais le pis sera: que incontinent apres la pluye ou la neige seront de retour, au moins les menaces en seront bien grādes, de sorte que (si ie ne me trompe) les beaux iours que nous aurons seront bien clair semez. Par la varieté de ce temps qu'il fera les catharres & les defluxions regneront grandement, & tomberont principalement sur les genouls, & les iambes. Dieu sçait cōme messieurs de robe longue, les Aduocats, Procureurs & Greffiers serōt traueillez de gouttes, ceux mesmement qui de long temps auront
quelques

quelques reliques du mal François , mais
i'ay opinion qu'ils en seront tâtost quit-
tes pour le moindre soulagement qu'on
leur donnera, d'autant que la Dame Cy-
pris se treuve logee en la maison, qui cou-
pera chemin à vne longueur fascheuse,
pour le moins ie vous puis bien asseurer
qu'il ne restera pas par bonne volonté
qu'elle portera à ceux qui auront besoi-
gné sous son enseigne , nonobstant que
ses forces seront si bien diminuees à cause
de sa retrogradation. Au reste approchât
la prime vere, on sera tout esbahy de voir
comme les galleux d'vn costé & d'autre
tireront de leurs ongles seruice, receuans
pour vn plaisir mille douleurs & desplai-
sirs: mais ceux qui tremperont mieux leur
vin, & mangeront peu des espices, auront
moins de peine, comme l'experience mai-
stresse des choses apprendra vn chacun.

Le 29. iour de ce moys par le pays de
haute & basse Bourgongne, l'aube du iour
sera à cinq heures & demie. Le Soleil se
leuera à six heures, trois quarts: & se cou-
chera à cinq heures & vn quart. La nuit
close sera à six heures & demie. Le iour
aura dix heures & demie: & la nuit trei-
ze heures & demie.

La Lune sera pleine le Lundy, veille de
sainct

FEVRIER.

S. Mathias Apôstre, vingttroisiesme iour de ce mois, à vne heure & demie du matin. Il semble icy que le ciel à l'instât doit estre clair, estoillé, froid, serain & lucide, nō sans vne siccité glaciale, qui se mōstrera bié aspre & rigoureuse en plusieurs endroits du Septentrion, & de l'Occident. No⁹ n'en serōs pas du tout exempts, mais en aurons nostre part par quelque gelee matutinale de peu de duree, suruenāt vne ouuerture des portes par vn orage doux, & vn degel qui se fera le vingtcinquiesme. Le Mecredy, tendant à vn tēps sombre, couuert, vêteux & pluuieux, qui continuera iusques à Samedi vingthuietiesme & dernier iour de ce mois, ou le premier de l'ensuiuāt, quād de rechef il y aura apparēce d'vne belle & bōne constitution de l'air, voire bien moderee & attrāpee: laquelle certainemēt dōnera courage aux vigneronns & laboueurs de bien travailler pour la sepmaine prochaine, sous esperance de bien recueillir, afin de frauder & trōper le reneuier, ferre bled & vin, qui aura belle enuie de tres-bié vēdre ses denrees. Si les Medecins, & les Apoticairens, & les Chirurgiēs ont eu par cy deuant quelque aggreable peine de courir deçà & delà, pour le soulāgement des malades,

FEVRIER.

des maintenant ils seront de repos pour peu de iours, & auront loisir de prédre haleine, pour estre plus dispos au premier renouvellemēt de la Lune quād ils seront de requeste grandement. Tandis aucuns tēdrelets & de petite complexiō ne laisseront pas de plaindre le gosier, avec vne opinion qu'ils auront d'estre troussiez d'vne squināce, autres ieront saisis de defluxiōs d'humeurs, qui occuperont les parties du col, le dos, & les genoux, mais ce sera de si peu d'importāce, que les femmes avec vne seruiette grasse chaudement appliquee y mettront bon ordre. Mars au milieu du ciel cherchera tous les moyēs de sortir en liberté, & faire le braue. Ceux qui l'aurōt mis en captiuité seront bien empeschez de le retenir, de sorte qu'on sera cōtrainct bien tost de le lascher, & faire ce que plusieurs voudront, & non pas vn. Seront despeschez des legats, & des ambassadeurs, ausquelz seront donnez charges pour sçauoir toutes nouvelles, & de grande consequence, qui tiendrōt les grāds en extreme crainte, frayeur & temerosité. Saturne cōioinct avec la Queuē du dragō sera cause qu'é la Cour des Monarques on ne parlera d'autre chose que de calomnier l'vn
l'autre

FEVRIER.

En l'autre secrettement: & d'executer des trahisons bien occultes, mesmement à l'endroit d'aucuns nobles & genereux de race, vertu & doctrine, qui par surprinse seront empoignez, & finirôt leur vie sur vn eschafaut contre tout droit & equité. Dieu le bon Dieu les en vueille garder.

Le premier iour du mois de Mars ensuyuant au pays de Maconnois, l'aube du iour sera à cinq heures vn quart. Le Soleil se lèvera à six heures & demie, & se couchera à cinq heures & demie. La nuit close sera à six heures trois quarts. Le iours aura onze heures: & la nuit treize heures.

MARS.

LE dernier quartier de la Lune precedente sera le Dimanche d'Oculi, premier iour de ce mois, à quatre heure cinquante trois minutes apres midy. La queue du Lion estoit le fixe de la premiere grandeur, apres son leuer se trouuant en l'Orient, sera cause (si l'ay bien calculé) que nous aurons vne constitution de temps bien belle, seraine & temperee en toutes

G

M A R S.

ses qualitez selon ceste saison, ce qui res-
iouyra grandement des laboueurs & pau-
ures paylans, qui autont enuie de ietter en
terre leur tremois, & bled de Carefme. Bien
est vray qu'il y aura tousiours de la frai-
cheur Aquilonienne, & quelque petite ge-
lee qui se mōstrera sur l'aube du iour, avec
vne bize aucunemēt froide, aigue & assez
penetrante, principalement du costé de
Septétrion, de sorte que plusieurs delicats
& demy pourris craindrōt encores de poser
les fourrures, & feront sagement. Toutes-
fois il m'est aduis que sur les onze heures,
ou le midy par fois nous deuōs estre trai-
tez plus doucemēt par vne attrépāce, voire
tāt agreable, qu'il nous semblera presque
auoir vne deliurance de la rigueur hyuer-
nale, & que nous soyons arriuez au renou-
ueau, mais peut estre que nous serons bien
esbahis de voir vn air trop frais, venteux
turbulent, & mal plaissant qu'on nous ra-
menera trop souuent, mesmement depuis
le 4. ou le 5. Mecredy ou le Ieudy, qui ne
faudra pas de se resoudre en pluyes, & au-
tre mauuais temps enuiron le sixiesme, se-
ptiesme, & huiētiesme, le Vendredy, Sa-
medy, & le Dimenche, non sans quelque
neige, gresil ou gresle qui tombera en la
mon;

M A R S.

montagne, & ailleurs. Et *cœli cataractæ* dissoluentur, *syderumque habitudo in tempestatem frigidam & humidam conspirasse videtur, presertim Occidentalibus.* Mercure seigneur de cest ascendant, & logé en la maison des infirmitéz, ne favorisera gueres ses supposts, ie dis, les Notaires & autres qui porteront la plume à l'oreille, & entre les autres, ceux qui seront les plus froids muqueteurs, & les mieux testonnez: car il travaillera les vns par des douleurs extremes aux iambes & pieds, & les autres par des phlegmons & foroncles tres fascheux & dangereux; qui seront accompagnez de fieures cōtinues, qui leur causerōt la mort, si la bonne dame Venus ne les sauue & garde, selon sa bonté coustumiere. Au demeurant, icy seront faictes plusieurs informations & prinſes de corps cōtre gens de cōtes & fināces, contre doüaneurs, peageurs, & fermiers du domaine royal, de façō que quelques-vns d'iceux en serōt longuemēt detenus prisonniers, & des autres serōt en grād peine. Si c'est à droit ou à tort, leur propre consciēce les en iugera. Dieu sur tout,

La nouvelle Lune sera le iour de la Dedicace de saint Agnes, au Côté de Bourgogne, vn Lundy neufiesme de ce mois, à

M A R S.

cinq heures, dixneuf minutes du matin. Nonobstant que Venus, qui longuement a esté Occidentale, se treuve maintenant Orientale, & assez deliberee de nous faire veoir l'air beau, plaisant & gaillard: toutes fois estant de la compagnie du Soleil & de la Lune, qui sont fort attentifs à la pescherie, & dedans l'eau bien auât, pour nous faire auoir du poisson pour ceste Careme, elle sera contraincte de s'y mettre, & de s'accorder avec eux: considerant d'autre part que Mercure l'esceruellé s'approche pareillement tant qu'il peut pour les ayder à troubler l'eau du beau commencement, & redre le ciel triste & fâché, s'il peut, afin de luy donner occasion de nous mouiller nostre benoist saoul: mais pourroit bien estre qu'ils se r'aduiferont tous ensemble enuiron la veille de saint Gregoire, le Mecredy, & solliciteront le bon Phœbus bien instamment que luy plaise nous montrer sa belle face bien ouuerte, & amiable, ce qu'il fera à leur requeste, (si ie ne m'abuse) & pour faire plaisir à ceux de Montmorot, lieu renommé pour la residence du premier lieutenant du balliage d'Aual en Bourgogne, qui lors celebreront leur feste Ictiophagique de meilleur cœur
&

M A R S.

& courage: mais si ce bon leur leur durera guerres, ie le vous puis asseurer, d'autât que ie vois Mars le querelleux s'en retourner vers la vierge, & Saturne le mutin prendre le Taureau par les cornes. Ces deux malins ne veüent pas faillir tout subitement de mettre vn nouveau desordre par la Campagne aérienne, & nous enuoyer des froides tantost humides, tantost seiches, & paraduēture des neiges, ou des giboules, pour empescher les pauvres Payfans d'vn costé & d'autre de faire leur deuoir au labourage des terres & vignes. Le fier Bo-reas s'en voudra mesler, & nous souffler entour les oreilles vers le Vendredy, ou le Samedi, le treziesme ou le 14. mais remarquât les preparatiues qu'on fera de luy bailler de l'asperges, il se retirera, & ne fera pas tant de brauades. Par l'assemblee de quatre planettes en l'ascendant de ceste conionction Lunaire, dont l'vn d'iceux pretend le gouvernement de la maison des maladiens, *infirmitatū genera varia & inaudita erunt.* Si les Galenistes ont par-cy deuant vescu en Gentils hommes, c'est à dire, de leurs rentes, maintenant ils commenceront de viure sur la bource d'autrui, & du profit qu'ils feront de secourir & traiter les ma-

M A R S.

lades, qui seront en grād nombre aux terres de H & demy cōbiē que par tout il n'y en aura que trop qui se plaindront de maladies bien douteuses, & non recogneues par ceux qui seront mal habituez en la pratique Hipocratique. Outre ce que les catharres, pluresies, douleurs costales & pectorales seront fort dangereuses, & difficiles à guerir principalemēt vers les Sequanois. Icy serōt quelques reuoltemēs en vn endroit du monde, que ne m'est permis de dire, qui serōt aussi tost assopis, que descouuers. Dieu le vueille & y tienne la main.

Le 10. iour de ce mois par le pays de Bresse l'aube du iour sera à 5. heures iustement. Le Soleil se leuera à six heures vn quart: & se couchera à cinq heures trois parts. La nuit sera close à sept heures iustement. Le iour aura onze heures & demie: & la nuit douze heures & demie.

Le premier quartier de la Lune sera le Mardy 17. iour de ce mois, à dix heures 54. minutes deuant midy. Hermes s'estant sayfi des Poissons, ou le Soleil & Venus pretendent encores de demeurer pour auoir leur part à la pesche que cest esuenté fera, ensemblement ne faudront pas, à mon aduis, de troubler, & obscurcir derechef
le temps

M A R S.

le tēps, nous donnāt des nuées noires toutes chargees des humidités froidureuses, des orages, & pluyes excessiues. L'air se monstrera estrange en maints endroits depuis le 18. ou 19. le Mercredy, ou le Ieudy, & sera le ciel pour la plus part tant couuert nuageux, & fâcheux avec des ouuertures des portes du ciel tāt amples, qu'il semblera presque, que le regne de Deucalion soit de retour. Tout au lōg de ce mois i'ay opinion que les pluyes serōt si abondātes que les fleuues, torrés & ruisseaux au plat pays de tous costez se desborderont, & submergeront les terres voisines. Du costé d'Angleterre, d'Hollande & Zelande les accroissemens d'eau seront merueilleux, ce que leur pourra seruir en leurs malheureuses guerres ciuiles, afin que l'ennemy mal cōtent (cōme ils disent) ne les approche. Deuers l'Affrique on ne veit iamais le Nil si grād qu'il apparoiſtra, Sēblablement le Rhin & le Rhosne, la Garōne, le Danube, Loire, Saone, le Doux, la Seine, Marne, & la truculante Durāce ferōt beaucoup de maux. A tout cecy pourront bien ayder les rayons chauds du Soleil (cōme i'ay dit au mois de Iāuier) qui par fois assaudrōt & toucherōt de pres les neignes des hautes mōtagnes, &

M A R S.


ne cesseront pas d'y donner dedàs iufques qu'en aurõt fait fondre vne bonne partie, pour faire enfler les riuieres qui porteront certainement des dommages inestimables. Enuiron le iour saint Ioseph se fera vn grand tintamarre & bruit en l'air, qui toutefois ne sera pas par tout entendu. Ceux qui demeureront aux isles de l'Occean en seront fort estonnez, & non sans cause, que ie ne veux ny puis manifester pour maintenant. Iupiter en l'angle oriental nous assure que nous aurons vne diminution de maladies precedentes, mais il ne pourra pas tant faire, que la constitution fascheuse de l'air n'en donne quelques vnes, mais elles seront pour ce coup de peu d'importance: de sorte que ne sera pas besoin d'auoir pource l'aduis de messieurs les alterez du mal d'autruy, les reseruant pour vne meilleure occasion, laquelle se presentera plus tost que plusieurs ne desireront. Mars au bas du ciel mal fortuné causera vne grande dissention entre les nobles guerriers Gaulois pour vne ambition de cõmander: tandis ceux qui cuideront estre aduancez seront desauancez: icy maintes choses seront renouuelles qui parauant estoient cachees, dont aucuns se trouueront fort melancholiques & songearts; & d'autres en

M A R S.

ferõt doublemēt leur profit. Qui sera sage se gardera de trop parler: & pl⁹ ne vous diſ.

Le 21. iour de ce mois par le pays de Sa-uoye. L'aube du iour se monſtrera à quatre heures trois quarts. Le Soleil se leuera à fix heures iuſtement: & se couchera à la meſ-me heure du ſoir. La nuit cloſe ſera à ſept heures vn quart, le iour aura douze heures: & la nuit autant.

46. 0.



M A R S.

La Lune sera pleine le Mardy, veille de l'Annōciation nostre Dame, 24. iour de ce mois, à onze heure & demie deuant midy. Icy les Hebrieux celebrerōt leurs Pasques, quād Arcturus le lancier s'en ira coucher, & Orinthias & Chelidonus se leuerōt. Je suis certain que leur feste ne se passera pas qu'ils ne soiēt bien esuētez, si messieurs les souffleurs en cōpagnie du criart Alramech fōt leur deuoir de traouailler à iouēs enflées iusques aux larmes afin de nous esmouuoir de faire le mesme en ceste sepmaine peneuse, voiremēt depuis le 26. ou 27. le Ieudy ou le Vēdredy sainct, & plorer comme vrays Chrestiens & Catholiques la Passion de nostre Sauueur & Redēpteur Iesus Christ, luy criant mercy & luy demānant pardō d'une infinité d'enormes pechez, que nous auōs cōmis contre sa diuine maiesté, nous confessant & preparāt par'ce moyen pour receuoir dignemēt le precieux corps & sang de nostre Seigneur, selon son institution, & l'ordonnāce de nostre mere sainte Eglise. En ce tēps aussi (si ma calculation est iuste) le ciel se mōstrera fort triste, troublé & ennuyé de sorte que si æolus le tourmēte en façon quelconque, il nous respādra vn deluge d'eau dessus, en quoy nous nous prēdrons

M A R S.

drōs garde, pour nous retirer au couuert. Je cōseille ceux qui aurōt affaire aux champs qu'ils n'oublient pas leurs cabans, lesquels leur ferōt bō besoin. Je ne doute que ceux qui voyagerōt du costé de la Brece Sauoyarde, par le pays bas, & aux enuirons des eaux, ne soiēt grādement estōnez, pour ne trouuer chemin ny voye, ny à cheual ny à pied, tāt des aquofitez y aura. Tādīs (ayant cōsideré bien attētiuemēt les diuerles aspects des planettes) l'ose presque assureur, qu'apres ceste cōstitutiō mal plaisante, dāgereuse & facheuse, nous aurōs vne modération & tēperature meilleure par vne douceur agreable dont nous serōs fauorisez la veille, ou le bō iour de Pasques, afin que no^s soyons plus deliberez de visiter les saincts lieux pour ygagner les pardōs cōme la coustume en est biē louable en la saincte laisō presente. Ceste faueur toutefois ne no^s durera guerēs, d'autāt q̄ la pluie, la fraischeur, & autre incōstance de l'air serōt de retour. Les neiges tōberōt encor aux lieux Septentrionaux, & peut estre ailleurs, ceq̄ plusieurs trouuerōt biē estrāge, pource q̄ le gracieux Printēps aura desia fait son entree, & en prēdront mauuais augure, craignant dērechef vne penurie de to^s fruits, principalemēt de
ceux

M A R S.

ceux que lon seme pource que d'autre part ils auront esté aduertis aussi par l'eclipse du Soleil qui s'est fait le vingtneufiesme du mois d'Auril en l'an 1585. au 8. degré du Taureau, où Saturne puis n'agueres a prins semblablement son logis, qui tous deux menaceront d'une apparence de cherté de tout bled, & sterilité grande, Dieu le bon Dieu diuertira ce malheur, & aura pitié de son pauvre peuple tant affligé & desolé.

Le 30. iour de ce mois, ceux qui seront sous l'eleuation de 45. & 46. degrez de latitude, auront l'aube du iour à 4. heures & demie: & verrôt leuer le Soleil à 5. heures 3. quarts, & coucher à six heures vn quart. La nuit close sera à sept heures & demie, la lōgueur du iour sera de 12. heures & dem. & celle de la nuit durera 11. heures & dem.

Le dernier quartier de la Lune sera le mardy de Pasques, dernier iour de ce mois, à deux heures 34. minutes du matin. Le Vautour volât, estoille fixe de la deuxiesme grâdeur, qui fait des passades par l'Orient, & n'est gueres esloignée de la Chieure corne, qui tient cest horoscope, symbolisant avec elle nous presage du froid encor à bō escient, & de telle façon qu'il fera bien cognoistre au plus eschauffé en son harnois
que

MARS.

que le feu & la fourrure serôt de requeste: voire que les festes de la Resurrection se celebreront en maints endroits entour les lādiers fort bien garnis de bois & de charbō. Toutefois comme Venus a repris son droit chemin, apres s'en estre assez desbauché, & Mercure se retire en la maison de Mars l'eschauffé, pour s'approcher peu à peu du Soleil, prédront beaucoup de peine de rabatre la malice du temps, & le rendre plus doux & courtois, mais difficilement, à mon aduis, en viendront-ils au bout, deuant le lendemain de Quasimodo, quand on fera les preparatiues pour les nopces de l'illustre, haut & puissant Phœbus, avec Madame Diane qui se feront avec toute la solennité requise en l'hostel du Mouton: Au parauant, pour en dire ce que ie pense, ie ne puis remarquer que des matinees trop fraisches, de nielles decoulantes, & pluyes mal plaisantes mesmement vers le troisieme, quatrieme ou cinquieme iour, le Védredy, Samedy, ou Diméche. Il y aura des lieux où les giboules seront encor de saison, non pas celles de Mars, mais celles d'Avril, avec des muances tantost d'une qualité, tantost d'une autre, dont la lune froide-ment logee en pourra biē estre cause, comme elle sera, que plusieurs du commū peu-

ple se plaindront de douleurs de costé, & de pluresie, mais pour la presence du bon Iupiter au logis des infirmitéz peu de malades mourront, sinon ceux qui seront atteints de phlegmons & forroncles sortans dessous les aisselles, & aux aines, qui malaisémēt eschapperont, pource que le frere de la Bellone, qui aura choysi la huitiefme stâce pour sa demeurâce, les regardera de mauuais œil, & trop tost aduâcera leurs iours. Autres seront tourmentez par defluxions & catharres avec enragemens de dêts, enflures de iouës, lassitudes des bras, cuisses & iâbes, mais par des legieres purgations, ou par des pillules capitales qu'ils aualleront sans macher seront promptemēt soulagez. Au reste la Dame Venus mal traittee par vne des malignes planettes decourrira par despit ie ne scay quoy caché en l'esprit des femmes qui aurôt leurs heures, comme l'accroist & le decroist de la Lune, de sorte qu'on ne scaura bonnement quel pied prendre aux raisons d'icelles, & verra-on vne telle (ie n'ose dire mobilité) fragilité empreinte, que les plus acortes, & mieux apprinses ne pourront ie ne dis effacer, voire ny cacher leur naturelle imperfection, **Je ne dis pas qu'il soit ainsi, mes**
amies,

A V R I L

amies, mais ceste belle constellation de signes le presage. Dieu vueille le contraire,

A V R I L.

LA nouvelle Lune sera le mardy, septiesme iour de ce mois à vnze heures. cinquãte huiet minutes du soir. Elle doit estre attrempee, & de bien bonne moderation du commencement, avec vn temps assez doux & paisible, voire tout propre pour auancer les fruiets de la terre, & faire bourionner les petits arbres, & mettre en fleur les amendiers & peschers és terres Occidentales & Septentrionales: mais ie me doubte fort que bien tost apres, nommément au plus tard vers le neufiesme, le Ieudy ensuyuant, nous n'ayons vn changement en fraische humidité, & autre variation, inconstance & troublement en l'air: tout-fois ce sera peu de cas pour ceste fois selon mou opinion, puis que le Ciel doit le lendemain derechef monstrer son visage clair & net, avec deliberation de faire souffler vn petit ventolin plaisant, pour resiouyr la bonne Dame Tellus, & ses enfans nouvellement mis au monde. Dieu scait si elle sera contente de veoir enuiron l'onzieme, ou douzieme, le Samedi, ou le Dumanche, les apprests qu'on fera de leur bailles

AVRIL.

bailler à boire peu à peu, & puis tout à vn coup à la fin (sans trop attendre) leur beau benoist saoul. Icy les maladies communes diminueront aucunement, & les malades se sentiront allegez pour le moindre ayde qu'on leur donnera. Mais le pis sera que sous ombre de catharres, de defluxions & de forceneries, la peste se mettra en auant, non sans eminent peril des trois estats de la pharmacie, & autres qui s'hazarderont inconsiderément de les traiter. Cependāt bien-heureux seront qui par cy deuant auront esté purgez par les apozemes & medecines propres à leur complexiō, & se feront fait seigner par l'aduis & ordonnāce d'un doct. Docteur Medecin, hōme de biē & de consciēce, à fin d'obuier aux infirmittez dāgereuses & fascheuses qui suruiēdrōt de iour à autre. Ceux qui aurōt negligé la seigneurie, & n'ont permis de curer le chauderon entieremēt, cognoistrōt la grandissime faute qu'ils aurōt fait. Pourquoi adioustāt foy à mō dire, on y remediera de bōne heure, pour empescher que les humeurs peccātes, & le sang abōdant par son ebullition & corruption n'en mette plusieurs en geline, de laquelle ils ne sortiront pas sans verser leurs cofres. Mars en la 9. de l'horoscope dōnera

nera occasion à vn grand Prince souuerain d'entreprendre vn voyage lointain avec intention d'executer, ou faire executer quelque haut fait d'armes dont on parlera par l'Vniuers. Malheur à la contree où le stratageme se dressera. O prouinces situez du costé de l'Ocean aduisez & consultez par plus docte que moy, car (si ma suppuration est bien faicte) c'est à vous que les factions sanguinolètes s'adressent. Dieu sur tout qui régèra les opiniastres à la voye de la raison.

Le huitième de ce mois en la ville de Lyon & aux enuiron L'aube du iour se monstrera à quatre heures vn quart. Le Soleil se leuera à cinq heures & demie : & se couchera à six heures & demie. La nuit close sera à sept heures trois quarts. Le iour sera long treize heures, & la nuit longue onze heures.

Le premier quartier de la Lune sera le Ieudy seiziesme iour de ce mois, à deux heures du matin. Le ciel se troublera tout au commencement, ce m'est aduis, avec grandissime enuie qu'il aura de nous donner de la pluye, ce qui fera, & peut estre encor de la neige aux lieux hauts & sublimes : au moins il se monstrera bien triste, chagrin, & desolé, ayant souuentes fois les

H larmes

AVRIL.

larmes aux yeux, toutefois il se gardera, s'il peut deplorer le lendemain, & tiédra bõne mine iusques au Samedy, qu'il sera contrainct de trembler & greffer plus que de coustume, pour le froid extraordinaire qui se mettra en auant, accompagné d'vn air trop fraiz, de nielles decoulantes, humiditez froides, gresles, gresils & giboules en maints endroits, ce que durera, ou peu s'en faudra, iusques aux approches de la pleine Lune O que plusieurs seront bien esbahis, estans desia entrez au Printemps, (ou le temps deuroit estre pour la plupart plaisant, gaillard, & amiable) de le veoir tout au contraire tant variable, inconstant & fascheux. Icy les cheueux me dressent à la teste, preuoyât les geles matutinales qui menacent en general tout ce que la terre aura produit, tât les fleurs des arbres, que des herbes: outre ce qu'en des lieux se leueront des brouees & petites nuees, qui gasteront tout ce que sera trop auancé, ce que redondera iusques bienauant au mois de May, dont est à craindre que ne s'ensuiue *frugum satorumque sterilitas, & annonæ penuria.* Que hardimēt par toutes paroisses on face des processions & prieres au Dieu immortel, à fin que luy plaise de preseruer les biens de la terre:

A V R I L.

car de long temps il ne fut plus necessaire, & qu'on les continue par toute ceste saison Printaniere. Et que le bõ pere Denys ne soit pas oublié, ce que ie recommande à tous ceux qui l'ayment & luy portent particuliere affection, car ie le vois, à mon regret, en extreme danger. Les corps plus prompts aux iniures extremes seront vezez de rheumes, toux, mal de teste, douleurs de iointures, & gouttes. Les fieures pestilentes (nonobstant le froid) & des autres de grande malignité s'aduanceront, voire en sourdront subitement de toutes nouvelles, qui feront bien penser profondément à messieurs les Phisiciens, succiller leur Hipocras, & leur Galen en toute diligence pour y remedier, ce que le bon Dieu vueille pour le soulagemēt des pauvres affligez. Au reste le Sanguinaire continuant sa residēce vers la Vierge, causera à leurs suiets, & à ceux des Poissons, du Sagitaire & des Gemeaux vn estat tres infelice & calamiteux, avecques vne infinité de maux, fascheries, tristesses, & tristes euenemēs, qui aduiendrōt aux personnes, biēs, dignitez, & honneurs, tant de ceux qui sont constituez en regne, principauté, dominatiō & autorité, qu'à ceux qui serōt de la plus grāde dignité de l'Eglise. Le

A V R I L.

Surplus demeurera en la plume: car

Astra referre vetant que nobis ipsa minantur

Damna, cruces, casus, turpia facta, dolos.

Le 19. iour de ce mois à **C H A R L E V** en Lyonnois (*ea est mihi dulcissima patria*) l'Aube du iour sera à quatre heures iustement. Le Soleil se leuera à cinq heures vn quart: & se couchera à six heures, 3. quarts. La nuit close sera à 8. heures iustement. Le iour sera long treize heures, & demie: & la nuit dix heures & demie.

La Lune sera pleine le Mercredy, vneille de saint George, le vingt deuxiesme iour de ce mois, à sept heures, cinquante six minutes apres midy. La Lune non gueres esloignee de l'ascendant en mansion humide ne veut pas faillir de rendre le temps chargé, troublé & obscur, tendant à pluyes froides, fascheuses, & autre mauuaise constitution de l'air toute estrange, d'autant que Mercure se leue avec la Pouffiniere, & de là subitement se trouue au milieu du ciel avec la teste du Diable, que les Arabes nomment Algol., estoilles fixes, humides, qui nous mouilleront à bon escient, si promptement nous ne gagnons le couuert: avec ce que elles ont belle enuie de
nou

AVRIL.

nous continuer ce ieu, mais le Belier reti-
 rant son pied derriere, qu'il auoit mis au
 vent, pourroit bien faire tāt q̄ le vingtqua-
 triefme ou vingtcinquiesme, le Vendredy
 ou le Samedy, il fermeroit les portes du
 ciel apres luy: toutesfois de cela ie ne suis
 pas tant assure, que ie suis certain d'ail-
 leurs, que le lendemain de saint Vernier
 patron de nos vigneronns Bourguignōs, le
 Lundy vingtseptiesme iour, nous aurons
 vne matinee si fraische, que plusieurs deli-
 cats, tēdrelets, vieilles gens, & autres de la
 cōpagnie de la pourriture, serōt cōtrainctz
 de charger encor' les fourrures, & se reti-
 er au coing du feu, pour se tenir chaude-
 mēt, estās estōnez en ceste saiso qu'il faille
 endurer de la fraischeur quand la chaleur
 seroit ja estre bien aduancee. Neant-
 moins ie m'assure que Mars à la fin, apres
 estre beaucoup esgaré d'vne part & d'au-
 tre, retournāt à son droict chemin, essaye-
 ra de nous ramener du bon & beau temps,
 mais ie me doubte grandement qu'il n'au-
 ra pas ce credit pour ceste fois, de sorte
 que les fraischeurs accompaignees de
 ruines & brouillards tiendront pied. Le
 soleil & Saturne en la sixiesme maison
 continueront les fieures contagieuses, les

A V R I L.

charbons, bubons, foroncles, anthrax, avec grâdissimes douleurs de teste. O que plusieurs censiers, grangiers, & laboureurs honorables seront atteints d'esquinances, & de defluxions des humeurs qui occuperont les parties du col, des espaules, & du gousier, desquels toutesfois peu en mourront, combien qu'ilz seront griefuement tourmentcz, & trauallez. Au demeurant ayant prins garde, en calculant plus auant, que l'horoscope de ceste opposition est du Scorpion, d'une grâde frayeur, ie me suis tiré en arriere, me souuenant de ce que dict vn de noz deuanciers.

Auerte oculos à figura, in qua ascendens fuerit Scorpio, Martis in angulo constitutio. Comme ie le treuve icy, meismemēt en l'angle Meridional, Helas faut il que ie dise, que secrettement se font des preparations de guerre és terres du Sagittaire, & que les portes sont presque ouuertes aux ennemys par la negligence des Gouverneurs. Ie n'ose passer outre. Dieu tout-puissant diuertira ce sinistre presage, & nous favorisera d'une paix perpetuelle.

Le vingt-neufiesme iour de ce mois, à
Grenoble Parlemēt souuerain de Dauphiné.

A V R I L.

né, l'aube du iour sera à trois heures, trois quarts. Le Soleil se leuera à cinq heures du matin: & se couchera à sept heures du soir iustement. La nuit commencera à huit heures, vn quart. Le iour sera long quatorze heures: & la nuit dix heures.

Le dernier quartier de la Lune sera le Mercredi vingtnueufiesme iour de ce mois, à deux heures vingt minutes apres Midy. Pour la presence du frere de la Bellonne l'horoscope, le temps doit estre aucunement temperé du commencement, combien qu'on sentira de la fraischeur à l'aube du iour: mais i'ay grand peur que ceste telle quelle temperature ne soit de peu d'effect, pour le coucher & leuer de plusieurs estoilles fixes de la premiere & seconde grandeur, qui subitement ameneront vn chagement par vents frais, obscurité, nuages, & vapeurs aquatiques, qui de leur part incontinct après seront cause de la pluye qui suruiendra, cōme on cognoistra depuis le dernier iour de ce mois, iusques au quatriesme ou cinqiesme du suyuant, qu'il y a apparence que nous serons favorisez de quelque douceur agreable, voirement sur le Lūdy ou Mardy des Rogaisons, quand le peuple Catholique fera des prieres solennelles processionnellement

A V R I L.

avec toute deuotion à nostre bon Dieu, & fin qu'il luy plaise contregarder les biens terriens, & ne nous oster rien de ceste belle monstre que nous contemplerons en admiration: brident les cōstellations celestes, qui sont en sa main, & nous menacent d'vn air trop frais, humide, variable, inconstāt & dangereux, & qu'il luy plaise (par sa misericorde) nous faire veoir des iours alaigres, gaillards, paisibles & chaudets pour la resiouissance, nourriture, & entretenement des pauvres creatures Cybellines, comme i'ay opinion qu'il fera, si nous le prions avec vn cœur repētant des pechez commis contre la diuine Majesté: autrement tenons nous pour asseuré, que nous verrons vne constitution si mal plaisante & fascheuse, qu'il nous semblera que l'Hyuer vueille retourner, & faire nouvelle entree. Les montaignes seront estonnees en ceste saison de regarder encor vne augmentation de neiges en leurs hautes montaignes, avec gresils, gresles, & froidures extremes: mais si le mary de la Dame Phœbéent reprend de les toucher de rechef biē viuemēt cōme il aura desia fait au parauant, elles fondront si subitement deuant luy, qu'ons'en donnera de garde, qu'elles

A V R I L.

qu'elles devalleront en bas, & seront cause
q̄ les fleuves croistrōt tellemēt qu'ils des-
borderōt de tous costez, & endōmageront
grandement le pays sablonneux & autres,
& feront beaucoup d'herbe inepte à la pa-
sture. Les maladies seront toujours en
grand nombre qui dureront tant longue-
ment que les pauvres patiēs en viendront
au desespoir. Il y aura des soldats & gens
de guerre, qui seront grandement tour-
mentez de colliques passions, colliques
graveleuses, d'opilations de foye & de la
ratelle. Dieu sçait s'ils maugrēeront les
Hipocratistes, ceux voirement qui prom-
ptement ne pourrōt ceder leurs douleurs.
C'est vn cas estrāge comme le maistre des
rebelles brauera en plusieurs endroicts,
mesmement és Gaules, & vers les Buty-
rophages, & aux enuirōs des isles des deux
Nymphes regnātes. Garde toy albiō d'vne
surprise, car si tes garnisons & sentinel-
les manquent à leur deuoir, tu sentiras vne
terrible punition, & seras cause de la ruine
& perte des pauvres Galactipotes, & de
la mort d'vne infinité de gens innocents
qui n'en peuvent mais. Dieu te vueille
r'aduiser, à fin que tu ne sois occasion de
scandale à tes prochains. Amen,

La

M A Y.

LA nouvelle Lune sera le iour de l'Ascension de nostre Seigneur Iesus-Christ, le septiesme de ce mois, à quatre heures trente-neuf minutes apres midy. Venus regente de l'ascendant, ayant prins le Belier par les cornes, pour y mōter dessus, se laifira du gouuernement de l'air, & s'efforcera de nous faire auoir quelque temps gaillard, resentant sa prime uere, par vn ventolin plaisant, salubre & gracieux: mais ie me doute que l'authorité qu'elle pretēd d'auoir, ne soit pas de lōgue duree, pource qu'elle sera contrainte d'abandonner le tout pour les menaces que l'Orion luy fera de son pied gauche, de sorte que tremblant en damoyelle de Cour, se despitera iusques à larmoyer amerement, au moins elle sera souuēt bien triste & troublee (mais non continuellement dea) comme on s'en pourra prendre garde depuis le 9. 10. ou onzieme, le Samedy, Dimanche. ou le Lundy: & lors on cognoistra le peu d'allegresse qu'elle aura ne se pouuans resoudre. Et que plus est, elle souspirera parfois tant profondement, qu'en maniere que ce soit, ne se pourra garder de plorer abondamment, mesmement le Mardy, le 12. & peut estre piustost, d'autant qu'elle
ne

MAY.

ne prendra pas de bonne part l'alliance que Hermes fera avec les belles Hyades: à la fin toutesfois i'ay opinion, que reiectant toute ialousie parauant conceue, elle se rallegera, & monstrera meilleur visage, plus clair, luisant, & beau, non sans vne douceur & courtoisie dont elle sera accompagnée. *Æolus* pour luy faire plaisir ne veut pas faillir de sortir en campagne, si n'est empesché d'ailleurs, & par vn petit souffle sien desseichera tout ce qu'elle aura mouillé par ses larmes. *Et grata serenitas ubique elucescet.* Les hydropiques, les iau niffaires, goutteux, podagreux, chiragreux & sciaticqueux se plaindront estrangement. Les Dames & damoiselles gratteront icy leur delicate chair à plaisir, & ioueront de l'estrille à cinq dents sans aucune pitié: mais celles qui auront leurs ongles rongnees receuront moins de desplaisir. Saturne proche de la huitiesme maison, où sont logez le soleil & la Lune, fera que plusieurs pourchasseront les biens heritages, & dotes de leurs femmes, & pour elles se leueront beaucoup des inimitiez. *Et plurimæ calamitates impendebūt, tāt pour vne occasion que pour autre. Et deuāt que soit long temps, mirabile quidpiā accidet, & periculosa mutationes sient causa defunctorum,*
aut

M A Y

aut hereditatum, En quel endroit du monde cecy aduiendra, il ne m'est octroyé de le dire. Dieu sur tout, *qui nouit omnia præterita, presentia & futura.*

L'onzième iour de ce mois à Vienne en Dauphiné l'aube du iour se monstrera à trois heures & demie. Le Soleil se leuera à quatre heures, trois quarts: & se couchera à sept heures vn quart. La nuit commença à huit heures & demie. Le iour sera long 14. heures & demie: & la nuit neuf heures & demie.

Le premier quartier de la Lune sera le Vendredy, quinzième iour de ce mois, à vne heure, vingt cinq minutes apres midy. *Mira hic erit aëris inconstantia, Solis & pluriarū alternatæ vices, caliginosa, frigidiuscula que aliquot aurora etiam in medium subinde diem.* Non obstant que Mars en l'absence semble promettre vne fort bõne temperature par vne moderatiõ de tẽps assez gailarde & à souhait, voire telle que la saison pourroit demãder: toutefois il me semble qu'il ne tiendra pas du tout sa parole, & que ses promesses seront de peu d'effect, dautãt que ie remarque que ce vieux refuseur Saturne accompagne tousiours le Soleil en signe de froid: & que plus est, il s'accorde avec l'horoscope, qui demõstre bien qu'il

M A Y.

qu'il y aura pour le present encor peu de chaleur pour nous. Tout cecy considéré, ie ne puis de moins que d'aduertir messieurs les combatans soubs l'enseigne de la pourriture, & autres mignots & tendrelets, qu'ils ne posent pas du tout les fourrures & leurs petits bonnets, mais qu'ils facent toujours chaude prouision pour le matin principalement. Car à mon aduis le froid nous donnera des attaintes depuis le sciziesme, & dixseptiesme, la veille & le saint iour de Penthecoste: & le Ciel se troublera par nuages, orages, vapeurs froides & aquatiques, qui se resoudront au plus tard sur le dixhuictiesme, dixneufiesme, vingtiesme, & vingtvniesme, le Lundy, Mardy, Mercredy, & Ieudy en pluyes & autre diuerse mutation de l'air. *Aër, terra marique turbidus erit*, de sorte q̄ ceste cōstitutiō no⁹ seruira d'vne petite souuenance de l'hyuer passé, Dieu vueille que ce ne soit à l'interest du pere Liber, qui ne demande pas tant des reiterees algarades fraisches. Les Medecins n'auront icy point de repos, mais serōt de requeste de tous costez, pour la multitude des maladies qui se presenteront & se plaindrōt de douleurs extremes de ventre, de colliques & illaquees passions qui seront engendrees de froidures

res

M A Y.

res des iâbes & pieds & de mauuaise qualité de l'air extraordinaire. Tandis les fieures contagieuses assailliront finement les plus rusez: les phlegmons, pustules holeriques, & les charbons se manifesteront, qui en feront desloger plusieurs. Le Sanguinaire en l'angle Oriental maintenant monstrera ouuertement ce qu'il a sur le cœur, & tout enflammé de fureur, & de rage continuera ses stratagemes contre les suiets de la Vierge, des Gemeaux & Escrevice: & les brauera tant & plus, faisant moutir vn nombre infiny par le fer & le glaiue. O quelles angouisses auront à souffrir les Batauois, pour auoir creu mauuais conseil. Ce nonobstant maints assauts seront donnez aux villes occupees par des opiniaistres avec grand carnage, & perte de vaillants soldats, tandis on ne se voudra pas rendre, de sorte que sera dit, Bien batu, bien defendu, & demeure en rebellion. Dieu sur tout.

La Lune sera pleine le Vendredy des Quatre temps, vingtdeuxiesme iour de ce mois, à trois heures cinquante minutes du matin. Le Soleil pere de la chaleur, & de toute douceur, apres auoir faict son entree au logis des Bressons, se trouuant en l'horoscope, mettra toute peine de nous
faire

M A Y.

faire auoir vn temps assez doux & beau, avec vne fort louable moderation & temperature, *Verna & laudabilis erit cæli constitutio, sed forsitan adhuc frigidior paululum.* Ceste courtoisie dont le souuerain des Planettes nous veut favoriser, nous durera (si i'ay biẽ calculé) iusques au vingtquatriesme iour, le Dimanche de la Trinité, nonobstant que le Ciel fera semblant par fois de se vouloir troubler par quelque petit orage, nielle decoulante, & pluye legiere, à cause de quelques estoilles fixes, humides, qui lors se pourmeneront tout bellemēt à l'entour de la huitiesme sphere, & communiqueront leur influence à la moyenne region de l'air: mais ce sera de peu de cas & de peu de debauche pour ceux qui trauailleront pour le bon pere Denys. Mais cōme Mercure sans arrest apprend derechef le mestier des cordiers pour aller à reculon, s'estāt saisi de la ceinture d'Orion, fera le mauuais, selō la coutume, & nous ramenera trop souuent vne fraischeur extraordinaire, avec vn temps chargé, troublé, vêteux & obscur, non sans apparence de pluye, & autre mutatiō diuerse & fascheuse, commē on cognoistra vers le Lundy vingtcinquiesme iour. Les rosee qui tomberōt, serōt pour la pl^e part
tellemēte

M A Y.

tellement fraisches, qu'elles ne profiteront aucunement aux fruiets de la terre, principalement aux regions du Taureau & ailleurs, & non pas par tout dea, & menaceront *segeti rubiginem, & florescentibus fructibus uredinem*, ce que confirmera Sirius le grand chien celeste, qui se couchera voirement, vn peu apres ceste Pauseline se fera (*horresco referens*) de son costé ne nous promettra que *caritatem annonæ*, Dieu vueille changer ceste influence, & monstrier qu'il est par dessus ses Astres, & par dessus les iuges de ses effects. Ce pendant ie suis encores d'aduis q̄ par toutes villes & villages on face des prieres publiques en toute deuotion, humilité & reuerence, à nostre grád Dieu tout-puissant, à fin qu'il luy plaie de contregarder les biés terriens, & diuertir les menaces q̄ le ciel no^o dōne tout au long de la reuolutiō Printaniere. Mais en la huietieme maison, en sa ioye, ne peut pas faillir le malin qu'il est donner des ataintes aux pauures colliqueux, qui crierōt alarme à pleine gorge : mais c'est pour mettre en besongne les Galenistes & leurs cuisiniers, qui ne se laisserōt pas de travailler pour le soulagement, pourueu q̄ le capitaine Dādenaire les accōpaigne. Au reste le Monarque Basané monstrera sa grandeur sur

M A Y

sur tous les autres roys, & sera suyui de gentilshommes, & capitaines de bonne volonté & courage. Ceux qui au fait de guerres ciuiles en son nom commanderont, seront merueilleusement les bien venus, & careffez de luy, ce qui donnera occasion que trestous d'un vouloir n'auront crainte d'exposer leur vie pour son seruice, & mourir au liét où les personnes vaillantes & d'honneur meurent, la raison : *Morbo obeunt timidi, strenuus ense cadit.*

Le 15. iour de ce mois, au marquisat de S. Geny, à Hyene en Sauoye & aux enuironz l'aube du iour sera à trois heures iustement. Le Soleil se leuera à quatre heures & demye : & se couchera à sept heures & demye. La nuit cōmencera à neuf heures iustement. Le iour sera long de 15. heures : & la nuit de neuf heures.

Le dernier quartier de la Lune sera le lendemain de la feste DIEU, 29. iour de ce mois à trois heures cinquante minutes du matin. *Hic pluuia larga multis in locis: nonnullibi et venti et tonitrua: paulatim clarius, calidiusque cum reliquis tamen procedentis caeli.* Mercure seigneur de peu de tenue se trouuant dedans l'ascendant avec retrogradation, & marchant à la mesme façon que l'escreuice, ne veut pas faillir de faire tel desordre par là dessus, que

I le ciel

M A Y.

le ciel s'en faschera, & en pleurera son beau benoit saoul, ce qu'il continuera iusques au 30. ou 31. le Samedy, ou le Dimanche, lors la chaleur, le beau & bon temps s'auanceront à mon aduis, nonobstant que par fois l'air se rendra obscur, couuert, sombre & touffant avec menaces de quelque tintamarre, & autre variation de peu ou prou d'effet, de sorte que ie m'assure presque qu'environ le 20. iour du mois ensuiuant, le Meeredy, le ciel se descourra entierement, & nous montrera vn visage ouuert, plaisant & riant, autant qu'on scauroit souhaiter: mais le pis est, que ceste sienne courtoisie ne me semble pas estre de grād duree, & que lendemain desia il se contristera, & se courra derechef estant marry de voir les fraiches matinees de retour, avec apparences pluuieuses, qui sortiront leurs effects au plus tard sur le defaut de ceste Lune. Plusieurs se lamenteront icy, & diront avec iuste occasion: *Heu verè Veris improsperum statum, atque ut sunt hominum præposteri mores, sensus atque iudicia: sic etiam inuerse sunt temporum vices. Quare rebus florentibus, & primum satis aut erumpentibus Deus propitium oro. Terret enim inexpectatum frigus præter temporis sortem duraturum, ne dicam gelus & pruinam grauem.* Les maladies seront tousiours en grand nombre, tellement que

les

M A Y.

les Medecins courent la poste, & les Apoticairez apres, pour soulager les pauvres patients, qui les attendront en grãde deuotion: tandis les fieures de contagion continueront en des endroits avec des bubons qui apparostrent plustost en l'aine, qu'en autre partie du corps. C'est grand cas comme les Advocats, Procureurs, Greffiers, qui sont du mestier de la langue & de la plume, se tourmenteront grandemēt à cause des douleurs qu'ils auront aux espauls, bras & mains, mais par des legers remedes deuemēt appliquez, ils seront tantost hors de peine. Mars en la cinquiesme sera cause qu'en la cité Virginale & en maints autres lieux de la Gaule Celtique, les petis enfans donneront beaucoup de passetemps par les ruës, & sonneront le tabour, porteront les enseignes, & contreferont les gens de guerre, dont les peres & meres seront estonnez & non sans cause, car ils presageront quelque remuement, si le Souuerain n'y met ordre de bonne heure. Les subiects de l'Archerot auront vne subite frayeur, & par des estonnements estranges s'enfuiront, sans preallablement sçauoir pourquoy, & à quelle fin. Cependant ie me doute fort que secretement ne se facent des preparacions de rebellion toute nouvelle. Dieu y soit pour la destourner.

I V I N.

LA nouvelle Lune sera le iour de S. Clau-
 de sixieme iour de ce mois, à sept heures
 50. minutes deuant midy. Venus ayant ferré
 le cœur du Bellier pour le coucher avec el-
 le, & l'emporter lendemain en sa maison du
 Taureau, où elle pretéd de faire son entree,
 toute deliberee pour auoir ce qui luy con-
 tente, esclaircira le ciel, & nous fauorifera
 d'vn temps doux, chaudelet, & de fort bõne
 moderation, à quoy l'horoscope s'accorde-
 ra estât au premier degré du Lyon. Mais cõ-
 me la Baleine se leue hors de l'eau iusques à
 la poitrine, j'ay grand peur qu'elle ne trou-
 ble par vne mutation & changement qu'elle
 donnera subitement à l'air, qui deuiendra noir
 & obscur incontinent, dont les pluyes s'en-
 suyuent d'vn costé, & les vents, (peut estre
 les tõnerres & fulgurations) de l'autre, mes-
 mement depuis le 7. ou 8. la veille ou le iour
 de S. Medard, ce qui est bié à remarquer, se-
 lon l'obseruatiõ que nos vieux & anciés la-
 boueurs en ont fait tressoigneusemēt, pour
 sçauoir quel temps il doit faire apres. Si ce
 qu'ils asseurent est certain, ie me doute
 fort, que nous ne soyons reduits aux lar-
 mes pour six sepmaines consecutives, ce que
 ne puis bonnement croire, par ce que par
 mes profondes supputations ie l'ay trouué
par

I V I N.

par cy deuant , & le trouue maintenant encore tout autrement , recongnoiſſant en ceſte reuolution pluſieurs iours aſſez ſecs, chadelets , gracieux & paiſibles (i'entens durant ceſte quarantaine) entre leſquels en premier lieu ie nommeray celuy de S. Barnabé, ou ſon ſuiuant, lequel doit eſtre gaillard, doucelet, & plaiſant: auſſi i'en pourrois amener beaucoup d'autres , de ſorte qu'on me confeſſera que leur experience n'eſt pas touſiours veritable , ce qui ne ſeroit pas beſoing auſſi , pour l'interet que Ceres & Bacchus en pourroient auoir, qui ſont aſſez fachez d'ailleurs par trop de fraiches matinees. Icy les maladies ſeront en moindre nombre , que par cy deuant : & la contagion commencera à ceſſer en maints endroits , mais non par tout. Pluſieurs auront diuerſes imaginations, qui procederont la plus part de faſcherie, melancholie, & regret : & il y en aura de ceux qui prendront les affaires tellement à cœur qu'ils ſe mettront au liſt , & ſe tourmenteront tant auant que peu ſ'en faudra qu'ils n'en paſſent le pas. Au reſte l'Empire d'Orient eſt menacé de grands troubles & ſéditions de peſtilences & fieures chaudes , voire de la mort de leur grand Seigneur par vne maladie lethargique: à leur dam, pourquoy

I V I N.

ne croit il pas en nostre grand Dieu. eternal
& tout puissant?

Le premier quartier de la Lune sera le Samedy, 13. iour de ce mois, à 8. heures, 59. minutes apres midy : ie frissonne desia quand ie pense aux fraisches matinees qui semblent vouloir continuer plus auant en ceste saison, & en la suiuate, que ne seroit de besoin, combien que sur le midy, la chaleur se pourroit bien aduancer : mais ce ne sera pas encor à bon escient, & en telle faison que les supposts de S. Vernier le demanderont pour le contentement du pere Liber. Le lendemain, le 14. qui sera le Dimanche, suruiendra quelque ventolin, qui ne cessera pas, que premieremét il n'aye causé vne obscurité en l'air, & vne pluye qui la suiura de pres, ou peu s'en faudra, comme on cognoistra vers le 15. le Lundy : mais le Mardy le iour de S. Ferreol, doit estre plus gaillard, paisible, doux & arresté pour donner courage à ceux de Beau-fort & de Creue-cœur en Bourgongne de bien & deuotement celebrer leur feste : mais le mal sera que le iour de Sainct Antide le dixseptiesme, le ciel se couurira derechef, se rendra noir, & menacera de nous donner de la pluye toute fraische, non sans autre temps mal plaisant & mal

I V I N.

propre pour ceux qui n'auront encor coupé
 leurs foins. Outre ce ie suis en extreme
 crainte que durant ce quadrat Lunaire ne se
 montre vne nuee espesse, qui sera enceinte
 de tonnerres & fulgurations, qui de leur co-
 sté feront aussi peu de bien & de profit
 que les fraicheurs extraordinaires. *Quan-
 tum haec constitutio frugibus, vitibus, & recenter
 satis sit nocitura, non lubens definiuerim, tum
 quia huius praedictionis ratio non vno ac simplici
 principio dependeat, tum quod minus conferre exi-
 stimem, vt haec saepius in malesanum vulgus semē-
 nentur.* Icy les maladies seront en grandissi-
 me vigueur, & pulluleront de tous costez.
 On sera tout esbahy qu'elles entreront aux
 maisons des Roys, Princes & grands Sei-
 gneurs, qui se trouueront atteints de fie-
 ures continues, de douleurs des espaules,
 bras & mains, non sans dysenteries dange-
 reuses, qui en mettront plusieurs en ex-
 treme periclitacion. Saturne en la 4. au
 signe du Taureau fera cause que deuers le
 pays de Thrace en la plus principale cité,
 comme Bisance aduiendra vn estränge trem-
 blement de terre, qui fera corruer beau-
 coup de grands edifices, voire de gros ro-
 chers à demy tenans proches de la mer, &
 de grandes riuieres, & aux chemins publi-
 ques

I V I N

ques tomberont tout en vn instant, & abifferont tout ce qui leur sera au deuant, & à leur rencontre. Et aduiendra le semblable entre les Chrestiens, comme on pourra remarquer en maints endroits, mais les citez des Barbares aux regions Orientales seront presque enfondrees, les autres englouties. La desolation sera grande, & presagera de terribles aduenements en la Cité de Constantinople, pour le faict de leur religion, Dieu sur tout, qui les ramenera en la bergerie Catholique & Chrestienne, Ainsi soit il.

La pleine Lune sera le Samedi 20. iour de ce mois à 11. heures, trentesix minutes deuant midy. Le temps sera en des endroits sur le matin encore assez frais, principalement aux montagnes, avec menaces de vent & pluye legiere, & de peu d'importance, & peut estre sans effect, d'autant que Mars se loge en l'horoscope, qui s'y opposera de toutes ses forces & traueillera de nous ramener de la chaleur, accompagnée d'vn air beau, serain, & doux temperé, gaillard, & commode pour les biés de la terre qui en auront bon besoin. Si est-ce que ie crains qu'environ le 22. ou 23. la veille de saint Iean Baptiste (lors mesmement que le Soleil se saisira de l'Ecreuice

pour

I V I N

pour donner vn commencement à l'Esté) il n'y ait du rumeur en l'air, & que Æolus ne se mette en campagne pour aller avec ses trompettes au deuant de ce Seigneur illustre, haut en degré, colere, craint & redouté, comme il est, & sera durant ceste saison: mais on verra que ledit Æolus prendra tant de peine de tromperer à iouës enflées, que les larmes luy sortiront des yeux bien copieusement. Les tonnerres sonnerôt haut & clair en maintes contrees, ains ie m'asseure que le bruit ne sera pas par tout entendu, baste que les habitans de la Balance & du Cancre en seront estonnez, & non sans cause. Le reste de ceste panseline ne sera que variable & inconstant, ne se pouuant entierement passer de pluies: mesmement depuis le 25. iour de Saint Eloy iusques au dernier quartier. Les vieilles gens seront assaillis par fieures lentes & erratiques, qui les rendront tant lassez & defaits, qu'ils ne se pourront soustenir aucunement. Ce nonobstât il sera force que quelqu'vns prennent courage de s'acheminer vers la gondole de Charon, qui les attend, pour les conduire aux champs Elisiens. Encor les fieures continues, ardantes & contagieuses assailliront vne infinité de gens, tout au long de l'Esté du costé des Al-


I V I N

Iobroges & Sequanois , tellement que plusieurs abandonneront leur propre habitation , & vagabonderont d'un costé & d'autre sans presque trouuer lieu qui ne soit contaminé par des infirmités estranges , ce qui nous donnera occasion de dire avec le Prophete Royal David, Psal. 37. *Non est sanitas in carne mea à facie iræ tuæ, non est pax ossibus meis, à facie peccatorum meorum.* Au reste les nouvelles arriueront que le Calife vniuersel de la secte d'Haly liurera vne bataille sanglante au tyran Amurath, qui se defendra si tres-mal que apres auoir receu vne seignalee perte s'enfuira treshonteusement. Aussi ne faut il pas cacher , que dedans vn an , sept mois & quatorze iours , contant depuis le mois de Iāuier de la presente annee, luy est prognostiqué vne grande & remarquable decadence, combien que les Babylóniques & AEgyptiens experts au iugement des astres luy ont promis *imperium sine fine.* Quant à ma part, passant plus outre, par mes profondes reuolutions, ie diray ce mot que puis que le Soleil est proche de la terre, & *eccentricitas eius minima, Turcicum imperium suam absoluet periodum, quia circa hæc tempora in summo est fastigio, à quo velociter lapsu grauiore ruet.* Dieu vueille aduancer l'heure.

Le

I V I N.

39. 30.



Le 22.iour de ce mois, à Chambery où se tient
le souuerain Senat de Sauoye, l'aube du iour sera
à deux heures & demie. Le Soleil se leuera à qua-
tre heures, vn quart: & se couchera à sept heures,
trois quarts. La nuict commencera à neuf heures
& demie. Le iour sera long quinze heures & de-
mic, & la nuict 8. heures & demie.

Le

IVIN.

Le dernier quartier de la Lune sera le iour des Sept-dormãs, vn Samedy, 27. de ce mois à sept heures, trois quarts apres midy. Icy on nous fera semblant tout à l'instant de nous fauoriser d'vn bon & beau temps selon la saison de l'annee, mais on sera tout esbahy de voir tout le contraire, & qu'on nous monstrera vne triste mine, iusques à pleurer bien souuent, au moins il y aura du chagrin & de la fascherie assez iusques au dernier iour de ce mois, ou le premier de l'ensuiuant, quand nous serons en danger d'aubir encor de la fraicheur deuant le leuer du Soleil, & peut estre quelques heures apres: toutesfois i'ay opiniõ que ce sera peu de cas, & que la chaleur se rendra maistre, & resiouyra tout le monde haut & bas, tandis courra vn petit orage doux, salubre & benign, mesmement sur le 2. ou 3. de Iuillet, le iour de la Visitation de nostre Dame, ou le lendemain, qui donnera vn grand contentement aux enfans de la dame Tellus, qui se haussent & se consient à plaisir. Cependant les cheureaux celestes feront mille gãbades par la campagne aeriene, & ne se voudront retirer, que premierement ils n'ayent troublé tous les cheualiers errants au prochain mariage que la Diane pretend de faire avec le Seigneur Phœbus. Toutesfois ie m'as-

seure

I V I N.

seure que si Mercure ne se trouue empesché en l'hospital qui se tient en son logis (où il y a vne infinité de malades, qui crient les espaules, les bras, les mains, & pour ceste occasion ils portent l'escharpe) il gardera bien les cabris, qu'ils ne ferôt pas tât de capriolles, mais les fera promptement destoger.

Mars en la 9. regardant de fort mauuais œil la Lune située en la 3. avec la queue de son dragon, entreprendra du costé ♄. & mesmement vers les voisins de l'Ocean d'exercer *violentiam quandam in religione*, mais ie me doute qu'il ne se trouue empesché, & qu'il ne soit cause d'une continuation de rebellions, desobeissances, & mutineries. Il me semble que sera peine perdue (& menteur puisse se estre en cest endroit) d'estaindre le feu vers les Butyrophages, Galactipotes, & autres opiniastres insulaires, car le malheur n'est pas encor à sa fin. Dieu le vueille tout autrement, par sa sainte grace & misericorde: tandis ie diray avec le docte Valleinois que,

Flander amat lites, gaudet Germania bello.

Littorei populi ludicra Maris auent.

IVILLET.

LA nouvelle Lune sera le Dimanche, cinquiesme iour de ce mois à neuf heures, & vn quart apres midy. Elle semble deuoir estre sombre, couuerte & venteuse, donnant quelque apparence de pluye sans pouuoir toutesfois, ou bien peu, combien que Venus s'estant faisie du logis de Mercure de peu d'arrest, & ayant par mesme moyen tiré de la complexion du maistre, voudra faire la mauuaise, & s'ayder à troubler l'air, mais elle n'aura pas du tout tant de credit, selon mon opiniõ, qu'elle puisse empescher vne chaude, desiree & agreable temperature de temps cõmode pour couper les blõds cheueux de la dame Ceres, & commencer les moissons en nos quartiers, qui ne seront pas si belles par tout que plusieurs auront opinion, & qu'on pourroit souhaitter, & feroit tresbon besoin. Je suis marry de dire ce mot, mais Dieu le bon Dieu renuersera ce mien iugement, que ie ne fais pas entieremēt sans occasion, voyant la claire estoille du serpent Hydra se retirer de nous, & Hermes d'autre part tout prest pour aller pescher aux escreuices, qui ne faudront pas tous deux d'estre d'accord, de destourber les pauures payfants par vn remuement qu'ils feront par la dessus enuiron le huictiesme, ou neufiesme le Mecredy ou Ieudy, avec
intention

IVILLET.

intention de les arrouser honnestement, au-
moins il ne tiendra pas par bonne volonté
qu'ils auront de mal faire. Cependant il
m'est aduis que sur le 10. ou 11. le Vendredy
ou le Samedy l'air sera derechef beau, se-
rain, doux, temperé & gaillard pour conti-
nuer la tonsure de ladite Dame Ceres. Bien
est vray que sur le 12. le Dimanche, il y aura
changement nouueau, tellement que le
ciel deuiendra noir & obscur en plusieurs
lieux, & tost apres ensuiuront des tonner-
res, esclairs & fulgurations, qui ne cesseront
pas qu'ils ne nous ayent fait part de quel-
que humidité pluuiale, tandis restera vn
vent austral mal plaisant, qui sera cause que
les fieures aiguës prendront pied, & seront
en grandissime vogue. Long temps a que
les Prelats d'Eglise, les Abbez, Prieurs &
Chanoines; voire les Conseillers & Se-
nateurs des Cours Souueraines ne furent
mieux atteints d'infirmitez costales & pleu-
retiques, lesquelles seront accompagnees
de fascheuses toux, & crachements de
sang, dont plusieurs mal secourus *infra no-
num diem zita exuentur.* De ce nombre sera
vn beau vieillard, qui en despit de la bar-
be blanche est encor assez frais, constitué
en souueraine dignité de l'Eglise, qui se
trouuera

I V I L L E T.

trouuera par tout ce mois bien estonné, & aura belle peur de laisser sa peau, mais par le pront secours des Galenistes il sera preserué. Saturne conioinct avec la dame Cyprius en la 8. maison du ciel en la figure de l'Esté menace les pauures femmes enceintes de grand trauail & eminent peril, de façon qu'elles payeront vne grande vsure de ce doux plaisir qu'elles ayment tant. Dieu est par dessus, que ie prie en leur faueur leur vouloir assister, & moderer la rigueur de telle influence, afin de ne les degouster d'un si gracieux exercice, sans lequel periroit & se perdrait la memoire de la race humaine.

Le premier quartier de la Lune sera le Lundy, 13. iour de ce mois, à deux heures 50. minutes du matin. *Principium erit ambiguum & vacillans, nunc ad serenitatem, nunc ad pluuium statum tendens, non absque tonitruorum minis.* Le temps doit estre beau, serain, doux, temperé, gaillard à son instant, non sans vn vent chaud, venant des parties Meridionales & Occidentales, qui causera tost apres des nuees en l'air, qui se dissoudront le mesme iour, ou le lendemain au plus tard, & distilleront vne pluye douce & agreable au pere Denys, qui s'en resiouyra grandement, & en fera bien son proufit en maints endroits. Ce pendant

IVILLET.

pendant pour vous dire rondement ce que m'en semble, tout au long de ceste dicothomie pour la pluspart il n'y aura que variation, inconstance, & changement continuel, qui nous menacera tantost des orages & remuëment de temps vain & pesant, tantost des tonnerres, esclairs & fulgurations, mesmement le 17. le Vendredy: mais le 18. le Samedi, messieurs du Nort (*Aquilones prodromi*) les auantcoureurs de Procyon fortiront en campagne, & souffleront six ou sept iours bien plaisamment ensemble, & feront vn accord pour se trouuer à son leuer. Aucuns sont d'aduis, que ces souffleurs ne se tourmenteront ny s'eschaufferont pas trop sur l'aube du iour, mais enuiron le midy, si on veut prester l'aureille & estre attentif, on entendra leur belle harmonie, laquelle toutesfois ne sera pas ouye par tout: Baste que les subiects du Belier en auront leur part au contentement. Les maladies de la nouvelle Lune continueront avec morfondures, insomnitez, inquietudes, eschauffements de foye, & defluxions sur la poitrine. Plusieurs seigneurs, gens honorables & officiers de grans Princes seront assaillis de rheumes chaudes sur le visage & sur les yeux, avec beaucoup de sortes de fieures plus dangereuses que iamais. Icy on dira

K force

I-VILLE T.

force nouvelles par-cy par-là de Martiaux enflammez de fureur & rage, qui chercheront tous les moyens vers les Balanciers, les Moutonniers, les Cancristes, & ceux qui tiennent la Chieure par les cornes, pour faire luyre le fer, preuoyants tresbien que ceste année ils se doiuent faire riches par le sac & entiere ruine du poure peuple, qui ne scaura plus où, & à qui se retirer, ains leuera les yeux & les mains au ciel, & fera des exclamations estrâges pour les execrables cruautéz & inhumanitez qu'õ exercera en s'õ endroit. Dieu l'en vueille garder, & en auoir pitié.

Le 19. iour de ce mois en la ville de Bourg en Bresse, à Corgenon, & là entour, l'aube du iour sera à trois heures iustement. Le Soleil se leuera à quatre heures & demye: & se couchera à 7. heures & demye. La nuit sera close à 9. heures iustement. Le iour sera long quinze heures, & la nuit neuf heures.

La Lune sera pleine le Dimanche, 19. iour de ce mois à 8. heures trois quarts apres midy. *Hic aeris inaequalitas futura, nubium subinde caelum, sed et plurimum sudum, calidumque. Ventorum pluuiaarum. & fulgurum exorietur conflictus vehementis. Iupiter conioinct avec le Soleil semble nous vouloir favoriser d'une bien bonne temperature de temps chaud, plaisant & doux.*

I V I L L E T.

doux : mais comme Mercure se trouue en ceste compagnie, il ne veut pas faillir de debaucher ces deux planetes debonnaires d'executer ceste courtoise entreprise en nostre endroit, & fera tant que pour son desordre le ciel se troublera, & deuiendra sombre, triste & mal plaisant, & vacillera d'une incertaine esperance de bon & de mauuais, non sans menaces d'ouuir ses portes pour nous faire part de l'eau chaude d'une part, & de tonnerres, esclairs, & coruscations de l'autre. Ce nonobstant il m'est aduis que sur le 21. ou 22. la veille ou le iour de la Magdaléine se mettra vn petit ventolin gaillard au dessus pour rendre l'air clair & net, afin que les pauures gens ayent moyen de moissonner à tout le moins vne fois l'an, sinon deux. Et qu'on ne laisse pas perdre ceste occasion, car ie me doute qu'en uirō le 23. ou 24. le Iudy, ou le Vendredy (quand l'asne Boreal avec sa mangeoire se leuera) derechef la pluie ne tombe copieusement, pour nous mouiller à bon escient, & que nous ne voyons vn tēps dangereux, & facheux. Toutes fois i'ay opinion que S. Iaques nous ramenera vne constitution meilleure, plus gracieuse, & mieux moderee en toute chaleur & douceur, voire autant belle que l'on scauroit desirer pour la presente saison. Ce pendāt ceux qui

IVILLET.

promptement moissonneront, cueilleront & enfermeront les bleds, seront les plus sages, & encor mieux conseillez, qui le grain (qui ne sera pas trop abundant) dedans la paille hastiuement amasseront; d'autant que la commodité ne se presentera pas si souuent qu'on voudra, & sera de besoin. Icy les maladies seront sans nombre. Les fieures ardantes, continues, pleuresies, douleurs de costé, & de la poictrine, catarrhes suffocatifs, & distilations phlegmatiques auront lieu, qui tourmenteront grandement les Hollandois, Zelandois, & Bourguignons tant François que Contois. Mourront certains personnages, qui feront baisser les testes à ceux qui tant seulement auoient commencé à les tenir. Et entre les autres vn bien grand, fort riche, opulent, & de grande renommee. Je ne veux oublier qu'en maints endroits se feront des subits tremblements de terre, qui porteront des dommages incestimables: outre ce que la mer outrepassera ses limites, & s'esmouuera d'Orient en Occident, & du Midy en Septentrion. Ceux qui lors se trouueront sur son eschine, à grand' peine en eschaperont ils: car les orages & tempestes mettront tant de vaisseaux au fond, que possible depuis cent ans ne s'est veu vn cas si estrange. Malheur sur les villes

I V I L L E T.

villes maritimes, car avec la malignité des temps, la guerre y causera maux infinis. Dieu sur tout, qui appaisera le tout.

Le dernier quartier de la Lune sera vn Lundy, le bon iour de S. Desiré, patron de la Catholique ville de Lons le Saunier en Bourgogne, 27. de ce mois à trois quarts d'heure apres midy : quand Procyon ou la Canicule aura commencé à leuer la teste, de se faire voir en l'air, d'ôt sont nommez les iours Caniculiers, qui ameneront vne grãde touffeur & pesanteur fascheuse, & causeront (s'il faut croire aux prognostiques que Diophanes a fait en ses Georgiques) *perniciem animalium gregum pascentium, cum pluuiarum prouentu, frumenti copia exigua, & olei fertilitate.* Le tẽps sera brumeux, vain, remuant & maussade, non sans quelque fraicheur qui se montrera à l'aube du iour, principalement du costé de la montagne, avec apparence de pluye legiere, de peu ou point d'importance, selon mon aduis, si elle ne se renforce sur le 29. ou 30. le Mcredy, ou le Leudy, voire au premier iour d'Aoust, le Samedy, d'autãt que Venus alors prendra son logis en la maison de la Lune, ou volontiers elle n'espargne pas l'eau pour ceux qui en ont affaire, mais ce ne seront pas les barbiers de la dame Ceres, qui n'auront pas acheué toutes leurs besongnes, & s'en

I·VILLET.

passeront fort bien. Peut estre que le trente vniesme, le Vendredy sortira vn petit valetton du Seigneur Æolus, qui soufflera tresdoucelement pour dessecher ce qu'il y aura de mouillé, & regaillardir ceux qui seront trop eschauffez & meshaignez par les chemins: mais j'ay grand' peur que sur la fin le Dieu des alarmes ne face quelque remuement de mesnage, & estant eschauffé en sa colere, ne lasche trois ou quatre coups d'artillerie, pour nous faire entendre qu'il est tousiours en campagne, & qu'il a deliberé de tresbien faire le mauuais d'vn costé & d'autre, mais principalement en la terre de *ꝛ. V. W. & S.*, voire en celle de *mp.* dont nous ne sommes que trop affeurez. Mon Dieu quelles seditions il esmouuera, quelles cruautez & stratagemes de guerre il executera, quelles trahisons & menees estranges il entreprendra. Il sera cause, le matin qu'il est, que le souuerain de la terre du Sagittaire endurera de grãdes incommoditez, pour dompter ses ennemis opiniatres, qui luy feront faire des despences non estimables, & qui plus est il le mettra en hazard de perdre la plus belle corne de son chaperon, au moins il est a craindre que *diminuetur potentia eius, quando maxima visa erit*, pource que les desseins qu'il aura fait ne prendront

pas

I V I L L È T.

pas tel traict, que plusieurs luy auront fait entendre, ce qui luy donnera occasion de grandes fascheries, mesmement quand il sera contraint d'abandonner le tout pour ceste fois: si est-ce que le Soleil conioint avec la partie de la guerre, luy promet vne victoire insigne, voire tellement aduantageuse que de long temps n'aduint vne pareille. Dieu luy vueille, & à nous octroyer vne bonne paix à iamais perdurable. Amen.

Le troisiemes iour du mois d'Aoust ensuiuant, au Marquisat de T R E F O R T, Ceisera & laseron en Sauoye, l'aube du iour sera à trois heures & demye. Le Soleil se leuera à quatre heures trois quarts: & se couchera à sept heures vn quart. La nuict commencera à huit heures & demye. Le iour sera long quatorze heures & demie: & la nuict neuf heures & demye.

A O V S T.

LA Lune sera nouvelle le Mardy, quatriesme iour de ce mois: à 9. heures & vn quart deuant midy. Venus au milieu du ciel avec Syrius le grand chien de la cour celeste, où le bon Iuppin se trouue aussi, qui bié tost doit prendre son logis au Lyon d'or,

A O V S T.

maison du Soleil pour le reste de ceste annee, ne faudront pas ensemblement de nous faire part d'un beau téps, chaud, & gaillard, avec vn petit orage, doux, salubre & benin: ils trauailleront fort de le cōtinuer, s'ils peuuent, mais ie me doute que non, combien que Mars en l'horoscope s'y aydera de tout son pouuoir, pource que l'air subitement deuiendra sombre, touffant, pesant, & tendant d'un costé à pluies, ou à grandes menaces d'icelles: & de l'autre à tonnerres, esclairs & coruscations. La chaleur, ardeur, & inflammation sera extreme, aumoins beaucoup plus grāde que par cy deuant n'a esté. Le ciel sera tant eschauffé & bruslant du costé de Prouence & de Languedoc, qu'il dissoudra presque les corps humains, & les rendra entierement vains. Les tempestes, gresles & fulgurations seront si continues en Espagne & Iralie, qu'il n'y aura guere contree qui ne soit endommagée par les impressions celestes & ignees. Dieu vueille contregarder les vignes, & autres fruits de la terre tout au long de ce mois, premierement en nōstre terroir Sequanois, & puis par tout le monde, afin que les Pantagruelistes ne se trouuent interessez. Au reste, combien que l'air grincera, & se courroussera en maints endroits, si est-ce qu'il me semble
que

A O V S T.

que depuis le 5. ou 6. la veille ou le iour de la Transfiguration de nostre Seigneur, iusques au 9. le Dimanche, le temps ne sera que bien moderé, & d'une fort bonne temperature, nonobstant les menaces de quelque petit vent & pluye legiere, qui, sans offenser chose que ce soit, donneront vn singulier contentement tant aux sains qu'aux affligez par maladie qui regnent encor trop frequemment. Icy ie ne regrette beaucoup mes bons combourgeois, freres, alliez & amis, les Contois de S. Amour en Bourgogne, pource que ie preuois vn grand troublement à la celebration de leur feste, par des borasques & nuees noires qui suruiendront, & seront encointes de pluyes qui tomberont en abondance, mais ne feront aussi aucun mal, si i'ay bien supputé, moyennant qu'il n'y aye point de la dragee entre-meslee, comme i'espere que non, de sorte que le Diable ne sera pas si Diable, qu'il semblera estre noir. Durant la saison estiuale au plus tard arriuera vn cruel ennemy, qui exercera sa tyrannie si treshorriblement par tout là où il passera, que les plus vaillants de cœur & de courage defailliront pour ne se trouver au deuant de la cruauté de cest effrené tyran & ennemy: lequel n'aura aucune pitié du pauvre peuple dès long temps oppres-

A O V S T.

se, mais nullo paupertatis ac miserie habito respectu: insueta tributa exactionesque acerrimas ab eo colliget, & magnam thesaurorum congeriem constabit, divitesque plurimos aris detrudet in carceribus. Dieu le vueille eslongner des terres de *mp.* de *u.*, *v* & *g.* esquelles il pretend de faire son entreec.

Le premier quartier de la Lune sera le lendemain de saint-Laurens, le iour de S. Taurin, 11. de ce mois à sept heures du matin. *Principium huius quadræ frigidiusculum, instabile atque proclive ad pluviam, tonitrua & fulmina: nonnumquam tamen erit aura calidior & purior, & spirabunt Etesie cum tepore, sub catastrophen omnia inconstantiora.* Le temps sera par fois vn peu plus frais, qu'il n'a esté en la nouvelle Lune precedente, mesmement deuant le lever du Soleil, tendant apres à vne chaleur & temperature bien gaillarde: non obstant qu'il semble qu'en des endroits l'air sera sombre, remuant & obscur, avec menaces d'une pluye qui tombera le propre iour de l'Assomption nostre Dame (si ie ne me trompe) ou le lendemain, qui feront belle peur aux fructs & biens restans sur la terre. Sommairement nous aurons icy vne constitution bigarree de serain & de trouble, de froid & de chaud, tellement que vers les Occidentaux & Septentrionaux on commence

A O V S T.

mencera desia cognoistre vne diminution grande de chaleur : & que la bize soufflera souuent bien honnestement, combien que par deça pour la plus part nous serons plus doucement & gracieusement traitez, mais encores ce ne sera pas entierement au contentement du pauvre payfan. Les maladies seront fascheuses, & se maintiendront ; outre ce qu'elles ameneront des autres tres-dangereuses, dont sur l'Autonne beaucoup de ceux qui en seront atteints, verseront leurs coffres. Les fieures quotidiennes s'aduanceront aussi, qui se resoudront en fieures quartes, qui sont accompagnes de grandes opilations splenetiques, & cachexies hydropiques. Au reste il me souuient de vous auoir dit en mes presages de l'an mil cinq cens quatrevingts & six, que en ceste reuolution quelque grand grand Cherin couronné seroit atteint d'une maladie dangereuse iusques à la mort, ce que ie vous confirme d'autant plus, que i'apperçois la profection de l'horoscope de sa natiuité paruenir *ad terminum* ☿. *constituti in octaua domo, peregrini, & afflicti quadrato* ♄. sans aucun aspect amiable de Iupiter ny de Venus. Toutes-fois si maintenant par la diligence des Hippocratistes il est preserué, il aura vn
autre

A O V S T.

autre adiournement personnel au mois de
Nouembre, dont il se prendra garde, & fera
sagement, afin qu'il ne soit pas à l'impour-
ueu contraint de passer par la barque de
Charon pour comparoistre deuant le iuge
Rhadamante. Je ne vous veux taire en ce
lieu, que plusieurs sont d'opinion, que nous
verrons encor, si desia ne l'auons veu, en la
haute region de l'air des estrâges & effroya-
bles meteores, avec des visions inaccoustu-
mees, voire quelque estoille ou comete tres-
luisante, non sans rougeurs & inflammations
de feu, qui denotent de grandiffimes eston-
nemens aux regardans, & ne seruiront que
des auantcoureurs de guerres, pestes, fami-
nes, mutations & changemés de Royaumes,
morts de Roys, & Roynes, Princes & Prin-
cesses. Dieu vueille appaiser son iuste cour-
roux.

Le 14. iour de ce mois, au Conté de saint
Amour en Bourgongne, l'aube du iour sera
à trois heures trois quarts. Le Soleil se leue-
ra à 5. heures iustement: & se couchera à 7.
heures iustement. La nuit close sera à 8. heu-
res, vn quart. Le iour sera long 14. heures, &
la nuit 10. heures.

La Lune sera pleine le Mardy, 18. iour de
ce mois à sept heures, neuf minutes deuant
midy. Selon l'ascendant le temps doit estre
frais,

A O V S T.

frais , venteux , morne & sombre , tendant à toute inconstance & varieté , non sans apparence de pluye & autre constitution malplaisante , comme on remarquera au plus tard sur le dixneufiesme ou vingtiesme , la veille ou le iour de saint Philibert , patron de nostre renommee ville de Charlieu en Lyonois. *Et flabit Chorus procellosus, turbidus & impetuosus cum cæli quidem vulsu vario.* Le vent que les Italiens nomment Ponente maestre soufflera impetueusement du costé de la marine , donnant en des endroits de terribles atteinctes au pauvre pere Denys , qui n'en prendra pas trop de plaisir. Bien est vray ; & telle est mon opinion , que parmy tout le mauuais temps , nous aurés de beaux iours , serains , treschauds & touffans , entre lesquels semblent estre le 21. 22. & 23. le Vendredy , le Samedy , & le Dimanche , mais le reste sera sans grande tenue , l'air se montrant tantost assez doux & moderé , tantost assez frais , ce qui ne sera pas propre pour la maturation des raisins. Il y aura par aduantage quelque menace de tintamarre , ie dis , de tonnerre , qui fera plus de bruit que de dommage. Icy les melons seront desia dangereux , apres qu'ils auront senty la trop fraiche humidité , toutesfois ceux qui ne seront pas cacochymes en pourront manger

A O V S T.

manger encor pour huit ou dix iours, mais depuis là gard la fieure quartaine, à cause de la facile corruption desdits melons en l'estomach. Les maladies longues prendront pied, & seront tres-facheuses au commun peuple, & aux gens de basse condition. Mars le malin en la dixiesme maison du ciel sera cause que *thesauri regum imminuentur & à nonnullis eripientur, deusque eorum concidet.* Aduendra grandissime perte au thesor royal, & changement de ceux qui gouvernent les Roys, tellement qu'ils souffriront de grands dommages à leurs rentes & reuenus, qui seront de leurs domaines, d'autant qu'on y aura mis la main bié auant, de sorte que s'ils vueillent continuer les guerres, il leur faudra aller par emprunt d'une part & d'autre, pour la necessité en laquelle ils se verront constituez. Tandis les Barabois tiendront tousiours forte opinion au fait des guerres, ainsi que le maistre des rebelles se trouuera superieur, & la plus forte opinion emportera, qui à la lógue ne sera pas la meilleure. Dieu sur tout, qui y mettra ordre.

Le vingtquiesme iour de ce mois, à Chaalon en Bourgogne, & aux environs, l'aube du iour sera à quatre heures iustement, le Soleil se leuera à cinq heures, vn quart,

A O V S T.

quart , & se couchera à six heures trois quarts. La nuit close sera à huit heures iustement. Le iour sera long treize heures & demye : & la nuit dix heures & demye.

Le dernier quartier de la Lune sera le Mercredy , vingtiesme iour de ce mois , à six heures treize minutes du matin, le temps doibt estre beau , serain , gaillard & plaisant du commencement , avec vn petit vent tresgracieux : mais comme Mercure se trouue en l'ascendant , & Saturne peu à peu tout vieux & resueur qu'il est , veut apprendre de marcher à la mode des Escreuices , c'est à dire à reculon , seront cause de quelque fraicheur matinale , & que le ciel se troublera sur le vingthuitiesme , ou vingtnouiesme, la veille ou le iour de la Decollation de Saint Iean Baptiste, pour nous donner de la pluye peu ou prou , pour le moins les menaces en seront grandes. Toutesfois sur le trente ou trentevniesme le Dimanche, ou le Lundy, il m'est aduis que l'air se monstrera derechef fort doux , chaudeler , & à souhait des vigneron : mais le mal sera que au premier & second iour de Septembre, il y aura vne obscurité toute nouvelle, laquelle

A O V S T.

quelle ne se perdra pas sans que nous soyés mouillez, ou il tiendra à peu. C'est vn cas estrange de tant de fraicheurs extraordinaires, & changemens soudains qui se font & feront de iour à autre: mais Lecteur debonnaire, qu'est-ce que cela presage? l'en laisse le iugement au Seigneur Guxot Mailard, superintendant des affaires de Dom Iean Doncieux, grand Prieur en l'abbaye de Baume en Bourgongne, ancien & expérimenté Astrologue Sequanois, & aux autres plus huppez en la Iudiciaire, & mieux preuoyans les choses futures. Quant à ma part ie diray qu'en plusieurs lieux la recueille des biens de la terre ne respondra pas du tout à la monstre & apparence tresbelle que nous en auons veu au Printemps, & mesmement que les vendanges ne seront pas aussi belles que les confreres de la compagnie de Bacchus desireront pour teindre leur mutesau de pourpre en graine, car les vns seront en maints endroits bien vers, mal meurs, & mal propres à l'effect que dessus. Mars en la 3. oppose à Saturne estant en la neufiesme cause l'aduenemēt de choses grādes par le moyen de sectes de religions, de loix, de police, & de mort de souuerains Seigneurs: voire
par

A O V S T.

par monopoles, & remuements de nobles & vilains, de grands, & de petits. Mon Dieu quelles trahisons estranges, quelles trainees occultes ces deux malins ont enuie d'executer entre les freres, beaux freres, cousins & alliez par toutes les Gaules. Mais ils seront tout esbahis d'estre descouverts, & par mesme moyen cōtraints de se retirer pour ceste fois. Tandis vne paix de long temps desiree se mettra en auant, avec suspension d'armes, & par traittez amiables d'vne part & d'autre, non sans nouveaux Edits, *ex parte regis*, pour cest effect. Dieu vueille qu'elle soit de duree, mais i'ay grand peur que le bled ne sera pas encores assez vanné & purgé, & que le sanguinaire par le respas d'vn grand ne rompe sangles, & sorte de nouveau en campagne. Il ne faut pas oublier icy que le Cronien retrogradant incitera les Rois & Princes de chastier les vsuriers, execrables & maudits, mais ce sera aux despés de qui il appartiendra, nonobstant que c'est vn mestier iuré, duquel il ne se melle pas qui veut.

SEPTEMBRE.

LA nouvelle Lune sera le jour de Saint Lust, deuxiesme iour de ce mois, à sept heures, 34. minutes apres midy. *Hic cæli*

L *facies*

SEPTÈMBRE.

facies pluribus in locis erit nitidissima, sequetur cum siccitate calor, aurora tamen frigidiuscula, quandoque subobscura, nebulosa cum pluvia, & aeris disparitate summa. L'air ce me semble sera à son instant encore assez chaud et, doux, réunis & bien modéré selon l'ascendant, toutes fois comme Saturne se promène en iceluy chancelant en arrière, sera cause que nous aurons vne continuation de fraîcheur deuant le lever du Soleil, qui ne sera pas, peut estre, trop d'importance: mais le mal sera que ce vieux refuseur tout despité troublera le ciel, & le fera deuenir sombre & triste, avec grand enuie qu'il aura de nous bien mouiller environ le 4. le Vendredi, combien que sur le Samedi Phœbus doit monstrier son beau visage clair & net, & nous fauoriser d'une bonne temperature de temps, qui refiourra grãdement le *pater Dionisius*, qui sera encor par les champs, qui n'aura autre desir que ceste faueur luy soit de duree. Cependant comme ie puis remarquer, il sera loing de ses soubris, d'autant qu'il verra que desia sur le six ou septiesme, le Dimanche ou le Lundi, on tirera le rideau, & le ciel deuiendra noir, obscur, obnubilé & chargé, & sera tout prest d'ouuir ses grãdes valves & portes, pour nous transmettre de la pluye assez honneste: outre ce que les tonnerres re-

S E P T E M B R E.

sonneront en des endroits, & non par tout, & tombera de la gresse, mais selon mon opinion, elle fera peu ou point de dommage du costé d'Arbois, & de Poligny: ce qui en sera aux autres lieux ie le passe sous silence, ayant espoir au demeurant que le lendemain & approchant la diuision croissante, il y aura derechef vne serenité de retour, qui sera accompagnée d'une constitution assez gaillarde. Ce nonobstant pour vous dire sommairement ce que ie trouue par mes calculations, vous estes en danger depuis le commencement iusques à la fin de n'auoir qu'une fricassée du bon & du mauvais, du clair & du trouble, du sec & d'humide, du froid & du chaud, de sorte que plusieurs diront à bon droit, *Sol, frigus, pluuia ludunt alterna vice*. Les maladies seront en plus grand nombre que iamais, & entreront en des riches maisons, ce qui sera cause qu'on aura recours aux fameux Medecins, *velut in ad sacram anchoram*, qui n'espargneront pas leur diligence, moyennant que le Soleil leur luisse a la main. Les Parisiens seront fort atteints par infirmités tresfacheuses, Lyon & Thoulouse n'en seront pas exépts. C'est grand cas du contentement que le pauvre peuple aura d'une paix accordée selon les deliberations mises en auant, tandis le frere de la Belone

S E P T E M B R E .

estant en la maison de querelles, noises & debats, ne se pourra tenir qu'il ne face des esmotions de guerre, des assemblees & beliques factions en maintes contrees, & mesmement en Allemagne haute & basse vers les subiects du Taureau, du Verseau d'eau, & du Lyon, *vbi armorum magni tumultus erunt, bella horrida, hominum strages, incendia rapinae & depopulationes.* Sçachez icy que combien que l'estoile de Iupiter selon l'aduis d'vn chacun, est la plus fortunee, toutesfois ie m'asseure que ce sera elle qui administrera & dispensera la coupe du bien & du mal. Dieu sur tout.

Le 4. iour de ce mois a Lohans & a C v r s e a v au Vicomté d'Auffonne, l'aube du iour sera à quatre heures, vn quart. Le Soleil se leuera à cinq heures & demie: & se couchera à six heures & demie. La nuict close fera à sept heures, trois quarts. Le iour sera long treize heures: & la nuict onze heures.

Le premier quartier de la Lune sera le lendemain de la Natiuité de nostre Dame, le Mecredi, neuuiesme iour de ce mois, incontinent après midy. *Tempus obscurum, variis sapius in ventos sese pluuiaque resoluens.* Le ciel aura belle enuie du commencement de se monstrer clair, serain, & beau, avec vne chaleur & douceur bien agreable, & le fera
sans

S E P T E M B R E.

sans doute, pourueu que la Lune logee en l'horoscope ne l'empesche, & nous ameine vn temps tout au contraire, à sçauoir froid, pluuieux & véteux, non sans nielles decoulantes, comme on pourra remarquer au plus tard sur l'onzième, le Vendredy: mais le Samedi la fraicheur s'aduancera, & il y aura en des endroicts vne gelee blanche, qui referrera tellement les enfans du pere Liber, qu'il le contraindra de parler bien doucement, voire du costé de Chatel-chalon, & de saint Lotain en Bourgongne. Æolus se mettra en campagne enuiron le 13. le Dimanche, & ayant les iouës enffecs soufflera en beaucoup de lieux avec telle peine, que les larmes luy distileront des yeux, & pleurera tant amerement, qu'on ne le pourra bonnement appaiser, quelque remonstrance que Corneille luy fera sur le 15. le Mardy, pour le resiouir, & faire torcher ses yeux; difficilement toutes-fois on en pourra venir a bout, de sorte qu'il demeurera le plus souvent chagrin, triste, soupirant & lamentant. Cependant tous ces changemens n'empescheront pas que les Lyonnais, Maseonnais & Sebusiens ne s'assemblét pour emprisonner les Mores, ceux mesmement qui auront tant farcy leur pance, qu'ils conffleront iusques à creuer, tellement qu'ils seront prests

S E P T E M B R E.

à rendre leurs gorges, mais le malheur sera, qu'ils ne vomiront pas tant, qu'une infinité de pauvres & malaisez demanderont. Icy s'esmouueront d'un costé & d'autre beaucoup de dysenteries & flux de vêtre, principalement pour auoir auallé trop de raisins mal meurs qui causeront vne grāde acrimonie de matiere, & grāde de rasiō aux boyaux. D'autre part les gens mechaniques & laboureurs endureront de grandes douleurs de teste, du col, & entre les deux espauls par defluxions subites & catarrhes tresdangereux. Au reste Mars en la 12. ne veut pas faillir, par les enormes rauissements qui se feront, & auront par cy deuant esté faits de cheuaux, de bœufs, des ouailles, de toute sorte de troupeaux, sourdront des meurtres, querelles & quelque tresmalin euene-ment pour iceux animaux. Il ne fut onques vne telle, ne plus infidele trahison qu'il sera pour lors cogneue: mais les grands y remedieront, & preuiendront les malheurs prochains. Ainsi soit il.

Le 13. de ce mois à Lons le Saunier, & Montmorot premier Siege du Bailliage de Aual au Comté de Bourgogne. l'aube du jour sera à quatre heures & demie. Le Soleil se leuera à cinq heures, trois quarts, & se couchera à six heures vn quart. La nuit close

SEPT E M B R E.

close sera à sept heures & demie. Le iour sera long douze heures & demie, & la nuit onze heures & demie.

La pleine Lune, eclipsée d'un horrible regard, apparoistra le Mercredi des quatre temps, 16. iour de ce mois à 8. heures 54. minutes du soir, montant sur le finisseur de nostre veue le deuxiesme degré des Gemeaux, elle estant au 23. degré, sept minutes des Poissons, en l'onzième maison du ciel. Icy la pauvre Diane aura la teste toute couverte d'un voile noir, & monstrera vn visage triste hors de toute allegresse, soustenant de la main gauche sa face toute eslorece & toute escheuelee : & ne se pourra bonnement contenir, qu'elle ne pleure son beau benoist saoul : toutesfois par la persuasion de la Dame Venus, elle se resoudra peut estre, & prendra opinion de s'allaigner par fois, mesmement le Samedi, ou le Dimanche, le 19. ou le 20. lors elle doit faire meilleure mine, & s'essayera de nous donner vne belle & plaisante œillade, mais ayant souuenance du mal qu'elle aura enduré, commencera à tremblotter, & frissonner à l'aube du iour de Saint Mathieu, quand ceux de Lons le Saunier en Bourgongne, vrais zelateurs de la foy Catholique, & de leur Roy, tiendront leur foire, puis le lendemain

S E P T E M B R E.


& en la face de Mars le main, sans auoit aucune raueur des bonnes planettes, ce qui sera cause que ses significations seront grandes & merueilleuses, lesquelles ie declareray ailleurs. Cependant ie veux bien mettre en ce lieu, que ledit eclipse presage le retour des fieures pestilenciales, qui assailleront vne infinité de gens: les phlegmons, les charbons & bubons se monstrent plustost en l'aine qu'en autre part, avec defaillements de cœur, euanouissements & foibleses. Plusieurs Capitaines, soldats & autres tomberont au liét, & se plaindront de coliques grauelleuses, de suppression d'vrine, & de douleurs extremes de reins & de ventre. La petite verole tourmentera les petits, & la grande ataquera les grands, les infirmités seront estranges, & mourront de ceux qui par leur trespas mettront beaucoup de leurs subiects & seruiteurs en desarroy. Au reste le temps est venu que l'amy ne se fierá pas de l'autre: & les ligues & amitez de plusieurs se dissouldront pour les trahisons qui se feront. Et qui plus est, entre les personnes que lon tiendra pour assureé estre vne amitié iuree, ne seront que dissimulations, & qu'il soit vray, le reste de ceste année ne se passera pas, que les occultes haines & inimitiez ne se descouuriront & lon apperceura de ceux la

L 5 qui

S E P T E M B R E.

qui sont surprins, que l'on n'eust jamais cuido qu'ils se fussent ainsi oubliez de perdre leurs honneurs & reputations. D'autres aduenemens assez qu'il me fache de mettre par escrit. Dieu sur tout.

3 11. 1 5.



Le vingtroisiesme iour de ce mois , à
Orgeler. siege du Bailliage d'Aual au Com-
té

S E P T E M B R E.

de Bourgongne, à Presilly, & à Meronna:
L'aube du iour sera à quatre heures, trois
quarts. Le Soleil se leuera à six heures du
matin iustement : & se couchera à mesme
heure du soir. La nuit close sera à sept heu-
res, vn quart. Le iour sera long douze heu-
res, & la nuit autant.

LE dernier quartier de la Lune sera le
Jeudi, vingt quatriesme iour de ce mois
à vne demie heure apres la minuit. Iupiter
se leuât avec Procyon, le petit chien celeste
s'effayera de nous amener encor vne dou-
ceur & temperature bien louable selon la
saison, pour nous donner moyen & loisir de
jetter les semences en terre, abbatre les noix
& cueillir les fruiçts pendants du costé de
la haute & basse Bourgongne, ou on sera
aduerty d'vser de diligence en ceste bonne
besoigne, afin qu'on ne soit debauché par
des nielles decoulantes, par des humiditez
froidureuses, & autre notable mutation de
l'air, qui suruiendra plus souuent qu'il ne
sera de besoin, & causera (si Dieu ne chan-
ge les influences mauuaises) que par
tout

SEPTEMBRE.

tout on ne boira pas *ardentem ignem*. Toutes-
fois j'ay opinion que le iour de S. Cosme &
S. Damian, voire le lendemain, nomme euee
le 27. ou 28. & par aduantage plustost, nous
aurons vn temps plus amiable, serain, gail-
lard & moderé, pour accourager les Chi-
rurgiens de celebrer leur feste de meilleure
deuotion: mais j'ay grand' peur que ceste
courtoisie que le ciel leur octroyera, ne soit
pas gueres de duree: & que sur le 29. ou 30.
lors que les cheualiers du premier ordre de
France feront les monstres de S. Michel, ne
s'aduance derechef vne obscurité & obru-
bilation fraiche, qui menacera de vent & de
pluyes trop reiterees. Je me doute fort que
par ceste mauuaise constitution, les delicats,
tendrelets, & ceux qui sont de petite com-
plexion ne chargent en maintes contrées
les fourrures, & s'habillent plus amplement.
Les maladies ne seront pas du tout tant
abondantes que par cy deuant, & commen-
ceront à se diminuer aucunement, & donner
quelque trefue aux pauures patients, tou-
tesfois plusieurs ioueront entor au flux &
au sang: des autres auront des defluxions
sur la poitrine, les poulmons & l'esto-
mach, mais elles seront de si peu d'import-
tance, que les Medecins peu souuent seront
appellez au secours. Mars en la cinquiesme
mai-

OCTOBRE.

raison mettra force nouvelles en auant
 plustost bonnes que mauuaises, *ex quibus me-
 us plurimos inuadet.* Les subiects de l'Archeuor
 auront vne subite fraieur par diuers aduer-
 sifsemens qu'on leur donra , de sorte que ne
 pourront bonnement asseurer, & en aurót
 de grands pensements. Tandis il ne sera pas
 mal fait de se tenir sur leurs gardes, pource
 que (si ma calculation est iuste)

*Barbarus hostis auet captiuos
 ducere Iberos,
 Multa mali simulant sinibus
 Hesperis.*

OCTOBRE.

La nouvelle Lune sera le iour de saint Le-
 gier, le Vendredi, deuxième iour de ce
 mois, lors le Soleil se trouuera eclipsé sur
 les cinq heures, trente sept minutes du ma-
 tin, mais nous ne verrons aucunement le de-
 faut de sa lumiere, ny son obscurité, d'autant
 qu'il ne sera pas encores leué en nos quar-
 tiers. *Interim aer erit vento fecundus & inbre,
 paulatim tamen defecatus & serenius caelum.*

Mer-

OCTOBRE.

Mercuré retrogradant en l'horoscope pre-
sagera vn temps grandement venteux, tem-
pestueux & couuert, menaçant des brouil-
lats, & nielles decoulantes, des pluyes me-
nues, & autre variation de l'air. Nauton-
nier qui vagues sur les ondes salees, tien
toy sur tes gardes, car tu trouueras de la be-
sogne taillee plus que tu ne voudras, mes-
mement depuis le commencement iusques
au lendemain, le Samedy, que le ciel se
doit monstret beau, serain, & lucide, avec
vne temperature bien gaillarde, & commo-
de pour les Arboisiens, qui n'auront en-
cor emprisonné les restans de la compa-
gnie du pere Denis : mais ie suis marry
pour vous en parler rondement, que ie
ne vous puis asseurer, si ce bon-heur du-
rera gueres, d'autant que ie vois le Fleu-
ue celeste par son flux & reflux ordina-
re se retirer & retourner, ce qui ne se fe-
ra pas sans trouble & apparence de nuées
noires, qui se resouldront puis apres en
humidité pluuiale, ou peu s'en faudra,
comme on pourra remarquer le quatries-
me le Dimanche, quand les bons Peres les
Cordeliers festoyeront le bon S. François.
Toutesfois puis que le Soleil & la Lune
tiennent le mesme lieu de l'horoscope, j'ay
opinion qu'environ le 5. ou 6. le Lundy, ou
le

OCTOBRE.

il a bout par deça : les Basanez toutesfois en seront estonnez, & en auront belle peur, voire craindrôt que ce tintamarre ne leur signifie quelque malheur aduenir. Les maladies seront icy de retour en plus grand nombre que iamais, lesquelles procederont la plus part d'air corrompu, de contagion & frequentation. Cependant plusieurs ne laisseront pas de se plaindre du mal de reins, de flux de sang par l'vrine, du calcul, de la colique & iliaque passion. Les douleurs de iointures avec gouttes podagriques tourmenteront maintes personnes extremement, & ne leur permettront de reposer en sorte que ce soit, combien que les nuits seront assez longues, ce qui sera cause qu'ils ne penseront que par quel moyen ils pourront estre secourus en leur plus grande necessité, confessant franchement, *Honorandum medicum esse, quia propter necessitatem eum creauit altissimus,* Comme le bon Ecclesiastique a laissé par escrit. Au demeurant ie diray en passant, avec permission, que depuis le mois d'Auriliusques à la fin de ceste reuolution, yne vieille matrone illustre, sera en grandissime hazard de sa vie par desastre ou de fortune de prison, ou bien par infinité de regrets, qui luy causera la mort, ce que d'ailleurs nous denote *directio horoscopi que ipsius peruenit ad terminum*

OCTOBRE.

minutū Veneris constituti in octava domo & ad corpus Sagitt. retrogradi in 12. Le bruit en sera entendu par tout, & sera plainte & non plainte. Dieu la sauvera s'il luy plaist.

Le 3. iour d'Octobre, à DORTAN en Sauoye, l'aube du iour sera à cinq heures iustement. Le Soleil se leuera à six heures, vn quart: & se couchera à cinq heures, trois quarts. La nuict close sera à 7. heures iustement. Le iour sera long 11. heures & demie: & la nuict 12. heures & demie.

Le premier quartier de la Lune sera le lundy, 8. iour de ce mois, à huict heures, vne minute du soir: qui sera frais, venteux, obscur & couuert. *Apparebit muliebris inconstansie aura.* Les brouillats se monstreront par fois du matin, & selon les forces du Soleil se leueront sur les 9. ou 10. heures deuant midy, comme on apperceura. (si ie ne me trompe) vers le 10. le Samedy: & aucune fois se redroient en pluyë menue, & degouteront en telle façon que nous en serons mouillez assez honnestement, mesmement sur le 11. ou 12. le Dimanche ou le Lundy, au moins les apparences cœlestes sont telles. Au pays de Flandre, d'Angleterre, & ailleurs souffleront des impetueux orages, qui tant s'en faut qu'ils dechasseront les pluyes & neiges sedites, qu'ils les continueront à mon aduis, le

OCTOBRE.

plus souuēt, de sorte que durāt ce quartier il ne faut pas attendre, qu'vne grande inconstance & varieté en l'air, *Nemo hic sibi constantem serenitatem spondeat*, combien que Phœbus trauuillera autant qu'il luy sera possible de rendre le ciel pur & net, & d'aduancer quelque chaleur & temperature de tēps tresplaisante : toutesfois en despit de sa barbe blōde les gelees blanches se feront veoir, & la fraîcheur tiēdra pied ferme en diuers lieux voirement Occidentaux & Septentrionaux. Les maladies precedentes s'augmenteront de iour à autre de plus en plus, & s'ajoindront des douleurs extremes de reins, du petit ventre, & vn peu plus bas : & qui pis est, suruiendra la folie prouenante de trop aimer, le mal François & Neapolitain avec leurs supposts. Plusieurs qui s'en trouueront atteints, par le conseil des doctes & experimentez Chirurgiens, passeront le destroit de Gilbatar, & nauigeront en Surie, & de la en Bauerie pour auoir allegement, mais qu'on se garde de passer tant auant qu'on n'y demeure. Icy le grand grand Foldor aura belle peur, estant saisi d'vne maladie tres dangereuse iusques à la mort, & en sera tellement tourmenté, que ses Physiciens propres se doubteront de luy, on dira en maints endroits qu'il aura verse ses coffres, d'autant qu'on

OCTOBRE.

qu'on aura remarqué qu'en la reuolution de ceste annee la direction de son horoscope paruiédra *ad terminū Veneris, quæ est significatrix mortis, & domina octauæ domus.* Au reste Mercure en la cinquiesme non gueres eslongné du Soleil, *inclinabit homines ad mendacia,* & sera cause que beaucoup de nouvelles arriueront à la Court des plus grands par infinis rapports & inuentions de paroles mensongieres, qui voleront par rout, & feront que plusieurs timides par vne subite frayeur s'enfuyront, & ne sçauent bonnemét ou, & pour quelle occasion. Dieu les vueille assurez & nous donner vne bonne paix.

Le douziesme iour de ce mois à Saint Claude, Moyran, & la Tour du May en Bourgongne, l'aube du iour sera à cinq heures vn quart. Le Soleil se leuera à six heures & demie: & se couchera à cinq heures & demie. La nuit sera close à six heures, trois quarts. Le iour sera long onze heures & la nuit treize heures.

La Lune sera pleine le Vendredy, seiziesme iour de ce mois à vne petite demie heure apres midy. *Hic lucis & caliginis erit pugna ambigua. Dies nonnunquam sereni, sed frigidissimi, ventisque variè atque imbribus intertexti.*

M e Lc

OCTOBRE.

Le ciel s'efforcera de se monstrier beau & serain, mais les nielles ou quelque obscurité de temps frais repugnera, & nous menacera de faire sortir Æolus, qui pour peu qu'il soufflera, ne se pourra contenir que les larmes ne luy distillent des yeux: au moins il sera bien triste & chagrin, enuiron le 20. ou 21. le Mardy, ou le Mercredy au plus tard: toutesfois le lendemain le Ieudy, Venus la belle mignonne se leuant avec sa reluifante couronne Septentrionale nous fera tant courtoise, qu'elle se desuoilera, & nous iettera de fort doux & amiables regards, ce qui donnera vn merueilleux contentement à plusieurs qui seront bien esbahis de son peu de sejour, & que tant subitement, le vingt troisieme voirement, le Vendredy, elle reprendra son voile, & nous ramenera de la varieté & changement (*quia mutabile genus est femina*) par pluye menue, & obscurité fascheuse. Sommairelement on congnoistra tout au long de ceste panseline vne grande dispute entre le beau & le laid, entre le clair & le trouble, entre le chaud & le froid, pour scauoir à qui demeurera la maistrise & seigneurie de l'air, mais ayant bien aduise d'vn costé & d'autre, ie me doute fort que le laid, le trouble & le froid n'ayent le plus souuent le dessus, ce qui sera cause que

OCTOBRE.

chacun se retirera en sa chacuniere, pour se tenir au couuert tout chaudement. Les maladies diminueront aucunement, & se trouverót les malades beaucoup mieux que par cydeuant. Il est vray que suruiendront de nouveau des defluxions sur les espaulles, bras & mains, sans danger toutesfois de ceux qui en seront affligez. Cependant arriueront des nouvelles du pays de l'Archer, qu'vn grand, ie dis bien grand couronné aura tel tourment, qu'il sera presque contrainct d'abandonner son logis, & se sauuer par la barque de Charon, si secours ne luy vient d'enhaut, comme ie supplie le bon Dieu, qu'il le luy vueille enuoyer, nonobstant que *Directio horoscopi natiuitatis ipsius peruenit ad terminum ☊. que est domina anni reuolutionis & mortis, in detrimento conuicta ♀. ☿. transiit per ipsum gradum termini, qui le menace grandement. Si le grand Cherin ne se tient sur ses gardes, il luy en pourra bien aduenir autant, car il y a long temps que la fille d'Erebus a entrepris de luy faire vn mauuais tour. Au demeurant les affaires de la saincte Eglise Catholique Romaine seront icy en tresbon estat, & S. S. se portera merueilleusement bien. Dieu luy vueille accroistre la vie en la maniere qu'il l'octroya au Roy Ezechias. *Beatissimo S. I. X. T. O. Papa, & do-**

OCTOBRE.

*mino nostro, sanctæ & Catholicae Ecclesiae Pontifici
maximo multis anni & eterna memoria. Amen.*

Le 21. iour de ce mois, à B A V M E, & C H A S T E L - C H A R L O N, en Bourgogne; L'aube du iour sera à cinq heures & demie. Le Soleil se leuera à six heures, trois quarts: & se couchera à cinq heures vn quart. La nuit sera close à six heures & demie. Le iour sera long dix heures & demie: & la nuit treize heures & demie.

Le dernier quartier de la Lune sera le iour de S. Renobert, le Samedy, vingtquatriesme de ce mois, à quatre heures vingt sept minutes apres midy. Puisque l'ascendant se trouue en mansion temperee, chaude & gaillarde, il me semble que l'air nous doit fauoriser d'vn temps amiable, plaisant, chaud & moderé selon la saison Automnale: mais si ce sera gueres de duree, ie ne le vous puis assureur, d'autant que ie vois Saturne marcher tout à reculon en l'Orient, qui ne faudra pas de faire vne perturbation en l'air par vents, pluyes, brouillats, & autres changemens diuers, qui durera iusques au vingt six ou vingtseptiesme le Lundy ou le Mardy, lors par le moyen du fier Boreas nous sentirons vne fraicheur à bon escient, avec des petites gelees matutinales, qui pourrôt bien estre

OCTOBRE.

estre cause d'une serenité entremeslee, laquelle ne tiendra pas gueres de pied, car sur le 30. le Vendredy, approchant le defaut de ceste Lune, *cælum erit iterum obscurum & pluvium cum ventis validis*, le ciel apres s'estre montré noir & obscur, ouurira ses portes, & nous transmettra des pluyes à contentement, & peut estre d'avantage qu'il ne sera pas besoin: ce qui sera cause qu'une infinité de personnes se plaindront du mal de teste, de catarrhes, rheumes & defluxions qui tomberont sur le col, la poitrine, les poulmons, & l'estomach, mais de ceux cy peu en mourrôt, s'ils se cõrregardent, & s'ils se tiennent bien chaudement. Ce pendant le grand & illustre Velamen par colere, fascherie, & travail d'esprit se rangera au list, & sera dangereusement malade, mais j'ay opinion que par la diligence des Galenistes il sera remis en sa pristine santé. Mars en la neufuesme fera tousiours quelque remuement de mesnage, melsmement vers les subiets du Sagittaire, & des Gemeaux, ou il bravera estrangement les grands & les petits par continuelles factions. Tandis Jupiter par dessoubs main sera tant rusé, que par le moyen dudit Mars il mettra Satur-

OCTOBRE.

ne pour ce coup en la fange, & bien profondement dans la boue: & puis le lairra la: l'en oste qui voudra. En ces entrefaictes le Sanguinaire en pleine liberté, sous ombre de vouloir frapper la, ira frapper ailleurs: & à la fin tout tombera sur la reste du bon Jupiter, qui ne secourra que de peu: au demeurant tous deux n'y auront gueres de profit. *Caueat interim sibi quidam ecclesiasticus dominus ex illustri stemmate satius, ne ob perfidiam seruatorum aut insidiosos conatus vicinorum suorum in captiuitatem vel aliquod dedecus incidat.* Je ne le nomme pas plus auant, & pour cause: Dieu le vueille preseruer.

La Lune sera nouvelle pour la seconde fois par embolisme, la veille de la Toussaints, le Samedy, dernier iour de ce mois, à trois heures, deux minutes apres midy. Elle nous transmettra de grandes pluies, qui feront deborder des fleuves en plusieurs endroits au grand dommage & interest de ceux qui auront des semées en terres pendantes: pource que le rauage des eaux emmenera les semences mal enterrees, & comblera les rayes, qui separent les seillons des pays ou on seme esleué. *Et pluuia ingenti fata lata, bonique labores Diruet.* Dont sera cause
se la

OCTOBRE.

de la Queue du dragon, qui se trouue en l'horoscope mal ceilladee du fils de la Be-
one. Mais i'ay opinion que sur le 2. ou. 3. de
Nouembre le Lundy ou le Mardy, quād on
prierā pour les Trespassez, selon la sainte &
resbien ordōnee institution de l'Eglise Ca-
holique, le beau temps gracieux & chaude-
et se mettra au fus, & aurons vne telle dou-
ceur qu'il semblera à aucuns que l'Esté soit
de retour: mais ie suis marry, que ceste cour-
toisie sera de si peu de duree, veu que desia
sur le 5. le Ieudy, l'air sera derechef em-
brouillé par obscurité froide, qui menacera
de nous donner des vents, nielles, & brouil-
lats, voire des pluyes és parties basses, & de
la neige menue és lieux montueux, hauts &
Septentrionaux, avec grande varieté, incon-
stance & noirceur de temps mal-plaisant &
mal allegre. Il fera mauuais voyager par les
champs, a cause des orages, & humiditez
pluuiiales, qui mouilleront tant & plus. Les
rheumes, les catarrhes & les defluxions au-
ront toujours la vogue, avec douleurs ex-
tremes de cœur, cardiaque passion & synco-
pe, mais ces maladies seront promptement
gueries, pource que Iupiter tiēt la 8. maison
des infirmittez, ou il prendra toute peine de
les garantir selon sa bonté accoustumee.

M 5 Cepen-

OCTOBRE.

Cependant on ne vit de long temps mourir plus de pauvres gens, & de basse condition, qui apres longues fatigues, trauaux, & peines, à la fin experimenteront ce que dict Sophocle, *Vltimus morborum Medicus mors est.* Cependant pour la presence de Venus & Mercure en la septiesme maison, se mettront force mariages en auant, & s'en parlera d'un des plus grands de ce monde, lequel a mon aduis, sortira en plein effect, par toute ceste reuolution. Ceste mesme constellation fera que les vefues priuees de leurs consors seront en tresbon estat, menans trespudique & louable vie, & seront sages & prudentes en leurs affaires & negociés, mais sur tout contentes en leurs principaux desirs. Dieu le vueille.

Le premier iour du mois de Nouembre ensuiuant à Poligny, Arbois, & Salins en Bourgongne, l'aube du iour sera à cinq heures, trois quarts. Le Soleil se leuera à sept heures: & se couchera à cinq heures iustement. La nuit sera close à six heures,

NOVEMBRE.

Le quart. Le iour sera long dix heures : & la nuit quatorze heures.

NOVEMBRE.

Le premier quartier de la Lune sera le Samedi septiesme iour de ce mois, à six heures, cinquante quatre minutes du matin. Nonobstant que le Soleil est en l'horoscope, & selon sa bonté naturelle prendra volontiers toute peine d'esclaircir le ciel, & de chasser les nuées, pour le nous faire voir clair, serain & beau, difficilement toutefois aura il ceste autorité, combien qu'il est le Prince des Planettes, pource que Mercure venant de faire ses nopces avec la dame Cypris, se trouue proche dudit horoscope en mansion humide, qui sera cause qu'il y aura du desordre en la campagne aériene, & qu'un temps froidureux, pluvieux, couvert, nueux, & venteux se mettra en avant, au moins obscur, caligineux, & malplaisant jusques au 10. ou 11. la veille ou le iour de Saint Martin, le Mardy ou le Mercredy, que nous ferons favoriser (si ma calculacion est iuste) d'une douceur & serenité bien agreable, qui pourra continuer jusques

N O V E M B R E.

au lendemain, le douziesme, que sur le mi-
 dy, ou vn peu apres il y a apparence que le
 tout se changera, & qu'il suruiendra vne frai-
 cheur assez picquante, & peut estre de la
 glace, gelee blāche, gresil, ou geurin, lequel
 sera suiuy d'vne pluye menue entremeslee
 de quelques neiges, & d'vne bize noire, mes-
 mement le quatorziesme le Samedi, iour
 de la Dedicace de S. Desiré patron & prote-
 cteur de la renomēee ville de Lons. le Saunier
 en Bourgongne, non sans vne grande incon-
 stance, & varieté de l'air, qui demeurera le
 pl^o souuēt lumineux, obnubilé & chargé. Icy
 les Roys, Princes & souuerains Seigneurs
 seront atteints de grandiffimes douleurs de
 teste, du col, & des yeux, avec des ophthal-
 mies estranges, Dieu sçait si les Hippocra-
 tistes feront bien les empeschez pour leur
 donner prompt allegement: mais le meil-
 leur sera que le tout succedera à leur grand
 honneur & profit. Aux annees preceden-
 tes nous auons presagé aux subiects du Sa-
 gittaire, des Gemeaux & du Cancre, l'adue-
 nement de la Hydra d'Hercules, qui de-
 uoit par dela pulluler à toutes ses testes,
 dont les longues aureilles murmureoient
 à la fin, & à la male-heure dans ceste re-
 uolution ou la suiuaute ils l'apperceuront
 euidentment. *Sed Principum & Regum Chri-
 stiano-*

NOVEMBRE.

ffianorum contemptu, negligentia & cunctatione nescio quid simile de Heliopoli, bellum & eius victuram pronuncio. Je ne veux plus avant calculer, mais ie dis à l'ennemy: *Egregiam vero laudem & spolia ampla tulisti.* Et en cest endroit Iupiter en fera son deuoir, *sed non habebit vocem in capitulo*, l'aduifement fera tardif, & n'y pourra on donner ordre, tant se-crettes seront les machinations. Dieu sur tout.

Le 12. iour de ce mois, à D O I E, Parle-ment souuerain au Comté de Bourgogne: l'aube du iour sera à six heures iustement. Le Soleil se leuera à 7. heures vn quart: & se couchera à quatre heures, trois quarts. La nuit close sera à six heures iustement. Le iour sera long neuf heures & demie: & la nuit quatorze heures & demie.

La Lune sera pleine le Dimanche, quin-zieme iour de ce mois, à neuf heures, vn quart deuant midy: Combien que Phœbus selon l'ascendant, doit monstret son beau visage tout au commencement, ce ne sera pas toutesfois que par semblant, & peut estre du tout rien, si parauanture le lende- main il ne prend courage de mieux faire,
&

NOVEMBRE.

& nous amener quelque douceur & temperature loüable selon la saison : mais pour vous parler rondement, i'ay grand' peur que bien tost apres ne se retire, & face place aux tristes Hyades, qui ne faudront pas de troubler le tout, & nous causer diuers changements & perturbations au ciel, par orages, humidité pluuiale, neige menue, & autre constitution bigarree, comme les plus curieux obseruateurs de mes prediCTIONS le remarqueront depuis le 17. ou le 18. le Mardy, ou le Mercredy, iusques au 21. ou 22. le Samedi, ou le Dimanche, quand les Musiciens festoyeront avec toute deuotion la Sainte Cecile, lors nous serons fauorisez (si la retraicte de la Poussiniere ne nous y donne de l'empeschement) d'vn temps assez gailiard serain, clair & net, voiremēt tel qu'il semblera à plusieurs vn vray Esté de S. Martin, non obstant qu'il arriuera vn peu plus tard que de coustume, ou ie ne trouue pas à redire, mais le mal sera que son sejour sera si petit, que certainement on n'en tiendra pas grand compte, pource que trop tost on verra la pluye avec des vapeurs bruineux & froidureux estre de retour, de sorte que les cheualiers de la compagnie de la pourriture auront opinion desia que l'Hyuer sera à la porte, &

NOVEMBRE.

e, & demandera d'entrer : toutesfois s'ils
 prennent la peine de le bien aduifer deuant
 & derriere, d'une part & d'autre, ie m'af-
 feure qu'ils confesseront que ce n'est pas
 luy, mais quelqu'un de ses postillons ou
 avant-coureurs: car il sera beaucoup plus ri-
 goureux, & brauera bien autrement. Tan-
 dis les catarrhes s'aduanceront, ensemble
 les defluxions dangereuses qui tomberont
 du cerueau sur le col & le gosier en façon de
 quinance, mais ceux qui en seront affli-
 gez par des remedes legers seront prom-
 ptement secourus. Au demeurant ie ne veux
 pas oublier icy qu'une grande Nymphé re-
 manente, depuis le mois de Mars n'aura pas
 tousiours dormy à son aise pour des trou-
 bles qu'elle aura eu d'un costé & d'autre,
 que ie suis certain, l'auront bien tant fas-
 chee, qu'elle en aura esté malade extreme-
 ment. Si toutesfois elle a esté preseruee, &
 se soit tenue sur ses gardes, maintenant ie
 luy annonce vn tresmauuais rencontre à sa
 vie & à sa santé : d'autant que, *Profectio ho-*
scopi natiuitatis ipsius peruenit ad terminum Vene-
ris, quæ in revolutione domna moris & diuisio-
*nis est co: stituta in octaua domo, & afflicta **
in signo longarum ascensionum. Outre ce que
 Saturne passe per gradum termini ipsius Veneris,
 qui

NOVEMBRE.

qui la trauuillera estrangement, & la rendra grandement pensue, & melancholique pour ce qu'elle verra vn terrible changement preparé, qui apportera sa ruine, & de tous biens. Dieu sur tout.

Le dernier quartier de la Lune sera le Lundy treiziesme iour de ce mois, à sept heures cinquante trois minutes du matin. Pour l'entree du Soleil & de Mercure au Sagittaire, l'air nous fauorisera de quelque temps amiable, gracieux, doux & moderé selon la saison automnale, mais si ie ne me trompe, ce sera de peu de duree, car le froid voudra maistriser, & tenir la chaleur bridee comme elle fera, & ne la laschera gueres ainsi que l'apparence en est grande depuis le 24. la veille de la Sainte Catherine, iusques au 27. ou 28. le Vendredy, ou le Samedi, & peut estre plustost, qu'vn petit valet d'Æolus se mettra en campagne, & soufflera fort modestement & paisiblement, mais pour peu qu'il trauuillera, les larmes luy viendront aux yeux, & gueres ne s'en faudra qu'il n'en pleure assez honnestement toutesfois il s'en gardera autant qu'il luy sera possible, tandis il demeurera souuent triste, chagrin & despiré, & couurira le ciel coup à coup, & fera maigre mine, toutesfois malgré ce petit chatton, les soufflements & embro

NOVEMBRE.

embrouillements, nous aurōs par fois vne eschapade plaisāte, courtoise & gaillarde, combien qu'il y aura des nielles, distillātes pluyes ou neiges menues, avec des verglas & bruines blanches entremeslees. Les maladies seront grandes, longuēs & facheuses, avec vne continuatiō de catharres sur le col, les espaules, les yeux, bras & mains, dont principalement seront vexez les pauvres vieillards, qui pour ceste occasion auront la face & la teste bādee. Les femmes enceintes, si elles sont sages, se garderont tresbien: car ceste Lune est tresdāgereuse pour eltes, d'autāt que pour peu de cas elles abortirōt, & perdrōt leurs fruiĉts. Dās ce mois l'on publiera à trois cris ce qu'aucuns allaigriera & plusieurs rēdra tristes & melācholiques, & à la fin ne fera pas ce que l'on attendoit, qui voudra, qui ne voudra: bref il y aura vne grāde querelle de consequence: au reste s'il estoit permis de passer outre, & de dire librement ce qu'en est, & fera des affaires & des entrepriāses des grands Potētats, qui l'entretènement de ce mōde caduc ont en charge, & trauaillent de garder la monarchie ferme & stable, il y a assez de la matiere & de la besongne taillee, mais retirāt ma plume, & parlāt peu

NOVEMBRE.

& couuertement, ie me rangeray avec le
Philosophe, qui nous enseigne que, *de prin-*
cipibus & fide parçè & bene differendum est.

Le 26.iour de ce mois, en la Cité Impe-
riale de Besançon, dicté des anciens Cité
doree, pour ses grandeurs & richesses,
L'aube du iour sera à six heures vn quart:
Le Soleil se leuera à sept heures & demie.
& se couchera à cinq heures, trois quarts:
Le iour sera long neuf heures, & la nuit
quinze heures.

La nouvelle Lune sera le premier Dimã-
che de l'Aduent de nostre Seigneur, le 29.
de ce mois, à vne petite demie heure apres
la minuit. Venus ayât n'aguères prins lo-
gis en la maison de Iupiter, où pend pour
enseigne la fiesche du Cétaure, & la Teste
du

NOVEMBRE.

du Dragon se trouuant en l'horoscope nous promettent vn temps beau, serain, Aquilonien, froid avec verglas & gelee forte és lieux hauts & montueux, aux autres l'air sera plus doux, remis, couuert, & trouble par bruines ou nielles, qui menaceront de la pluye entremeslee de neige, mesmement sur le dernier iour de ce mois, ou le premier de l'ensuyuât, le lūdy, ou le mardy quād les Bourguignons celebrerōt la feste S. André leur patrō: mais plus assuremēt le Mercredy, *quum brumæ legitimū tempus erit,* & y aura (si ie ne me trompe) plus grād desordre en la moyēne regiō de l'air que parauant, pour ce que Mercure le desbauché sortira lors en cāpaigne avec l'Aigle celeste (par lequel fut rauy l'eschanfon & le macquereau Ganimede) pour faire vne chasse toute nouuelle, dont tous les cheualiers errans se fascherōt, & menaceront de le biē mouiller pour le faire desloger: & si parauēture il fait l'opiniastre, ils aduancerōt, & luy mettront des nuees noires au deuant, pour empescher son passe-temps. Tandis par le moyē de ce folastre, nous aurōs nostre part du temps variable & mal-plaisant par extreme froidure, gelee, degelee, regelee, & autre changemēt diuers. Cepēdant Boreas

DECEMBRE.

faire veoir son beau visage , ce qu'il fera pour resiouyr les honorables matrones du Comté de Bourgogne, qui lors ont accoustumé d'aller processionnellemēt en toute deuotion offrir vn beau cierge à la sainte mere Vierge, pour obtenir le don de cōception & faire des beaux enfans: mais le pis sera, que nous serons trop peu fauorisez de ceste temperature douce & agreable, car desia sur le dixième ou onzième, le ieudy ou le Vēdrēdy, à cause du leuer & coucher de plusieurs estoilles fixes. *primæ & secundæ magnitudinis*, les nielles froides s'aduanceront qui se leueront toutesfois, tantost és montagnes, tātost és valles, en cas que le Soleil aye tāt de force encores pour le dissiper: tandis les gelees se mettront en campagne avec geuriement & frimats, qui feront belle peur aux delicats, tendrelets, & froidureux, qui se retireront, viste, viste, viste, pour se ranger autour du grand & illustre Seigneur P Y R, lequel ils n'abandonneront pas, que preallablement, ils ne luy ayent fait vn million de caresses, se soient tournez, virez, & reuirez à la Françøise, & luy ayent fait des courtes & basses reuerēces fort courtoisement. Cependant Æolus ne s'oubliera pas de souffler assez froidement

DECEMBRE.

ment enuiron le iour de S. Luce, ou le lendemain, le 13. ou le 14. mais ce ne sera pas avec ioues enflées, ce nonobstant pour la moindre peine qu'il prédra les larmes luy viendrōt aux yeux, & peu s'en faudra qu'il n'en pleure, au moins selon mon aduis, il sera bien sombre, triste & chagrin. Mais proche de la 6. maison, ramenera force maladies, afin de mettre les *Æsculapiens* en œuure, qui se plaindront d'auoir trop de repos. Dieu sçait s'ils courront la poste vers messieurs les Capitaines, & conducteurs de guerre, qui se lamenteront, & crieront alarme à gorge desployee, quand les defluctions leurs distilleront sur les ioinctures, & y prendront place, principalement aux genoux & aux pieds. Dieu vueille auoir pitié d'eux.

La Lune sera pleine le Mardy, 15. iour de ce mois, à vne heure, 48. min. du matin. Le ciel trauaillera grandement de nous faire vne monstre belle & gaillarde, mais quelque noirceur de téps. s'y opposera, & nous menacera d'vn leger orage, lequel ne semble pas vouloir cesser que le lendemain, le 16. (quand les bons Catholiques, selon

DECEMBRE.

l'ancienne & grandement louable coustume de la sacree Eglise Romaine, ieunerōt le Mercredy des Quatre temps, il ne nous ayent fait auoir de la pluye és parties basses, & de la neige és lieux haults. & Septentrionaux avec autrse embrouillemens & malignité de l'air muable & inconstant, ce qui durera iusques au dixneuuieme le Samedy, que le Soleil prenant alliāce avec la dame Cypris, tirera le rideau, & desuoulerale Ciel, & fera tant que nous le verrons beau, gaillard & courtois, voire que nous aurons vne telle douceur & clemēce de l'air, que plusieurs penseront estre au commencement du Printemps, & que l'hyuer soit bien loing, mais le mal sera que sur le vingtviuesme, le iour S. Thomas suruiendra vne froidure tresapre, & fine tout outre, accōpaignee de gelees, neiges tresfroides, espesses & obscures, de forte que, *Feris nulla relictā memoria sequetur cœlum frigidum glaciale & caliginosum.* Bien-heureux seront ceux qui de bōne heure auront fait ample prouision de gros bois, fagots & charbons pour se tenir chaudement, pource qu'ils s'encheriront beaucoup, comme aussi des grāds fromages de clou à la grād forme, que lon nomme testes de moines,

au


DECEMBRE.

au grand interest des Sebusiens & Sequanois, qui ayment tant les rosties sur le desert pour entrer en vin : car sans cela, ou sans quelque langue bouine enfumee, & derne de iambon, ne peuuent ils boire les bonnes gens, sinon de iour & de nuit, & à toutes heures. Icy regneront vne infinité de rheumes & catharres pour la variété du tēps qu'il fera: & les pauures goutteux ne pourront abandonner les croffes. *Morbi hyberno tempore legitimi apparebunt, quibus præter curam pelliculo, loco optimi remedij erit plurimus ignis.* Depuis le mois de juillet iusques à maintenant vn grand Philocomee aura bien mal à la teste, & sera contrainct de se réger au lict avec danger euident de sa psonne, ce que ne luy aduiēdra pas du tout par maladie, mais par regret & fascherie d'entendre des nouvelles qu'on luy apportera d'vne defaiçte de quelques siēnes compagnies, qui par faute de cœur, ou par mauuaise conduite aurōt esté mis en route & se seront desbandez, non sans perte des soldatz de grande importance. Au demeurant sur la fin de ceste reuolution, & par toute la suiuate on travaillera pour faire tresbucher vn Colosse, & qui esbranlera, & fera croller toutes les

DECEMBRE.

terres a l'entour. Dieu sur tout qui nous
preseruera.

333



Le 22.iour de ce mois, à R A Y, Barōnie
appartenante à illustre hault & pnissant
Seigneur Mōsieur C L E R I A D V S
D E R A Y: Baron & seigneur dudit lieu.
L'aube

DECEMBRE.

L'aube du iour sera à six heures & demie.
Le Soleil se leuera à 7. heures, trois quarts,
& se couchera à quatre heures vn quart.
La nuit sera close à 5. heures & demie. Le
iour sera long 8. heures & demie: & la nuit
15 heures, & demie.

Le dernier quartier de la Lune sera le
lendemain de la feste de l'Apostre S. Tho-
mas, le Mardy 22. iour de ce mois à 8. heu-
res, vne minute du soir: Venus estant allée
au deuant du Soleil, pour luy faire compa-
gnie à son entree qu'il faict au Chieure-
corne, où il se retire ordinairement, afin de
donner vn cōmencement à l'Hyuer, le ca-
ressera, & essayera par tous moyés de le ref-
iouyr avec vne face riäte, fraische, lucide &
plaisante, mais, comme ie puis cognoistre
il n'en prédra point de plaisir, ains avec vne
mine froide à merueilles tout tremblant &
grollant la repouffera par vn mauuais re-
gard, & se deffera d'elle, se cachera & se re-
tirera pour le plus tard le lendemain, le 23.
ou biē le 24. la veille du bon & S. iour de
NOEL, & laissera le ciel couuert, avec en-
uie qu'il aura de nous dōner de la neige, ou
de la pluye par vn vét olī degelāt au moins
il ne

DECEMBRE.

il ne tiendra pas à luy que nous n'ayons vne constitution de l'air mal plaisante iusques au Dimáche, & au Lundy, iour de S. Iean Euágeliste, & des Innocés, qu'il doit monstrier son beau viaire à bon escient, & nous œillader fort doucement, courtoisement & amiablement, ce que dōnera courage aux compagnons à marier de rechercher les pauvres pucelles pour leur bailler le fouet selon les anciennes Ordonnâces, cōbien qu'elles n'en peuuēt mais. Mars en la maison des maladies diametralemēt opposé à Iupiter, qui se trouue en l'ascēdant de ceste dichotomie, *reddet plurimos egros ex plenitudine sanguinis. Adderūt febres vaga, pulsus lāgidi, deliquiū animi, nullus appetitus, corporis grauitas. & soporis impet⁹ inexpugnabilis, & totius corporis extenuatio. De morborū exitu dira minatur maleficus ille.* Helas les pauvres chanoines & autres gens d'Eglise ferōt dāgereusemēt tourmētez des fieures continues, ayant leur origine de trop de sang, avec foibleesses & degoutemens de toutes viādes. Les pleresies avec difficulté de cracher aurōt leur tour, mais la saignée prōptemēt faicte les soulagera incōtinēt. Enuiron le mois de Nouembre bruit sera grand que le souuerain Sabatien sera tellement

DECEMBRE.

lement atteint à la santé, que ses Physi-
ciés ordinaires & extraordinaires se dou-
terōt entieremēt de luy, & non sans cause,
pource que, *directio horoscopi natiuitatis ip-
sius præuenit ad terminum Iouis retrogradi &
afflicti. Quadra Martis sinistro, & Quadra
Saturni dextro existentis in sexta domo cū Lu-
na male irradiata.* Dieu le v ueille garantir
de tout mal. Au reste eu reuoluant profon-
dement, & en calculant plusieurs reuolu-
tions du monde, ie suis contrainct de ma-
nifester icy qu'il ne faut pas attēdre encor
aucun siecle doré, veu la grāde, corruption
qui est en tout le corps, & en tous les estats
de la Chrestienté: mais que nous nous a-
prestons hardiment à veoir beaucoup de
miseres, maintes villes destruictes, maint
pays ruiné, beaucoup de sang respādu, des
meurtres des vefues, & des orphelins, des
pestes, des famines, & generalement tous
ce que nous a esté predict deuoir auenir
auant la derniere arriuee du grand iuge,
qui mettra ordre aux desordres qui regne-
rōt par tout, descouurira les secrettes me-
nees des cœurs, & osterā le masque aux
hipocrites. & rendra à vn chacun selon ses
œuvres. Ainsi soit-il.

La

DECEMBRE.

LA nouvelle Lune, & la dernière de la présente année, 1587. (*quia iam nox humida cælo precipitat, suadent que cadētia sydera somnos*) sera le Mardy vingtneufiesme iour de ce mois, à vprze heures & vne minute deuant midy. Pour la presence de la queue du Dragon Lunaire en l'horoscope, nous aurōs des grandissimes froidures, neiges, pluyes, ou extremes menaces d'icelles avec des nielles tres-froides, espaiſſes & obscures, voire des gelees, degelees, regelees, & semblables constitutions de l'air ennuyeuſes, non sans vne bize noire, qui soufflera tellemēt autour les oreilles des montagnars autres qui seront Septentrionaux & Occidentaux, en prenant congé de ceste saison, qu'elle les fera retirer tresvistement & dirōt haut & clair, *Horrendum esse frigus, niuosum, glaciosum, gradinosum, & nebulosum.* Ce nonobstant seront des hardis, gaillards, dispos & deliberez, qui ne laisseront pas d'aller à la chasse des griues & merles, voire de tout autre gibier; où certainement ils ne faudront pas de prendre, quand ce ne seroit que l'oyseau à rouge bec. Helas que i'ay pitié de ceux qui seront habillez à la legere, & mal-chauffez, d'autant que ie les vois en danger d'auoir

DECEMBRE.

les mules aux talons. Mon Dieu que les Ambassadeurs des souuerains Princes serōt esbahis, ceux mesmement qui courrōt la poste par le Mōt-Senis, quād ils apperçeuront par vne estrange metamorphose deuenir leurs barbes blanches, qui parauant estoient blondes, rouffes, noires, & chastaignees, & oirront d'auantage gresiller des petites perles cōgelees, & transparātes tout à l'entour: mais ie suis certain que si tost qu'ils descendront à la Noualaisse, par le rencontre d'vn grand Seigneur vestu de rouge, qui leur fera vne infinité de careffes, leurs barbes (chose esmerueillable) retourneront en leur premiere couleur. Iupiter en la sixiesme maison, cōbien qu'il soit retrograde, sera cause que les maladies diminueront beaucoup, & que celles qui resteront, ne molesterōt pas autrement les patients: si est-ce qu'il y aura des gēts de robe lōgue Ecclesiastiques, nōmément qui aurōt le poil grisonnāt, qui se sentirōt des douleurs de la poictrine & de l'estomach: mais pour le soulagement & cure d'icelles on ne desbauchera gueres les Medecins, ny les apoticaire, de sorte que ils aurōt bō loisir de se festoyer l'vn l'autre & pouffeter leurs liures & leurs drogues.

Icy

DECEMBRE.

Icy on tiendra propos d'éprisonner Mars, mais Saturne s'y opposera, non-obstant qu'on alleguera plusieurs vaillants estre morts à ceste poursuite. Cependant non pour cela il ne s'accordera iamais, d'autāt que luy touchera de trop pres, & ne se fiera plus à celle qui l'aura tant de fois trahi, & fait mener à la boucherie, à l'escoria-de. Je mettrois volontiers encores plusieurs autres euenemens qui doiuent aduenir dans la reuolution de ceste annee, mais il me vient vne frayeur, qui me faict retirer la plume, & mettre fin à la presente caleulation: outre ce que ie crains que ie ne sois repris d'auoir passé les limites & bornes de l'astrologie permise. Pourquoy coupant le fil de mon discours, ie supplie- ray le grand Dieu Eternel, qu'il luy plaise de chāger les mauuaises influēces du ciel, comme il en est maistre & Createur, & nous regardant de son œil pitoyable, retirer les fleaux ordinaires, qui sont la guerre, la peste & la famine, dont il nous a chastié iusques à maintenāt, & no⁹ favoriser d'vne paix tāt desirée, d'vne deliurance des maladies estrāges & cōtagieuses, & d'vne affluence de biēs de la terre, afin que nous luy puissions rendre grace immortelle, & chanter

DECEMBRE.

chanter sa louange & gloire à iamais. Amē.
Amen. Amen.

Reuolutio huius anni ampliorem
desiderat declarationem: sed quia
odium & liuor vbique regnant,
tutius erit multa nescire quæ
sine periculo scire non
possumus.

DIXI.

FACIEBAT HIMBERTVS
BILLIUS CAROLOCENSIS,
Astrophilus apud Sanctamoræos
in annum 1587.

Alterius non sit qui suus esse potest.
Il a bien peur qu'on trouue qu'il est le plagiariste
de Nostradamus.

O

Handwritten text, mostly illegible due to fading and bleed-through. Some words like "The" and "of" are faintly visible.

Handwritten text, possibly a signature or a specific heading, located in the lower middle section of the page.

IN PRÆDICTVM

YMLVM AVTHORIS

Tetraſtichon.

*Servitium fugio, mortalis vincula vitæ,
Ex quibus excuſſus me mihi reſtituo.
Non mea libertas effuſa licentia vitæ eſt.
Liber ago, parens legibus atque Deo:*

IN IDEM SYMBOLVM,

D. ISAAC: MORELII NERVII

Diſtichon.

*Serviat infœlix quiſquis ſervire coactus,
Vivat at is liber, cui licet eſſe ſuum.*

O z

Handwritten text, likely bleed-through from the reverse side of the page. The text is mostly illegible due to fading and bleed-through.

Handwritten text, likely bleed-through from the reverse side of the page. The text is mostly illegible due to fading and bleed-through.

Handwritten text, likely bleed-through from the reverse side of the page. The text is mostly illegible due to fading and bleed-through.

Handwritten text, likely bleed-through from the reverse side of the page. The text is mostly illegible due to fading and bleed-through.



S E N S V V E N T L E S
*Foires franches du Royaume
de France, & pays circon-
voisins pour l'an*
1 5 8 7.

Et premierement celles de Lyon.

LA Foyre des Roys, commē-
cera le 12 . ioui de Ianuier,
& finira le dernier dudiēt.

La Foyre de Pasques commencera
le 6 . d'Auril , & finira le 22. du-
diēt.

O 3 La

La Foyre d'Aoust commencera le
4. & finira le 25. dudit mois

La Foire de Toussaincts commen-
cera le 3. iour de Nouembre, & finira
le 20. iour dudit mois.

Les Foires de Paris.

La Foire saint Germain des prez
commencera le lendemain de la chan-
deleur.

Le pardon saint Denis est touf-
iours le iour saint Mathias, qui est
le vingt quatriesme iour de Feurier.

La foire du landit de Paris com-
mencera le prochain Mercredy d'a-
pres la S. Barnabé, & finira la veille
S. Iean Baptiste.

La Foire saint Denis en France
commencera le dixiesme iour d'O-
ctobre.

Les

Les Foires de Troyes.

A Troyes la premiere foire commencera le 8. iour de May.

Et la seconde à la Toussaincts: & durent chacune 25. iours.

La premiere foire de Sens commence le 1. iour du mois de Mars.

La seconde le 8. iour d'Octobre.

Plusieurs autres Foires.

La Foire de Compiengne commencera le Ieudy de la my karesme & dure 15. iours.

La Foire de Laon commencera le 1. Lundy d'apres le iour de l'an.

La Foire de la Guibray commencera le Mecredy d'apres la my Aoust.

Le cours de Gien commencera le 2. Ieudy de karesme.

La Foire de Sier commencera le

premier Ieudy d'apres nostre Dame
de Septembre.

La Foyre de Reims en Champa-
gne commencera le Ieudy d'apres
Pasques:

La seconde le iour saint Remy.

Les Foyres de Chaalons.

La 1. commence le Vendredy de-
uant les Brandons.

La 2. commence le Vendredy de-
uant la Pentecoste.

La 3. le Vendredy d'apres la S. De-
nis.

La 4. le Védredy d'apres la S. Mar-
tin. Et durent chacune huit iours.

Les Foyres de Vitry le François.

La 1. Foyre de Vitry le François
commence à la S. Mathias.

La

La 2. à la Magdaline.
Le 3. au 1. iour de Septembre.
La 4. à la saint Martin.
La cinquiesme au premier iour de Decembre.

Les Foire de sainte Menchon.

La 1. Foyre de sainte Menchon commence à la Chaire saint Pierre.
La 2. commence à la S. Barthelemy.
La 3. à la saint Martin d'Hyuer.

Les Foyres de Lorraine.

Le 7. de Iāuier à S. Nicolas en Lorraine.
Le 17. iour d'Auril à Neuville en Lorraine.
Le 24. iour d'Aoust à Nomeny en Lorraine.
Le 6. de Septéb. à Tou en Lorraine.

Le

Le 4. de Septembre à Mirecourt en
Lorraine.

Le 6. de Decembre à Sain& Nico-
las en Lorraine.

Foires de Poitiers.

La 1. est le 13. iour de Ianuier.

Et la scconde le deuxiesme lundy
de karesme.

Foires de Nyort.

La sainte Agathe le 7. Feurier.

La petite saint Iean le 6. iour de
May.

La S. André le 1. iour de Decēbre.

Les Foyres de Fontenay en Poictou,

La grand S. Iean le 24. Iuin.

La S. Pierre le 2. d' Aoust.

La S. Venant le 12. Octobre.

AVvriez en Poictou, le 1. iour de Iuin

Les

*Les Foires du pays & Duché de
Bretaigne.*

La Foire du Liege à Dināt est le 2.
Ieudy de Karefme, & dure trois iours

La Foire du krehs, est le prochain
Lundy d'apres la my karefme.

Et la 2. le iour de Touffaincts & du
rent 6. iours chacune à part foy.

Le pardon & Foire de T reguet est
le mardy prochain d'apres la feste
Dieu & dure 6. iours.

La foire de la Noyalle est le 5. iour
de Iuilliet & dure 8. iours.

La Foire de la Houffaye, est le 6.
iour de Septembre, & dure 6. iours.

La Foire de Meaux à my May.

Et la 2. le iour S. Martin d'hiuer.

La Foire de Chasteau Thierry à
l'Ascensio, qui est le prochain Ieudy
des Rogations.

La Foire d'Aberville en Picardie,
est le 2. iour de Iuin.

Les

*Les Foires franches du Pont à
Mousson en Lorraine, nouvel-
lement erigees.*

La premiere commence le premier
iour du mois de Feurier.

La seconde le premier iour de
Iuin.

La troisieme le premier iour de
Septembre.

La quatrieme le premier iour de
Decembre: & durent chacunes quinze
iours.

Les Foires de Charlieu en Lyonois:

La premiere, qui s'appelle la Per-
son, commence le Dimenche gras, &
dure trois iours.

La seconde est le iour de S. Cle-
ment, & dure deux iours.

Les

~~Les Jours de Ray en la Franche~~
Comté de Bourgogne.

La premiere se tiët le premier Ieu-
dy de Carefme, qu'est le lendemain
des Cendres.

La seconde le douziesme de May
Iour de S. Penctas.

La troiesme le Ieudy auant l'As-
sumption de nostre Dame.

La quatriesme le iour de S. Martin
d'Hyuer.

Outre les susdites on en tient vne
au lieu de Charmote proche du Cha-
teau de Ray, le Ieudy auant l'Annô-
ciation de nostre Dame de Mars.

E I N.